

# वाख

(त्रुयतवार साहित्यिक मैग्जीन)  
जुलाई 2006





## SECOND LALITA KAUL SAHIB MEMORIAL AWARD – 2007

Jammu Kashmir Vichar Manch invites nominations for the Second Lalita Kaul Sahib Memorial Award, to be given away in Delhi at a special event in March 2007. The Award, to be given to the best orator or conversationalist in Kashmiri language, has three segments viz, **First Prize – Rs.5,000/-, Second Prize – 2,500/- and Third Prize – Rs.1,500/-**, besides a plaque and a citation. The competition is open to Kashmiri children from all over India, born after the 1990 exodus. All KP organizations in Chandigarh, Jammu, Delhi, Mumbai, Bangalore, Kolkata and other parts of the country are requested to conduct competitions for this Award at their levels first and thereafter send the names of the top performers to JK Vichar Manch for participation in the national level competition. The process of selection is proposed to be completed by December 31, 2006.



**Lalita Kaul Sahib Memorial Award**, it will be recalled, was instituted last year by Shri AN Kaul Sahib in the sacred memory of his wife, as a modest attempt to encourage our younger generation to learn and speak in their mother – tongue which is vital to our survival as an ethnic entity and for protecting our distinct identity as Kashmiris.

The response to the Award has been very encouraging so far. To begin with, the competition for the 2006 Award was confined to NCR only. The winners were : **First Prize – Pradyut Raina, Second Prize – Akshay Razdan and Third Prize – Akanksha Dhar.**

We look forward to a much more enthusiastic response for the next year's Award. Please make "Save Kashmiri Language" a national movement. Constructive suggestions are welcome.

For further information please contact:

**Jammu Kashmir Vichar Manch, 18, Shyam Enclave, Delhi – 110 092**

**T.N. Razdan**  
9891900270

**Anup Kaul**  
9868280727

**Ajay Bharati**  
9868867190

Email: [ajay\\_bharati@yahoo.com](mailto:ajay_bharati@yahoo.com)



(वृत्त्यतवार साहित्यिक मैग्ज़ीन)

जुलय 2006







# वाख

(त्रुयतवार साहित्यिक मैगज़ीन)

जुलय 2006

संपादक

रतनलाल शान्त

प्रबंध संपादक

रूपकृष्ण भट्ट



## ढाख- 3

दुर्यतवार साहित्यिक मैग्जीन

जुलै 2006

### प्रकाशक

आरु इंडिया कश्मीरी समाज

((एआईकेएस))

डी-90, सरोजिनी नगर,

नई दिल्ली - 110 023

ई-मेल : aiksnd@rediffmail.com

### संपादकीय पताह

904-सुभाषनगर,

जम्मू-180005

ई-मेल: rishant@rediffmail.com

फोन : 94196 - 84194

0191-2586033

### © सर्वाधिकार सुरक्षित

यस पत्रिकापि मंज प्रकाशित लेख कर्ता इस्तिनात करु द्रोत गछि लेखक, अनुवादक तु एआईकेएसक इजाजत जरूर हवतु मुन।

कुनि ति (प्रकाशित) लेखस मंज जाहिर करु आमचि रापि मुन एआईकेएस या संपादक सुंद सहमत आसुन छुन जरूरी।

कवर डिजाइन तु अँदरिम्य स्केच : गोकल डेवी

मूल :	1) अख अंक	: 30 रु.
(देश)	2) सालाना	: 100 रु.
(विदेश)	1) अख अंक	: 4 डालर
	2) सालाना	: 20 डालर

इश्तिहार :	कवर सफ	: 10,000 रु.
	अँदरुम कवर	: 8,000 रु.
	पृष्ठ सफ	: 5,000 रु.
	ओड सफ	: 3,000 रु.
	ज्वबाग सफ	: 2,000 रु.

बंदु सोजुनुक तु विग्यापनु खाँतु पताह :-

प्रबंद संपादक

'ताख'; एआईकेएस

डी-90, सरोजिनी नगर, नई दिल्ली-110 023

(दिलि नेबुरिम्यन चेकन गछन 40 रु. अलाव आसुनि,

चेक/ड्राफ्ट गछि 'ताख' नाव आसुन।)

डी.टी.पी : रिकू कौल # 94191-36369, 2595136

Business-cum-Circulation Manager

Rakesh Pandita (9810190551)



## वाख - 3

(चुरयतवार साहित्यिक पत्रिका)

जुलय, 2006

यथ अकस मज

ग्यानुमारुग छुय हाकुवॉर : (लेख)

अहद ज़रगर : कौशिरि सूफी शौयिरी हुंज़ आँखुरी मीलु पॅट : मोहनलाल आश : 28  
कौशुर अफसानु : बुहिमि सॅदियि हुंद बोड तोहफु—II : रतनलाल शान्त : 34

च्यतु त्वरुग : (कविता)

दग : मोती लाल साकी : 46  
गज़ल : मोती लाल नाज़ : 48, 49

परुन स्वलब पालुन द्वलर्ब : (सव्याख्या)

अहवाल नामु : रतन लाल जौहर : 50

आगरु व्योदुय : (अनुवाद)

ग्लेशर : अरविंद गिग् : 53  
नाकॉमी : 54

ऑनस ब्रॉह कनि अख वाँसि डलबुन्य ज़नानु : 55

कथा यि कॅरुम च्वपॉर्य सथ : (कहानियि)

छा कौंसि सामरथ : अख्तर महीदीन : 56  
म्बकुजार : विजय माम : 60

रॅतनदीफ प्रज़ल्यम वरज़न वावु : (इंटर्व्यू)

चंद्रकांता जी सुत्य ज़्यूठ सवाल जवाब : 38

शिवस सोरि नु अतु गथ : (क्लासिकल साहित्य)

ललवाख — नोट तु व्याख्या ह्यथ : 64

शिव छुय थलि थलि रव ज्ञान : (सूफी शॉयरी)

‘स्वछि काल’ सुदि कलामु मंज चारय : 68

कथा यि हॉवम सतुच वथ : (महा काव्य)

प्रकाश रामायनु मंज शोरूवाँती अंश : 72

बुछुम पँडिथ पननि गरे : (सानि अदबी संस्थायि)

संजीवनी शारदा केंद्र :

सांस्कृतिक तु समॉजी सरगरमियन हुंद केंद्र : डॉ. भूपणलाल कौल : 77

अपारे काव्य संसारे

1. कलमकार तु शिव दरबार : मोहनलाल आश : 82

2. मॉज छना : प्रेमनाथ शाद : 83

3. मनु पंपोश : प्यारे भान : 84

4. ग्वरु नाव : रोशन सराफ : 85

मे ति कल गनेयि : (साहित्यिक विवाद)

पनुन्य कथ जमानस लॉगिथ चोपरिथ : र.ल.भट्ट : 22

रवस सोरि नु अतुगथ (सोन पतु बजर)

असी ऑस्य तु असी आसव : अर्जुन देव मजबूर : 87

स्वखन डुस

मंज बाग आस बु ह्यनु : स्वखानंद : 92

सॉरी समुहव यथ रजि लमहव : (चिठि पँतुर)

लोकनाथ कौल, मखनलाल पंडिता, अरुण भठ, राज कुमार तिककू,  
(प्रो.) ए.एन.धर, अर्जुन देव मजबूर, पृथ्वी नाथ मधुप : 9

वाख तु वचुन : (एडीटोरियल)

कल छै वुनि मूजूद : 19



चित्रकार तु व्याख्याकार : गोकल डेवी

शीर्षक : व्यथा

(92x24 सेंमी) कैनवासस प्यठ बनेमुच



यि पेंटिंग छे येमि वाखुचि व्याख्यायि प्यठ बनेमुचः—

हचिवि हॉरिजि पेच्युव कान गोम

अबख छान प्योम यथ राजुदाने

मंजवाग बाज़रस कुल्फु रोस वान गोम

तीर्थ रोस पान गोम कुस मालि ज़ाने?

For a wooden bow I got an arrow of rush grass and  
an unskilled architect for this royal mansion.

In the midst of a market place I became a shop without lock  
I am left without a preceptor, who can realise my plight?

राजदौन्य छु यि शरीर, युस परमात्मा सुंज रोजन जाँय छु। ललि छु बासान जि अथ महलखानस प्योम व्वस्तुकार कोच तु खाम येम्य च्चवापॉर्य खेपु तु वुल्य थँव्य मियव किन्य लूब मुह बेतरि चूर अचन, यिम म्योन सोरुय संच्यथ लुटॉविथ निन। यिल्लय शकायथ छे कठोपनिपदुक्य रेश ति कॅरमुच — ‘परमात्मा छु ‘स्वयंभू’ तु तॅम्य छि इंद्रिय यिथ्य कॅच तु खाम बर्नॉव्यमुत्य जि तिमन छे असि ब्वन कुन लमनुच प्रव्रथ। अवय छु मनुश सिरिफ पानस न्यबर न्यबरुय बुछिथ ह्यकान, अंतरात्महस कुन छस नु नजर गछानुय।’ सोन शरीर छु बाज़रस मंज त्युथ वान हयू यथ नु कुलुफ ति छु युथ मालस रॉछ सपदिहेस। लल छे दपान जि तस छुनु त्युथ मजबूत हँथियार ति युथ अथ वानस रॉछ करि हे। हचिवि कमानि ज़न लागव पेचि तुल्यन हुंद तीर सु कति वाति निशानस ताम? स्व छे रावान तु वतुहावुक छारान, युस आत्महुच दग होमराव्यस। स्व छे अबाग्यस पशान तु द्रख बावान जि तसुंज यि व्यथा — कथा कुस समजि?

## काँशुर नाद — त्वहि सारिनुय सोन आलव

- 1) 'वाखु' खॉतरु छि अँस्य ऐहतरामु सान लेखकन, शाँयिरन, नाटककारन नाद लायान।
- 2) 'वाख' मु बुछून तोह्य सिरिफ तिमन हदबँदियन अंदर यिमु अथ त्वहि बासनवु बँल्कि तिमन हदन तान्य यिमन तान्य तोह्य यि वातुनावुन येछिव।
- 3) 'वाख' छु खॉलिस अदबी मैग्जीन। लिहाजा ह्यकन अथ मंजु तमाम साहित्यिक मसल तुलनु तु व्यछनावुन यिथ। तिम मसलु अँस्यतन काँशिरिस साहित्यस, कल्चरस सुत्य तु ग्वडु अनवॉर्य दिमोख। आसन नु तोति दिमोख जाय।
- 4) 'वाख' छुनु अलाकन तु बँस्तिन, वादियन तु माँदानन, बालन तु दँरियावन या मुल्कन हुंजन सरहदन अंदर काँद, तिक्याजि साहित्य छुनु कांह सरहद मानान।
- 5) 'वाखु' खॉतरु गछन लेख कवितायि वगॉरु नागरी लिपी मंजु साफ अछरन मंजु लीखिथ या टाइप कँरिथ सोजनु यिन्य। तरजमस सुत्य गछि मूल ज़बॉन्य हुंदिस लेखकु सुंद इजाजथ ति आसुन।
- 6) 'वाखु' खॉतरु हेकि सामग्री ईमेलु ज़रियि ति यथ पतहस प्यठ सोजनु यिथ  
rlshant@rediffmail.com या aiksnd@rediffmail.com।
- 7) 'वाखु' छु सिरिफ भारत सरकारुक्य मंजूर शुदु निशानु वरतावान।
- 8) अथ सुत्य लेखनु खॉतरु छि काँशिर्यन निशानन हुंछ नमूनु पेश :  
 अँ = अँछ, अँड, गँज, कँर, अँस्य, कँरिथ, दँरियाव, सँहँल, हदबँदी  
 आँ = काँर, लाँज, माँर, काँल्य, काँद, आँद्य, माँदान, शाँयिर, काँशिर्य  
 अु = बु, चु, तु, बतु, नतु, बडु, छुनु, खॉतरु  
 अु = सुत्य, कृत्य, तुर, डुस  
 ऐ = मे, चे, छे, रेह, नेनि, बेनि, हेह, येछिव, ऐहतिराम  
 ओ = ओदुर, मोट, कोर, शोद, वोड

बाकय काँशिर्य स्वर छि तिमय यिम हिंदियिक्य छि।

काँशिरिस मंजु छिनु अँस्य औ, अः, ऋ, घ, ड, झ, ज, ढ, ण, ध, भ, प, क्ष, ज इस्तिमाल करान। येलि अँस्य हिंदी या संस्कृत लफुज काँशिरावोख अँस्य लेखव तिम यिथु कँन्य : गरुबार, जंडु, डोल, दनुवान, बूमी, शठकोन, ग्यान... मगर येलि नाव लेखनुय आसन अँस्य वरतावव मूल लफुज तिथय पाँद्य : घनश्याम, ओझा साँब, कृष्ण, सुभाष, लक्ष्मण, ज्ञानेश्वर...



(यथ कालमस मंज करव अँस्य पनुन्यन परनवालयन तु लेखन वाल्यन हुंजु चिठि शॉमिल। चिठि गछन 'वाख' किस कुनि ति पहलूहस मसलन अमि किस स्टैंडॉडस, अथ मंज शॉमिल लेखन अंदर प्रकट करनु आमुचि रायि या बेयि कुनि तजवीजस मुतलिक आसुनि। चिठि गछन वेद्यन अछरन मंज लीखिथ या टाइप कँरिथ आसुनि तु सँही निशानन हुंद इस्तिमाल गछि करनु युन। वं गव अँस्य हयकव पनुन्यन वँहँलिपायि लेखकन हुंजु चिठि उर्दू हिंदी या अंगरीज़ि प्यटु अनुवाद कँरिथ ति शॉमिल कँरिथ-सं.)

असि पजि पननि ज़बॉन्य हुंदान मूलन कुन फेरुन

मे गँयि तुहुंद नाव बतोरि एडिटर 'वाख' बुछिथ स्पठाह खुशी। मे छुनु बासान तुहुंदि ख्वतु वेहतर शखुस क्या हेकिहे यि कॉम करनु खॉतरु बँनिथ। तथ छि ज़ु वजह।

अख) त्वहि छे हिंदीयिच बैकग्राउंड तु व्वमेद छे तुहुंदि किन्य हेकन परन वॉल्य ग्यूर तुलन वाल्यव फारसी अरबी लफज़व निशि बँचिथ यिम सान्यव 'अदीबव' वँरी वादव प्यटु (वतन व्यलॉय गछनु पतु ति) तिमन बारिक्य पॉद्य पुशरॉविमुत्य छि। वाखु किस दोयिमिस अंकस मंज 'अदबी मैग्ज़ीन' बदलु (प्रवेशांक) 'साहित्यिक मैग्ज़ीन' छेपुन छे स्वागत करनस लायख तब्दीली।

व्वन्य छुनु कॉशिर्य पडिथ लिखार्यन कांह मजबूरी ज़ि तिम रोज़न वादी मंज लारेमुत्यन आदतन लॉर्य। यिम आदथ ऑस्य तिमन ज़वर्दस्ती पुशरावनु यिवान। व्वन्य छि कश्मीर वादी मंज कॉशिरिस न आसनस बराबर परन वॉल्य। मुसलमान छि शुर्यन जुर्यन सुत्य उर्दू बोलान — दूर दराज़ अलाकन मंज ति येति 'इंग्लिश मीडियम' सकूल बुवर हिव्य च़वापॉर्य फँद्यमुत्य छि। यिम सकूल छि अथ मामलस मंज सरस।



## काँशुर नाद — त्वहि सारिनुय सोन आलव

- 1) 'वाखु' खाँतुर छि अँस्य ऐहतरामु सान लेखकन, शाँयिरन, नाटककारन नाद लायान।
- 2) 'वाख' मु वुछून तोहय सिरिफ तिमन हदबँदियन अंदर यिमु अथ त्वहि बासनवु बँल्कि तिमन हदन तान्य यिमन तान्य तोहय यि वातुनावुन येछिव।
- 3) 'वाख' छु खौलिस अदबी मैग्जीन। लिहाजा हयकन अथ मंज तमाम साहित्यिक मसल तुलनु तु व्यछनावुन यिथ। तिम मसलु आँस्यतन काँशिरिस साहित्यस, कल्चरस सुत्य तु ग्वडु अनवॉर्य दिमोख। आसन नु तोति दिमोख जाय।
- 4) 'वाख' छुनु अलाकन तु बँस्तियन, वादियन तु माँदानन, बालन तु दँरियावन या मुल्कन हुंजन सरहदन अंदर काँद, तिक्याजि साहित्य छुनु कांह सरहद मानान।
- 5) 'वाखु' खाँतुर गछन लेख कवितायि वगॉरु नागरी लिपी मंज साफ अछरन मंज लीखिथ या टाइप कैरिथ सोजनु यिन्य। तरजमस सुत्य गछि मूल ज़बॉन्य हुंदिस लेखकु सुंद इजाजथ ति आसुन।
- 6) 'वाखु' खाँतुर हैकि सामग्री ईमेलु ज़रियि ति यथ पतहस प्यठ सोजनु यिथ [rlshant@rediffmail.com](mailto:rlshant@rediffmail.com) या [aiksnd@rediffmail.com](mailto:aiksnd@rediffmail.com)।
- 7) 'वाखु' छु सिरिफ भारत सरकारुक्य मंजूर शुदु निशानु वरतावान।
- 8) अथ सुत्य लेखनु खाँतुर छि काँशिर्यन निशानन हुंद्य नमूनु पेश :  
अँ = अँछ, अँड, गँज, कँर, अँस्य, कँरिथ, दँरियाव, सँहँल, हदबँदी  
आँ = काँर, लाँज, माँर, काँल्य, काँद, आँद्य, माँदान, शाँयिर, काँशिर्य  
अु = बु, चु, तु, बतु, नतु, बडु, छुनु, खाँतुर  
अु = सुत्य, कुत्य, तुर, डुस  
ऐ = मे, चे, छे, रेह, नेनि, बेनि, हेह, येछिव, ऐहतिराम  
ओ = ओदुर, मोट, कोर, शोद, वोड

बाकय काँशिर्य स्वर छि तिमय यिम हिंदियिक्य छि।

काँशिरिस मंज छिनु अँस्य औ, अः, ऋ, घ, ङ, झ, ज, ढ, ण, ध, भ, प, क्ष, ज इस्तिमाल करान। येलि अँस्य हिंदी या संस्कृत लफुज काँशिरावोख अँस्य लेखव तिम यिथु कँन्य : गुरबार, जंडु, डोल, दनुवान, बूमी, शठकोन, ग्यान... मगर येलि नाव लेखनुय आसन अँस्य वरतावव मूल लफुज तिथय पौद्य : घनश्याम, ओझा साँब, कृष्ण, सुभाष, लक्ष्मण, ज्ञानेश्वर...



(यथ कालमस मंज करव अँस्य पनुन्यन परनवाल्यन तु लेखन वाल्यन हुंजु चिटि शाँमिल। चिटि गछन 'वाखु' किस कुनि ति पहलूहस मसलन अमि किस स्टैंडॉडस, अथ मंज शाँमिल लेखन अंदर प्रकट करनु आमुयि रायि या बेयि कुनि तजवीजस मुतलिक आसुनि। चिटि गछन वेदयन अछरन मंज लीखथ या टाइप कैरिथ आसुनि तु सँही निशानन हुंद इस्तिमाल गछि करनु युन। वं गव अँस्य ह्यकव पनुन्यन वँहँलिपायि लेखकन हुंजु चिटि उर्दू हिंदी या अंगरीज़ि प्यठ अनुवाद कैरिथ ति शाँमिल कैरिथ-सं.)

असि पजि पननि ज़बॉन्य हुंदन मूलन कुन फेरुन

मे गँयि तुहुंद नाव बतोरि एडिटर 'वाख' वुछिथ स्यठाह खुशी। मे छुनु बासान तुहुंदि ख्वतु बेहतर शाखुस क्या हैकिहे यि कॉम करनु खाँतरु बँनिथ। तथ छि ज़ु वजह।

अख) त्वहि छे हिंदीयिच बैकग्राउंड तु व्वमेद छे तुहुंदि किन्य हैकन परन वॉल्य ग्यूर तुलन वाल्यव फारसी अरबी लफज़व निशि बँचिथ यिम सान्यव 'अदीबव' वँरी वादव प्यठ (वतन व्यलॉय गछनु पतु ति) तिमन बारिक्य पॉट्य पुशरॉविमुत्य छि। वाखु किस दौयिमिस अंकस मंज 'अदबी मैग्ज़ीन' बदलु (प्रवेशांक) 'साहित्यिक मैग्ज़ीन' छेपुन छे स्वागत करनस लायख तब्दीली।

व्वन्य छुनु कॉशिर्य पंडिथ लिखार्यन कांह मजबूरी जि तिम रोज़न वादी मंज लारेमुत्यन आदतन लॉर्य। यिम आदथ अँस्य तिमन ज़बर्दस्ती पुशरावनु यिवान। व्वन्य छि कश्मीर वादी मंज कॉशिरिस न आसनस बराबर परन वॉल्य। मुसलमान छि शुर्यन ज़ुर्यन सुत्य उर्दू बोलान — दूर दराज़ अलाकन मंज ति येति 'इंग्लिश मीडियम' सकूल बुबर हिव्य च़वापॉर्य फँट्यमुत्य छि। यिम सकूल छि अथ मामलस मंज सरस।



અનપડ બુજિ તામથ છે પોથરન જુર્યન સુત્ય ફુટફાઠ ડૂંદૂં બોલાન... બુ હ્યકોવુ ત્વહિ વૈનિથ જિ કૌશિર હૂવકિ જબાન કંશીરિ અંદર તિક્યાજિ યી છિ લુખ યછાન...

જ્યાદુ અહમ છે યિ કથ જિ વાદી હુંદાન અક્સર લુકન હુંદિ ખૌતરુ છનુ કૌશિર જબાન પ્રજનતુક કાંહ અલામથ. તિહુંજ કશ્મીરિયત છે તિહુંજિ પૈન—ઇસ્લામિક પ્રજનતુક અખ કુસુમ યથ નામ નિહાદ સૈક્યૂલર સિયાંસી તુ મીડિયા એસ્ટૅબિલિશમેંટ વૉલ્ય લ્વલમતુ લાય કરાન છિ. અવય પજિ કશ્મીરી પંડિતન પનનિ જબૉન્ય હુંદાન મૂલન કુન ફેરુન. મે છે વ્વમેદ જિ યિ તબ્દીલી અનનસ મંજ કૌરિવ તોહ્ય પહલ.

જુ) : તોહ્ય છિવુ ‘સંસ્કારવ’ કિન્ય કેપી યિ નુ સાનિ જબૉન્ય હુંદા અક્સર બ્રૂઠિમ ‘અદીબ’ ઑસ્ય. બદકુસ્મતી છે યિ જિ તિમ ઑસ્ય નુ રહ્ તિ બદલ. નૌદિમ યુગ, યેમ્ય પ્રોગ્રેસિવ / સોશલિસ્ટ નારુબૉજી સુત્ય બેશતર જવાન (પંડિત) લિખૌર્યન બયાનક અસર ત્રોવ, હુ વ્વન્ય ગાલખાતસ ગોમુત. અમિચ હિપોક્રિસી છે નુ સિરિફ અસિ પ્યથ સપદેમત્યવ હમલવ સુત્ય નૈન્ય ગૌમુચ્ચ બલ્કિ ‘શેતૉન્ય સોવિયત સામ્રાજ’ (રીગન સુંદાન લપ્જન અંદર) છલુ ગૌછિથ — ગૌબ ગછનુ સુત્ય યિ સૌરિસુય દુનિયિહસ અંદર બેપરદુ ગૌમુચ્ચ.

ત્વહિ હુ નુ યિછ હિશ તબ્દીલી અનનુચ કૌશિશ કરનસ મે હુ યાદ પ્યવાન આદ્રે મારલૌહન દિત્રોવ ફ્રાંસસ મંજ ઑકિસ આંદોલનસ ગ્વડુ યેમિ કિન્ય ફ્રાંસીસી જબૉન્ય મંજુ અંગરીજ્ય લપ્જ ચૌર્ય ચૌર્ય કૌડિન. ત્વહિ હુનુ ચાલાખ ગરજમંદન હુંદિ ન્વક્તુચીની સુંત્ય પથ હ્યનુક જરૂરથ, યિમ ત્વહિ ‘પુરાતન વૌદી’ યા ‘પ્રતિક્રિયા વૌદી’ આસનુચ હાંછ ધારન. યિમન કમ્યૂનિસ્ટ જાર્ગન લપ્જન છે સ્વ વુચાપુ ર્વય રીથ તિ મ્વકલેમુચ્ચ તુ તાકથ તિ હુખ હૂવક્યોમુત.

વાખુ—ચ કથ કરુ. અખ કમી છસ. નિકિસ ટાઇપસ મંજુ હુનુ અક્સર લૂકન પરનુ યિવાન તુ મોટ્ય ઑનખ પેયખ ઇસ્તિમાલ કરુન્ય. બ્રૉહ કુન બોડરોવોસ પ્રિંટ સાઇજ જરૂર.

હિંદી લપ્જ (યિમ ઑસ્ય સૌરી સમજાન છિ) બ્રેક્યટન મંજુ થવનુ બદલુ (મસલન ડૉ. તોશખૉન્ય સુંદિસ લેખસ મંજ) ત્વહિ પજહન ફારસી/અરબી લપ્જ બ્રેક્યટન અંદર થવુન્ય.

લોકનાથ કૌલ



बी-401, सेक्टर-23, द्वारिका,  
नई दिल्ली — 110075  
(मूल अंगरीज्युक अनुवाद)

◆ शब्द बंडारस (वोकेबुलैरी) मुतलक सॉन्य पालसी छे साफ। कथ गछि कुनि मुशिकल वरॉय परनवॉलिस ताम वातुन्य। गोब्य तु कम—प्रचर लफज छिनु कथि गेन्य कडनस मदद करान। तुहुंद वनुन छु ठीख कि सिरिफ कुनि गरजमंदी किन्य या कुनि विचारदारायि पोछर करनु बापथ परनवालयन केह खास लफज पुशरावन्य छे तंग नजरी। यि ऑस कॅशीरि अंदर तु अमि वातनोव न्वकसान। अँस्य करव नु ति येमि सुत्य सोन परनबोल परेशान गछि। हिंदी लफज छि तस ज़्याद वैद्य, अवृकिन्य तुलव अँस्य तिमन हुंद फॉयिदु। सानि 'कश्मीरियत' ति वाति तमी सुत्य फॉयिदु। नागरी लिपी अँन्य असि पननि ज़बॉन्य हुंद खज़ानु रखनु तु बडरावन खॉतर। अमि सुत्य हेकि सारिवुय ख्वतु बॅड तब्दीली यि यिथ जि सॉन्य छँकरन आमुत्य बॉय बंद रोज़न पननिस मूलस सुत्य गँडिथ। अगर 'वाख' अम्युक निमिथ बनि, बॅड कथ छे। मेति वाति स्वख तमी सुत्य। —सं।

असि गॅयि दॅरियावस वसवुन्यन राफटन हुंज अमल

अप्रेल 2006 हुक 'वाख' पोरुम। स्यठाह ख्वश गोस। अमि कुस्मुकि मैग्जीनुच ऑस स्यठाह व्यछय। तुहुंदि इयस्कु प्यटु यिम केह लफज मजमूनन सुत्य छि आमुत्य लेखन, तिमव छि यिम बेयि हन बनॉव्यमुत्य। तुहुंदिस कलमस मदद युथ यि अख शूबवुन तु लूबवुन मैग्जीन बनि।

युतुय लेखनु सुत्य त्वत्योस नु बु। बु छुस यछान जि यि गोछ अकि थदि पायि डांचुच शकुल प्रावुन। तमि खॉतर छु ज़रूरी जि तिथ्यन मजॉजी (सांसारिक) मसलन गछि दल छल यिन्य दिनु यिमन मंज बेलोस खँदमथ, क्वरबॉनी हुंद जज़्बु, स्योद सादु (रस्टिक ति) जिंदगी तु पज़रुक अनसर (तत्व) सरस आसि। दपान सुकरात सुंद पँतिम केह चिहय रोज़न हमेशि इनसान सुंदिस दिलस मंज अख जज़्बु तु वलवल पॉदु करान।



असि रॉव दरसुल पनुन्य शनाख्त या प्रज़नथ। यहोय बोहरान (उथल पुथल) छु असि ज्यतस सन्योमुत। व्याख बोड त्रास छु जि असि छुनु कांह चीज़ पनुन बासान। यिमव लरि बनावि तिम छि पशेमान, यिमव नु बनावि तिम ति छि पशेमान। असि छु प्रथ विजि अख खतरु ह्यू जागि बिहिथ बासान। अँस्य गँयि प्रथ हक् निशि महरूम। तमि बुतरॉच हृदि हक् निशि ति य्वसु ज़मानय सल्फु (प्राचीन कालु) प्यठु सॉन्य जद ऑस्य पनुन्यन जुयन हवाल् करान आमुत्य, तु येति असि ज़नुम म्यूल। असि छे तिमन राफ्टन (Rafts) हंज़ अमल गॉमुच, यिम चिनाब हिविस (तेज़) देरियावस मंज़ गरा अँकिस बँठिस गरा बेयिस बँठिस छि लगान तु प्रथ कांह लँहर छख काँपुनावान। ब्रोंठ ति समखेयि असि यिथ्य हालाथ, मगर ज़्यनु जाय ऑस ख्वरन तल येमि किन्य अँस्य बेयि व्वतलेयि तु संबलेयि। युस सोन जवान छु रेत्य र्यतस रिलीफस सुत्य दरबदर रोज़ान, तस ब्रोंठ कनि छु तन वलून्य तु नफ़स पालुन बोड मसलु। तस अगर ग्यान बेहमव वननि, तस कति गछि अथ सुत्य मन हम आहंग। म्योन मतलब छुनु जि तस नसॉ गछि नु यिछ कथ वनुन्य, तस गछि वनुन्य मगर तीच्युय यीच्चा तस पेद्य पेयि नु तु बेमतलब बास्यस नु। अज़ अगर खंड आसि ख्योन सु ति गछि तूल्य तूली ख्योन।

मखनलाल पंडिता

मकान नं० 180, सेक्टर -1, गली नं०- 4,

दुर्गा नगर, रूपनगर, जोम - 13

◆ 'वाख' गोछ इनसानस पनुनि अँद्यपखि तु पनुन्यन हालातन मुतलख हुशियार करुन यि छि सॉन्य ति कूशिशा। यि गोछ वतन व्यलॉय कॉशिरिस पनुन्य प्रज़नथ रछनुक होसलु द्युन तिति छि अँस्य यछान। अदब छु सुय रुत युस इनसानस पनुन इतिहास तु पनुनि वक्तुक्य हालाथ बेहतर ज़ाननस मदद करि। सही कविता ऑस्यतन या कहानी, पँरिथ छु इनसानस जज़्बु बडान तु सु छु पान रुचि वति लागनुक दस करान। कमकास ग्यान छु प्रथ अदबस मंज़ आसनय तिकयाजि तजरुबु छु असि हेछिनावान तु तजरुबय छु जुव ज़्यतु। —सं.



## लीला छना शॉयरी?

‘वाख’ पॅरिथ युस अंदाज मे कोर, सु छु यी जि तोहय छिव अकि तरफ़ प्रोन लिटरेचर रखुन यछान, बैयि तरफ़ अज कलुक साहित्य ति दिवान। अज कलुक छु कहानी, गज़ल वग़ौरु रूपस मंज आसान। बैयि छु अंगरीज़ी शॉयरी हुंद ट्रांसलेशन आसान। प्रोन लिटरेचर छु ललेश्वरी, सूफी शॉयरी तु रामायन। मगर तोहय छिव न अजकलचि लीलायि दिवान। अजकल छि जेमिस मंज वारयाह नॅव्य तु प्रॉन्य शॉयिर लीलायि लेखान। मगर त्वहि छपावु न अख ति वुनिस ताम। लीला छना सानि शॉयरी हुंद हिस्? मे छु बासान तोहय छिव न यि मानान। कैह दोह ब्रोठ सपुद भगवतीनगर किस आश्रमस मंज लीला मुशॉयिरु। दपान तति गॉयि लीलायि प्यठ स्यठा डिस्कशन मगर सु ति रूद तोत तामथुय। आम कॉशिरिस लॅज नु पता जि पज़र क्याह छु? लीला छना ठीक लेखुन्य? यि छना शॉयरी? मेहरबांनी कॅरिथ दीतव लीलायि प्यठ ति पनुन्य राय।

—अरुण भट

आनंद नगर, बोडी,  
तालाव तिल्लो, जम्मू।

◆ तुहुंज फरमॉयिश नज़रि तल थॅविथ छे ‘वाख’ किस यथ अंकस मंज चोर तिछु कवितायि शॉमिल करनु आमनु यिमेन बगवथ नाव, बख्ती या लीला शॉयरी सुत्य कैह नतु कैह वाठ छु। यिमेन मुतलक छे कमकास राय ति दिनु आमुच। युथ सॉन्य परन वॉल्य यिमेन हुंज साहित्यिक म्वलांकवन पानय ह्यकन कॅरिथ। व्वमेद छे अथ मुतलक लेखन तिम असि पनुन्य राय खुलु पाँदय। —स...

## वाख 'खॉरिव' इंटरन्यटस

डॉ. शशि शेखर तोषखानी साँबुन लेख ‘बॅख्ती हुंद व्वदबव’ (वाख-1 तु वाख-2) छु स्यठाह कैह सौंचनावान तु थदि पायुक। अमि खॉतरु कॅर्यतव तिमन म्यानि तरफ़ मुबारख। तिमव छु होवमुत जि बॅख्ती



गेंयि नु ललदेदि प्यठु शोरू बल्कि ब्रोंटुय ऑस येति चलान। यिथ्य लेखं छि सॉन्य जानकॉरी स्यठा बडावान। वाखस मंज गछन शैवदर्शनस प्यठ ति लेख दिन्य, युथ असि, आम कौशुर परन वाल्यन अथ मुतलक ज़्यादु ग्यान हौसिल सपदि। बैयि गोछ वाखूच सौरुय सामग्री इटरन्यटस खारुन्य युथ यि कांह ति पॅरिथ हेकि। युथ ह्यू कौशुर मैग्जीन छु सानि खौतरु स्यठाह इम्पाटेंट।

—राज कुमार तिवकू  
सी-9, वसंत कुंज,  
नई दिल्ली।

◆ शैव दर्शनुक हवालु या ज़िकिर करव अँस्य तेली, येलि सु कुनि साहित्यिक रचनायि मसलन कविता लेख वगॉरस मंज यियि तिक्याजि वाख छु ग्वडु साहित्यिक पतु बैयि कैह। मसलन ललदेदि या बैयि कौसि शौयिरु सुंदिस प्रसंगस मंज। युथ लेख दिनुच कूशिश करव अँस्य। वाख इटरन्यटस खारनुक तजवीज छु जान। अँस्य करव अमि बापथ कारवौयी।  
—सं.

वाख प्रावि बोड नाव तु मकाम

हाल हालुय जॉरी करनु आमति कौशिरि अदबी जर्नल 'वाखुक' अप्रेल 2006 अंक पॅरिथ आव मे रुमन रुमन आनंद। श्री गोकल डेंबी सुंजि कवर पेंटिगि न्यू यकदम म्योन तवजौह। सफ न. 3 हस प्यठ छप्योमुत वाख (ललदेदि हुंद), युस अथ पेंटिगि तल कनि दिन आमुत छु, आसि डेंबी सौबस प्रेरना बन्योमुत येमि किन्य तिमव यि कवर — डिजायनु खौतरु न्युमुत छु। यि वाख छु सान्यन ग्रंथन हुंद सार पेशकरान, यि जि ब्रह्म किथु कॅन्य प्रजनावोन 'सारि स्रेश्टी बोड तु थौद' रूपस मंज, युस ब्रह्म जुवनुक तु आसनुक आदार छु। यि छु बिल्कुल वौजिब जि अथ पेंटिगि मंज य्वसु जनानु रेवायती कौशुर प्वशाख लौगिथ हावनु आमुच छे, स्व छे सादनायि मंज लीन लल द्यद ज्यतस पावान।

येत्यन छु यि वनुन सही जि पनुन वाँसुवादन हुंद प्रोन कल्चर तु रँछरावनुचि फिकरि किन्य छु वादियि निशि छ्यनु गँछनु प्यठ सॉन्य समाजन लेखकन तु व्यदवानन ज़बर्दस वुतुश द्युतमुत। अक्सर सान्यन साहित्यिक



तु समॉजी क्यो सांस्कृतिक रिसालन हुंद तेदाद ह्यु बुछान बुछान बइयोमुत, यिमव मंजु केंह नु—जबॉन्य छि, अक्सर छि अंगरीज्यस मंजुय नेरान मसलन नाद, आलव, क्षीरभवानी टाइम्ज, वित्सता तु बेयि गव कौशुर समाचार ऑसिथुय (युस केंचव दहिल्यव प्यठु सानि बरादरियि हुंद मुखपत्र बन्योमुत ह्यु) बु करु बेयि अकि बुजबॉन्य जर्नल — ‘पत्रिकायि’ हुंद जिकिर, युस भगवान गोपीनाथ जी ट्रस्ट उदय वाला जम्मू/पंपोश कालनी दिलि तरफु नेरान ह्यु तु यथ व्वन्य ‘शुद्धविद्या’ नाव थवनु आमुत ह्यु।

यथ कथि मुतलक आसन नु ज़ु रायि जि हैरिकनि जिकिर करनु आमत्यन जर्नलन मंजु छनु कौशिरिस कौफी जाय दिनु आमुच आसान तु यिम बॉग्य छिनु अदबी या कल्चर सामग्री रँग्य बॅरुत्य आसान, यि ज़न आसुन गोछ। केंचन मैग्जीनन अंदर छि खॉलिस खानुपूरी करनु खातर कौशिर्य सफु केंचताम आसान। यिथ्य मैग्जीन या ह्यकन कौशुर बरायि कथ बाथि हुंद सादन या साहित्यिक हज़हारु खॉतरु रॅछरनस कांह मदद कॅरिथ। तनु प्यठु ऑस वतन बदर गॉमत्यन कौशिर्यन हुंदि बापथ नागरी लिपी मंजु कांह स्टैडॉर्ड साहित्यिक रिसालु आसुनुच सख कॅमी मोहसूस सपदान।

शानन ह्यु माजु हुरान यि बुछिथ जि अभाकस (AIKS) तरफु आव तुर्यतवार ‘वाख’ कौशिरिस मंजु कडनु। अमि जर्नलुक्य एडीटर तु प्रबंधक डॉ. रतनलाल शान्त तु डॉ. रूपकृष्ण भट छि मुबारकुक्य हकदार। अप्रैल 2006 हुक अंकु पोर मे बखुशी। अथ मंजु शॉमिल गद्य (नसुर) तु पद्य (शॉयरी) सुत्य ह्यु साफ ननान जि अमि अंकुक मवाद कोत बोरुत तु आला पायुक ह्यु। जर्नलुक फारमैट बुछिथ गोस बु स्यठाह मुताँसिर। एडिटर डॉ. शान्त ह्यु यि नफीस कॉम करनु खॉतरु मुबारकबादुक मुस्तहक। तसुंद एडिटोरियल तु प्रथ आर्टिकलस प्यठ कनि परिचयात्मक बयान छि सौचनसरन वॉलिस परनवॉलिस स्यठाह मुताँसिर करान।

बु गोस यि बुछिथ ख्वश स्व प्रतिक्रिया पॅरिथ य्वस वाखकिस ग्वडनिकिस अंकुस मुतलक प्रो. हामिदी कश्मीरी, मखनलाल कंवल, सैयद रसूल पोंपुर, वीर कृष्ण, प्रो. एन.भान तु बृजनाथ बेताव हिव्यव शखसव सूज़मुच छे। यि सोरुय बुछिथ ह्यु नु मे कांह शक बासान जि यि जर्नल बडि व्यकारु रँग्य ति तु लुकुटाछु किन्य ति, य्वदज़न ज़्यादु ज़्यादु परन



वॉल्य अथ चंदु सोंजन तु लिखॉर्य पनन्य लेखुत अथ आयतन थवन। यि मैग्जीन करि अकि अदबी पत्रिकायि रँग्य नाव तु मकाम ज़रूर हॉसिल।

—(प्रो.) ए.एन.धर

504, सरवाल मोड,

न्यू प्लाट्स, जम्मू।

## बु करु सारिनुय कॉशिर्यन अपील

‘वाख’ गोडन्युक नागरी लिपी मंज कोशुर रिसालु म्यूल मे तुहंदि देस्य। यि छु अपरेल 2006 अंक। स्यठाह शूबिदार, अँछन वयवुन तु स्वन्दर। मे छु मोलूम जि अख कॉशुर रिसालु सु ति हिन्दी लिपी मंज कडुन कोताह मुशिकल छु तु अथ कॉत्याह मुशिकल आसन तोहि पेश आमुत्य। बु छुस पानु ति अथ आलमस मंज केँह काल परेशान रूदमुत। खॉर स्व गयि प्रॉन्य कथ।

यि रिसालु छु कॉशरि ज़बॉन्य खॉतर अख जुरतु वोल् मुबारक कदम। आल इंडिया कश्मीरी समाज क्यन सरपरस्तन छुस बु यि कॉम शुरू करनु म्वखु रुत रुत यछान। यि रिसालु थवि कँशोरि न्यवर स्यठाह अहमियत तु यिनु वॉलिस तवॉरीखस मंज रोज़ि यि शानदार—कदम हर हमेशि याद। बदकुस्मती छि येमि मुलकुच जि हिन्दी राष्ट्र—भाषा ऑसिथ ति आव न हिन्दी लिपी मंज कोशुर (विकल्प) ताम तसलीम करनु। यि सोंच करि मुलकस खराब। अँस्य कति ह्यकोन अख अंग्रेज़ युस कोशुर ह्यछुन यछान आसि अँगरीज्य (Roman) लिपी वरॉय कोशुर हैछनॉविथ? शायद छु अवय दक्षिन भारतस मंज वारियाह पंडितव रोमन ति अख विकल्प थोवमुत तिक्या जि तोर छुनु हिन्दियुक प्रचार प्रसार ज़्यादु।

बँहरहाल ‘वाख’ छु अख बोहोदुरानु कदम तु थ्यकुन्य लायख कूशिश। सारिनुय कॉशर्यन पजि अथ वेंछि वॉलिंजि स्वागत करुन।

अपरेल अंक छु अख हथ सफु यि छुनु सँहल कथ। सॉरी स्तम्ब छि नव्यर ह्यथ। नसर लेखनस प्यठ छु ज़ोर आमुत दिनु। यि छु अख सु ज़रूरत युस ज़बॉन्य रुत बँरचर करि। प्रूफचि गलती छे न आसनस बराबर।

दय दियिन तोहि तु सारिनुय लिखार्यन ह्यमथ थिम कुनि मावज़



वराँय यथ रिसालस ग्वड छि बरान।

बु करु सारिनुय काँशिर्यन अपील तिम चाहे पीरपाँचालु अपारि छि या यपारि जि तिम हेयिन यि रिसालु मोलय। रिसालु गोछ बाकी रिलन ति यिम मुलकस मंज काँशिर्य पंडित कडान छि, वातनावनु युन। श्री एम.के.रैना यिम 'मिलचार' तु 'आलव' रिसालन काँशिरिक्य तु हिन्दिक्कय संपादक छि, छि म्ये बार बार फोन करान जि तिमन वोत नु यि बागि बोरुत रिसालु युथ तिम अथ प्यठ रियुव लीखित दक्षिन भारतस मंज रोजन वाल्यन काँशिर्यन अमिचि गुणवतायि हुंज ज्ञानकाँरी करनावुहन।

डेम्बी साँब छि सनुबुन तु ठेठ कोशुर आर्ट स्टायिल वोल् कवर दिनु मोखु बेहद ताँरीफन हुँदय हकदार। फांट गाछ अख नम्बर बडावन युन युथ आम लुख आरामु सान यि रिसालु पेरिथ ह्यकुहन।

—अर्जुन देव मजबूर

राम कृष्णा आश्रम,

लेन नं. 1, उदयवाला,

तालाब तिल्लू, जोम।

### पत्रिका बनिहे ज़्यादय शूबिदार

'वाख-1' तु 'वाख-2' म्यूलुम। स्यठाह स्यठाह धन्यवाद। बुछिथ गोस ख्वश तु हौरान ति। जु कथु छम साइजस तु बाडवस मुतलख वननि:—

1. साइज छुस वुनिति हना ल्वकुट। यि गोछुस 'कोटेंपेरी इण्डियन लिटरेचरस सौम्ब या 'नया ज्ञानोदयस' बराबर आसुन।
2. बाइडिंग योदवय जुजन मंज यियिहेस करनु पत्रिका बनिहे ज़्यादय शूबिदार। 108 सफु गव नु केँह कम। मगर जुजु बाइडिंग करिथ बासिहे यि पत्रिका मोट तु यि म्वल छुस तु तथ लायख।

फांट गोछुस ब्येयि तु हना मोट आसुन यिहोय 'उजला राजमार्गस' हयू। यि बनि ना जि यि पत्रिका यियि दिली छापनु—स्पट करनु। तति छु द्यकनिकली असुल मशवर। यिछि मॉर्य मंजि पत्रिकायि गोछ ती आसुन।



पत्रिकायि ह्यु डेंबे सॉबस हिविस चित्रकार सुंद तु डॉ. शशिशेखर, मूतीलाल क्यमू, हरी कृष्ण कौल, रहमान राही तु प्रेमनाथ शाद बेतरि लिखायन तु गोनमातन हुंद इशितराक हॉसिल तु लेहजा छे यि सामग्री रंग्य स्यठाह बागिवान पत्रिका।

जॉती ख्याल ह्युम जि यीत्य सहल माने खेज लफुज तु कौकिलि रोस्त बावथ आसि त्यूताह गव जबर। ह्यवट्यन लफुजन मंज — सहल तु साफ बावथ तु सनि सोन माने छि अकि शूबिदार रचनायि हुंज प्रजनथा। यि नजरि तल थैविथ छम शाद सॉबुन्य रचना 'तमि मैचि वोननम' स्यठाह खोश करान। 'रोशन लालुन्य किताब' छे अख जबर कहॉनी। अथ मंज ह्यु बटु समाजस मंज अँकिस लेखक सुंद म्वल तु अँज्यकिस जमानस मंज असि किताबि हुंज वुकंथ प्रकटावनु आमच। लिखॉर्य ह्यु मुफतुय किताब बांगरावान मगर कांह शख्नाह ति ह्युनु किताब परनुच जहमथ तुलान — लेखक सुंद यार त्यनु! किताबि हुंज कदर छे यीचय जि अमिकिस कागजस छि लिफाफु यिवान बनावनु तु यिमन मंज सोदा कनुनु। कुचाह बेकदरी छे लिखॉरिस समाजस मंज! यि ह्यु दिलस पारु त्रावान कँरिथ।

पृथ्वी नाथ मधुप  
मकान नं. 58, शांता सदन,  
कोचि नं. 07, सरस्वती विहार,  
तालाब तिल्लो, जम्मू — 02



## कल छे वुनि मूजूद

असि प्यठ ह्यु सारिवुय ख्वतु बोड इलजाम यि जि अँस्य छि पान्यो पान्यो! असि छे न बेयि सुंज कथ व्यपान। असि ह्युनु पनुनिसुय वॉयिस बंदस प्यठ वेशवास। अँस्य छि व्यक्तिवोदी। असि प्यव कँशीरि चलुन तु खबर थँव न काँसि। असि बसावि जोमि, दिलि, हरियाणा, हिमाचल बेतरि कयन शहरु दंद्यन प्यठ बँस्तियि तु कुनुय मशवरु कँरिथ नु कँह... ति क्याजि असि मंज ह्यु प्रथ कांह सिरिफ पनुन लसुन तु मरुन सोचान... तु यि सौरुय इलजाम बाँजी छि अँस्य पानय करान, पनुन्य न्वक्तुचीन छि अँस्य पानय... पनुनि अथ खसूसियँच छि अँस्य बाजे पनुन्य खूबी ति मानान। दपान आत्मालोचन (सेल्फ क्रिटिसिज़्म) गव पायस प्योन। पनुन्य गलती पानय वनुन्य गँयि बँडीमी।

अँस्य ह्यकवा वँनिथ जि व्वन्य छि अँस्य पायस पेमुत्य? अँस्य छि व्वन्य कमय पहान व्यक्तिवोदी? अँस्य छा व्वन्य रलुमिल रुजिथ सामूहिक पॉट्य लसनस बसनस मंज यकीन थवान? तवय छा असि व्वन्य अँकिस अँकिस जायि दँह दँह संस्थायि बनाविमचु। मतलब येति येति सोन बोड तेदाद रोजान ह्यु। मसलन जोमिस तु दिलि मंज। येति अँस्य तेदादस मंज कम तु छँकरिथ छि तति छे वुनि अकॉय संस्था। यिति छि अँस्य वुछान जि मुदामकसद अँस्यतन अकोय, संस्थायि आसन तोति अलग अलग। यि ह्यकवा अँस्य वँनिथ जि ज़्यादु संस्थायन हुंद मतलब गव उदेशुच (मुदाहुच) ज़बर्दस फिकिरमंदी आसुन्य?

अगरय असि व्वन्य पनन्यन उदेशन (तु सामूहिक मकसदन) हंज कल व्वतलेमुच छे यि ह्यु स्यंठाह रुत सानि व्यक्तिक फॉयिदु खॉतरु ति। अथ मुतलक मा ह्यकन ज़ु रायि ऑसिथ। सोन क्या कुनि ति समाजुक युस वतनु निशि दूर प्योमुत आसि बोड सामूहिक मकसद क्या हैकि येमि अलावु ऑसिथ जि अँस्य गँछ्य बतोरि अख समाज, बतोरि अख एथनिक



ગ્રુપ બેચિથ રોજન્ય યુથ નુ જમાનુક તુ વસ્તુક વર્જન વાવ અસિ હિથિ નિયિ। અસ્ય છિ બેશક મૂલવ રસ્ય કુલ્ય હિવ્ય, અસિ હેકિ કાંહ તિ સંહલાબ યીરુ વૉલિથ। બદલ જાયન મૂલ દિનુચ કૂશિશ છે સ્થઠાહ સરખ તુ ક્રુઠ આસાન, મગર મૂલ પ્યન અસિ દિની, અગરય કુનિ દોહસ જિંદુ રોજુન યછાન છિ। મૂલ દિનસ મંજ હેકિ અસિ પનુન સંસ્થાય સમુત બકાર યિથ। અખ સંસ્થા ઑસ્યતન યા દેહ, સોન સમુત ગછિ મજબૂત આસુન। ગ્વડુ ગછિ સોન ઉદેશ સાફ આસુન।

અથ પ્રસંગસ મંજ હુ સોન કૌશુર આસુન સાનિ મજબૂત સમાંજી પ્રજનતુક યાને સાનિ યકત્યુક અખ જરૂરી હિસુ। યિ છે તસલીબરુશ કથ જિ સાનિ સારેય સંસ્થાયિ છે યથ કથિ પ્યઠ સહમત જિ ઑસ્ય છિ કૌશિર્ય તુ અસિ પજિ કૌશિર જબાન બચાવુન્ય। સૉન્ય સૉરી નેતા તિમ નેશનૉલ્ય ઑસ્યતન યા કાંગરૉસ્ય, ભાજપૉય ઑસ્યતન યા પનુન કશ્મીરુક્ય, ડોવરિ દરયુક પાલિટિક્સ માનાન ઑસ્યતન યા રૉલિસ દારમિક વ્વથવાશરુ રૉતરુ જુવ રૂટાન ઑસ્યતન, સારિનુય છિ અકૉય કથ મુશ્તરુક, સ્વ છે યિ પછ જિ કૌશિરિ જબૉન્ય સુત્ય છિ ઑસ્ય કૌશિર્ય। પાનવૉન્ય કુદાહ

તિ મુરૂકરી ઑસ્યતનખ, કૌશિરિ જબૉન્ય મુતલક હુ સારિનુય હુંદ સૉવ કુનુય વજહ હુ સાફ—

કૌશિરિ સુત્યન કૌશિર્ય સૉરી નતુ વૉરાનુક્ય હૉરાન કાવ।

યિમન સંસ્થયન હંજ સૉચન ત્રાય છે યિહંદિ લ્યખુતિ સુત્ય, યિહંજવ કિતાબવ તુ પત્રિકાયવ સુત્ય જૉહિર ગછાન। યિમન પત્ર—પત્રિકાયન મંજ છિ હમેશિ કૂશિશ કરનુ યિવાન જિ કૌશિરિસ જુ પાંછ સફુ તિ ગેછ્ય આસુની ‘કૌશુર સમાચાર’ પ્યઠ ‘આલવ’ તુ ‘વિતસ્તા’—યિ તામ સારિનુય પત્રિકાયન અંદર છિ કૌશિર્ય હિસુ। યિ હુ હાવાન જિ કૌશિરિ જબૉન્ય હંજ કલ છે વુનિ મૂજૂદ। યિ કલ છે અસિ જમાનથ દિવાન જિ ઑસ્ય બચવ। યથ વાવુહાલિ મંજ યિયિ નુ સોન કુલ મૂલય પ્રાટનુ।

વ્વન્ય પ્રુહૉવ પાનસ જિ સંસ્થાયન હુંદિસ સૉથરિસ પ્યઠ ક્યાહ છિ ઑસ્ય પનુનિ કૌશિરિ પ્રજનતકિ નિશાનુ યાને કૌશિરિ જબાન બચાવનુ રૉતરુ કરાન? યિ કરાન છિ તિ છા કૉફી?

પ્રથ સંસ્થયિ હંજ કૂશિશ છે જિ જૉર્નલ કડહૉવ તુ તથ અંદર થવુહૉવ કૌશુર હિસુ તિ। થવાન છિ જરૂર, હાલાંકિ સુ હુનુ કૉફી આસાન, અંગરીજ્ય યા કુનિ કુનિ



हिंदीयुकि मुकाबल। सु काँत्या छि परान, तथ काँचा छे मंग, अथ मुतलक छुनु संजीदगी सान सोंचनु सरनु आमुत। काँशुर हिसु मैग्जीनस मंजु थवुन यिथु कॅन्य संस्था पनुन्य नैतिक जिमवोरी मानान छे, तिथय पौट्य अगरय अमि किस व्वथववस कुन ति ज़्यादु प्हान द्यान दियि, तमिच जिमवोरी गछि अदु पूर। संस्थायि छि आसान अख सामूहिक इछा अख सामूहिक कूशिश करनुक वुछ तु कांह सॉन्य संस्था छे नु स्व येमिकिस कान्सटिचूशनस मंजु आसि नु काँशुर फॉलावनुक मुदा शॉमिल, मगर यि मुदा छा सिरिफ मैग्जीनस अंदर सफु कॅह थवनु सुती पूर गछान?

यि छु पज़र जि संस्था — जर्नलन अंदर काँशिर सामग्री कम आसनुक्य कॅह वजह छि तिथ्य यिमन प्यठ संस्थायन कुंहय वश छुनु। मसलन यि जि काँशुर लेखनवॉल्य छि कमय। यिम लेखान छि तिमव मंजु छि कमय संजीदगी सान लेखान। कमनुय छे यि फिकिर जि लेखुन गोछ त्युथ आसुन युथ परन वॉल्य ओर कुन खिंचनु यिहन। अथ मंजु गॅछ मन रंजनावनस सुत्य सुत्य

लगहोरी हुंजु कथु ति आसुनि। कॅछाह गोछ त्युथ ति आसुन येमि सुत्य अँस्य पननि परंपरायि ति मान थवहॉव तु अजकलकि ग्यान विग्यानुच वॉकफियथ ति प्रावुहॉव। दपान मोशूर लेखक प्रेमचंद सुंजु कहानियि परनु खॉतरु ह्योछ लुकव तथ ज़मानस मंजु हिन्दी येलि सरकार्य ह्यमायथ फारसी उर्दूहस मेलान ऑस ति क्याजि म्वगलव ऑस हिंदोस्तानस मंजु अमि खॉतरु प्वरखु ज़मीन बनॉवमुच येमि पेट्य पकुन अंगरेज़न ति सॅहल बासान ओस ति क्याजि फारसी मुनशान हुंजु काँचाह पीरि आसु बॉब्यगी करनु खॉतरु तयार। अँस्य अगरय कूशिश करव तु अख अँकिस मशवरु ह्यथ काँशिरि खॉतरु सामूहिक कूशिश करव, ज़रूर नेरन रुत्य नतीजि। सिरिफ छि इरादस बेयि अकि लटि खँहरन दिन्य। सोन सामूहिक इरादु छु सान्यन संस्थायन हुंजि शकिल मंजु जॉहिर सपदान तु संस्थायन दर्यर दिनु सुत्य छि अँस्य पननि जिंदगियि हुंघन मूलन रॉछ करान। संस्था छे असि पान्यो पान्यो कि प्रानि इलज़ामु निशि बरी सपदनस ति मोकु दिवान।



साहित्यस मंज ति छि विजि तिथ्य बहस ब्थान यिमान सानिस  
सौचनस सरनस तु जिंदगियि सुत्य नजदीकी संबंध आसान छु।  
यथ कालमस मंज छि अँस्य यिथिनुय विवादन प्यठ लिखार्यन हुंछ  
न्वकतय नजर दिवान। वाख-1 अंकस मंज ओस देवनागरी रस्मि  
खत कौशिरि खौतरु वरतावनस प्यठ बहस तुलम्युत। वाख-2  
अंकस मंज ओस कँशीरि मंज लुकु वरतावुचि जबॉन्य मुतलक अख  
नजरिया पेश करनु आमुत। अथ प्यठ ति छि अँस्य तुहुंज राय  
वातनस प्ररान। अँस्य छि हमेशि तुहुंजि राय त्रायि कदुर करान।  
यथ अंकस मंज छु युथुय ब्याख मसलु। यि मसलु छु बिजौती  
समौजी मसलु, वंगव अथ छि वारियाह साहित्यिक आयाम  
(डाइमेंशन)।

## पनुन्य कथ जमानस लॉगिथ चोपरिथ

विवाह छु येति दरमस मंज जिंदु जुवस सारिवुय ख्वतु बोड  
संस्कार। अमि पतु गव मरनोपरांत अंतेष्टी तु छुटी। हरगाह यिम गॅयि ज़ु  
बाकुय च्वदाह संस्कार छि खांदर यानी विवाह संस्कारु खौतरु इनसानस  
तयार करु। बापथ ति, ति छु नु गलत। (हां, बिल्कुल ठीक, यि ति ह्यकव  
वॅनिथ जि विवाह ह्यथ पंदाहवय कार छि मरनुच तयौरी। अँथ्य लाजिकस  
वौन सिगमं फ्राइडन जि इनसानस छे बिजौती मरनुच खौहिश याने ड्यथ  
विश।)

कथ छे साफ विवाह संस्कार छु हेंछ दरमस मंज सारिवुय ख्वतु  
बोड संस्कार। अगरचि इस्लामस मंज खांदर फिकही तोर अख आम मामलु  
छु माननु आमुत तु निकाह छु मुश्किलन अकि (कुनि) बेयि एगरीमेंटु निशि  
ब्योन, ताहम छु समौजी तकाजव अथ मुसलमानन हुंजि जिंदगी मंज ति  
स्यठाह अहम मकाम द्युतमुत। वन्य वुछितव खांदर। कुनी कथ यसु



खांदरस मंज सारिवुय खवतु ज़्यादु वननु करनु त बारबार दुहरावनु यिवान छे, स्व छे 'जल्दी', 'जल्दी करिव साँ', 'तेज तेज पँकिव', 'जलजल वँथिव', 'जल्दी खेयिव'. अँस्य ज़न छिनु 'लार' लफुज इस्तिमाल करान वलेकिन अथ सॉरिसुय कारस छे च़लु लार आसन चाहे स्व द़वन द़हन ऑसिल चाहे द़हन द़हन। जिंदगी हुंद अहमतरीन कार तु लार! ज़न छे च़ेदुय आसान नखु वालुन्य। ठहराव न कुनी। च़्यड करिथ ज़न दिमुहव बतुमैडिस पूर चाफ तु बुछिहॉव जि युस तोमुल अँम्य खानदारन छु छॉर्य छॉर्य चॉरिथ ओनमुत, तथ क्युथ मंजु छु? मगर कति? बस म्वकलावनुच जल्दी छे। बफे सिस्टमस मंजु लॉनि मंजु पतु खडा लूकन जाय त्रावनुच जल्दी। बतु ख्यथ गरु गछनुच जल्दी... अथ जल्दी मंजु वातिथ हॉजिरी त्रावनुच जल्दी। अगर यीच लार छे तेलि क्याजि यिम र्यवाज? क्यमू सॉब दपिहे 'म बर फिकिर। ती गछि। 'वर वदू' हस सोज़न कोटस जल्दी कॉम अँजरावनु खॉतर।' वन्य अगर कांछाह अथ च़लु लारि मंजु 'क्याजि क्याजि' लागि पृछुन, तस वनन 'यि हा खबर कथ आलमस मंजु रोज़ान। अँमिस नु पय ज़मानु कौत वोत। यूत छा

वख अँम्य सुंद क्याजि तु क्याह बेहन बोज़नि।'

खांदरस जल्दी। ज़यनस जल्दी। स्कूल सोज़नस जल्दी। शुर डंब लँगिथुय छु एडमीशन फारम यिवान वरनु। स्कूल नेरनस तु नोकरियि जल्दी तु पतु मरनस ताम सॉरिसुय जल्दी। ऑखुर कमि बापथ यीच जल्दी? क्याह मुदा तु मकसद छु हॉसिल? यूवस कॉम जल करनस अँस्य पतु रोज़ान छि, स्व कॉम मा छे पानस मंजु कांह अनुबव ति आसान। अख कॉम याने जिंदगियि हुंद अख मकसद। शायद नेरि नु अथ कथि खांदर कारुकि हवालु फुठ। (रुन्य गँछस, थोद संस्कार ओस। बँड कॉम ऑस।) कँह वरी ब्रोंठ ऑस्य अँस्य अख सेमिनार करान। अँकिस संस्थायि अंतरगत। संस्थायि हुंद सदुर छु अख मोनमुत शखुस। सु ओस अथ सेमिनारस पतु। बँल्कि करु नाँविन अँस्य लॉदुय दी दी यि सेमिनार। मोज़ू (विशय) ति ओस अहम। तँमिस क्यो लूकन ऑस अथ मुतलक ज़ाननुच सख कल। बोलन वॉल्य ति ऑस्य ज़ान। सब्जेक्ट मॉहिर। ग्वडन्युक सुपीकर गव मिनठ पांनुमरु ज़्यादय पहान निथ। येलि दौयुम अख ति मिनठ जोराह वक्तु अपोर द्राव, सदुर सॉबन सूज़नस



चिट 'जल्दी करिव'। अमि पतु युथुय कांह बोलनबोल वक्तस अंदस वातुन ह्यवान ओस, चिट ऑस गळान जॉहिर 'जल्दी'। अँछव सुत्य ओसुस इशारु करान, 'बेहनावुन सा' — मे छुनु बासान तँम्य आसि काँसि सुपीकर सुंद कलामु न्यसुफ वक्तु अपोर बूजमुत। शायद ऑस्य लूख ति तोत तामथुय बोजान। यीचाह जल्दी प्रेजीडंटस सेमिनार अंद वातनावनुच ऑस, तीचुय आसिहे तिमन ति नेरनुच जल्दी। यि ओस मे सेमिनारचि 'जल्दी' हुंद ग्वडन्युक तजरबु। तमि पतु वुछ नु मे कांह सेमिनार यथ नु जल्दी आसि। हां, अँकिस नफरस छुनु जल्दी आसान सु गव युस पानु बोलान आसि। येम्य बूल, येमिस बोलुन छु तु यिम बोलान छि आसान सारिनुय छे जल्दी आसान जि कर गछि खतुम कर नेरव। हयो तेलि किहोजि आयिवु? ति प्रुछुन ति छुनु लॉजिम। यिम सॉरी 'जल्दी' वॉल्य छि बेयि द्रह बेकिस सेमिनारस वक्तस प्यठ आसान वॉत्यमुत्य।

दपान चीनी चिंतक सुन यात सेन ओस प्रथ काँसि गॅर त्वहफु दिवान। गरि बाँगराँव्य बाँगराँव्य ओस सु हमवतनन वक्तुच अहमियथ हैछिनावान। वक्तुच पाबंदी छे

लॉजिम। वननस ति तु बोजूनस ति। जिंदगी ति तु जिंदगी हुँघन कारन ति। हरगाह वक्तुय रावि तेलि क्याह यियि अथि? अगरय वनव जि वक्त बॅल्कि वक्तुच पाबंदी छे अख ह्यूमन राइट, त्यूत गलत ति गछि नु। तोह्य कूत वक्त छिवु निवान अथ कथि प्यठ छु येमि कथि हुंद दारोमदार जि मे कूत वक्त मेलि। म्यानि बापथ कूत वक्तु रोजि। वलेकिन अथ लारि मंजु य्वदवय कथुय रॉव तेलि कथ छु वख बकार? अगर वक्तुय चल् लार बनि तेलि क्या छु हॉसिल, अमि कथि वरॉय जि अँस्य छि अथ सॉरिसुय मंजु छरा रिचवल पूर करान। वनुनुक रिचवल बोजुनुक रिचवल। रननुक रिचवल। ख्यनुक चिचल। ज्यनुक रिचवल। छरा छु अति मरुन रोजान येमि पतु मॅर्यमुतिस वक्तुय वक्तु छु। मगर मरन वॉल्य सुँघन न कैह। तिम छि शव वुछनु पतय 'जल्दी' मंजु आसान। तिहंदि हवाल् ह्यकव मरनस ति रिचवल्य वॅनिथ। जिंदगी छे अकि रिचवल प्यठ दौयिमस गिरिफतार गॉमुच। अगर अथ वक्तुक एहसास वनव तेलि मा पेयि सुनयात सेन सुंदिस फरासतस बेयि सनुन। तँम्य सुंजव कथव सुत्य ह्योछ चीनियव जि वख छु अहम। वख छु दोलथ। अजु छु चीन दौयिम त्रैयुम



मॉशियत (अर्थतंत्र) बननस तयार।  
वकुत ह्यु तरकी, बजॉयी, पापर जॉयी।  
यूनानियव ओस वक्तुचि दीवियि  
इयकस प्यठ मस लंग थोवमुत यथ  
इनसान थफ दिथ हैकि हे। मगर तथ  
जमानस ऑस नु लार। अरस्तूहन  
कॅर जल्दी तु चोल एथेन्स त्रॉविथ।  
नतु गछिहे मारु। इयकु लॉनिस थफ  
दिनु वॉल्य करुहॉन नु व्याख  
फिलासफर मारनस कॅह हिरासु। लारि  
चलनस ह्यु पनुन माने! पनुन मकाम।  
पनुन फॉयिदु। इनसानस जिंदु थावनस  
मंज अख रोल। सोंचुन ह्यु जि चल  
लारि हुंजि जिन्दगी मंज क्या यियि  
अथि?

ट्रायस ताराज गॅछिथ चजोव  
एनियास तति छेकरस वोत सु रोम  
तु त्रॉवुन तति तहजीबुच बुनियाद।  
रोमन वोय पतु यूनानस त्यूत डोल  
जि बुनि ह्युनु एथेन्स पनुन प्रोन बजर  
लॅबिथ ह्यकान। एनीयासस गॅछ  
स्यठाह जल्दी आसुन्य कुन वातनुच।  
सु फ्यूर पड़ाव पतु पडाव पनुन्य  
सॉथी ह्यथ। कारथजु ब्यूठ सु खेल  
करनि तु लिडायि सुत्य कौरुन  
अॅशुक। खबर शुर ज़ायोवा तस किनु  
न मगर सु ओस र्यत वादन तति।  
हरगाह त्यंबरि तेज़ुहन नु सु मा गछिहे  
तॅत्य बिहिथ। अति ह्यु पडाव ति  
मॅजिल। अख अख च्युह, अनुबव,

एहसास, जिंदगी अति ह्यु प्रथ चिहिस  
कमाल। प्रथ कांह साथ मुकमल। यि  
जिंदगी हैकि कुनि विजि ति मोर  
त्रॉविथ। मरुन ओस नु तेलि ति कॅह  
ख्वश आयंदु मोकु, वन्य गव अरमान  
ऑस्य नु अइफॅद्य रोज़ान। हथ साल  
ख्यथ ति रोज़िहे नु बतुक मेछर  
बुछिनय। हरगाह अज कलुक  
हॅनीमूनुक शोशि आसि नु, रनि तु  
गुनिस रोज़ि रिटायरम्यंदस ताम अख  
अॅक्य सुंद बुथ बुछनय। तीच ह्ये  
असि वखतस जल्दी कॅरमुच। बोज़ान  
छि अज ब्रोंह ज़ु चोर दॅहिल्य ब्रोंठ  
ति ऑस फरागथ आसान। खांदर  
पछ्यन ओस पछ गॅडिथ। पतय  
क्योख ख्वश र्यतस बेहनस ति  
ओसनु ठाख। शुर ओस न्यसफा  
ओरु योरय पलान। चाट्टहाल ओस  
ग्वरस यि दॅप्यजि ति हवालु आसान।  
शायद आसु अति वखतस ज़्यादय  
पहान च्वचि गछान, कम च्वचि तु  
कॅदी कुलिचि। अख अख खंड  
मजदार। अख अख रछ शॉयरियि  
हुंद विशय बननस लायख। व्वन्य  
गव अॅजिकिस शॉयरिस कति छे  
फुरसथ? सु ह्यु पननि वारि प्रारान  
छंद ज़ु नियि वॅनिथ तु पतलून चंदस  
मंज अथु त्रॉविथ नेरि। जल्दी छस  
ना? गरु वातनुच जल्दी। बतु ख्यनुच  
जल्दी। शॉयरी करनुच जल्दी। अगरय



बहु बृहत्ति ति किताब छपनय रूजस  
तेलि क्याह कोरुन हॉसिल? व्वंगव  
यि लार छनु अँम्यसुय यॉच। यि छे  
अँम्य सुंदिस श्रोताहस ति। दुकानदारस  
ति। अफसरस ति, चपरॉसिस ति।  
लार छे जमानसुय। असि पानु  
दिचमुच। यि लार छे म्वलुल। अथ  
छि पाँसु, र्वपयि, माल दोलथ,  
यज्जथ। अगर केँह छुस नु स्व गँयि  
जिंदगी यानी बजॉयी छावनुच फुरसथ,  
येमि वरॉय यि सोरुय बेमाने छु।  
अति छु सिरिफ यि बचाव जि यूत  
सनुनस ति छनु फुरसथ। अवय छा  
अँस्य वनान यि समय छु स्यलुफ  
सँफिशंट।

कथ छनु फुरसँच तु जल्दी  
हुंज। कथ छे तजादुच (विरोदुच)  
कथप छे कॉम अंद वातनावनुच तु  
कॉम अंजाम दिनुच याने कॉम बजॉति  
ख्वद अख प्रावुत (अँचीवम्यंट)  
ज्ञाननुच जि यि अख पडाव मॉनिथ  
पथ कुन त्रावनुच। अँकिस मौजूरस  
छे दिहॉइय मगर मॉलिकस छे द्वस।  
मौजूर छु बुछान सिरियि कोत वोत,  
द्वस खँचा किनु न स्व छे मॉलिक  
सुंज परेशॉनी। द्वस किछ खँच स्व  
ति छनु मौजूरस फिकिर। सवाल छु  
जि अँस्य छा पनुन्य जिंदगी बहँसियति  
मॉलिक बुछान किनु मौजूर? बाजे  
छुनु यि तजाद सेदि स्योद ट्रेंठ गछान।

दपान लखनवी तहजीब येलि थज़रस  
वोत, नवॉव्य शुर्य ओस्य कोठन  
प्यठ सोजनु यिवान हेछनि। शायद  
ओस तिमन 'मुजरा' हन मंज व्वथुबेठ  
हेछनुच ज़रूरथ। मगर यि ओस अमि  
तहजीबुक अख हिसु। बोड हिसु  
ओस सु हिंदोस्तॉन्य तहजीब यथ  
मंज शरुम—हया, ज्ञान—मान,  
ज्युठ—कूस मोल—गोबुर मामल अहम  
ओस्य। कोठ ओस्य अमि मुल्की  
र्यवायतुक उलट। अम्युक नकार  
(नफी) अज छे सॉरिसुय ख्यनु  
गॉमुच। आ तेह तु त्राय छे बुनि।  
अथ वनवा सकूल तु चाटहालुच  
फरुख, य्वद ज़न, द्रशवय लफुज  
छि हममाने। मगर विकास  
(इरतिकॉयी) ल्यहाजु छि यिम ज़  
लफुज बिल्कुल जुदा। चाटहाल ओस  
कॉर नोमरॉविथ पकुन हेछिनावान।  
सकूल छु बचस, मॉलिस मोल बॅलिक  
जद बनावान। देँह बृह वॅरी ब्रॉठ  
ताम ओस चाटु हालुक तसव्वुर  
सकूलन प्यठ हॉवी। शहर मंज ओस  
यि वारियाह खतुम गोमुत, मगर  
शहरव न्यबर ओस मूजूद। पतु गँयि  
पब्लिक सकूल तु इंगलिश मीडियम  
आम।

सकूलव लोब पनुन असली  
मुकाम। सु मुकाम युस यिमन तति  
ओस येति यिम आमुत्य ओस्य।



અજ છિ અવલુકિસ વચસ ડિલ  
કમ તુ ડાનસ જ્યાદુ હેછિ નાવાન।  
ગોકિ ડાનસ છુ સાનિ સબ્યતાયિ હુંદ  
અખ લૉજમી જુજ વલીકિન તમિ  
સબ્યતાયિ હુંદ યેમ્ય ભરતનાદ્યમ  
કુન્ચિપૂડિ બેતરિ નચ્ચન ત્રાયિ વનાવિ,  
તમિ ઓસ યિમન હુંદ્યન કલાકારન  
વૅલ્કિ વ્વસ્તાદન અલગ દરજિ  
શોવમુત। મીરાસ્યન હુંદ મુકામ છુ  
મિસાલ। યેમિ કથિ નિશ કતય—નજર  
(અંછ ફીરિથ, મંશરૉવિથ) જિ મીરૉસ્ય  
ઑસ્ય ઠીક કિનુ ગલત, અમિ  
સુત્ય ઑસ તહજીબુક પ્રમોશનલ સ્ટૅંડ  
સાફ પૉટ્ય દૅરરાવનુ યિવાન। સ્વ  
અશોક કુમાર યેલિ ફિલ્મ લૉનિ  
ચાવ, તૅમિસ ફુટ ખાંદર। ફિલ્મન  
મંજ ઑસ સુ જ્ઞાનુ કિરદાર કરાન  
(તિક્યાજિ) જ્ઞાનુ આસ નુ ફિલ્મન  
મંજ યિવાન। પત આયિ ફિલ્મન કુન  
અકિ ખાસ વરગુચિ જ્ઞાનુ। શાયદ  
ઑસ સાયિા બાનો તિહુંજ ઑંખરી  
નુમાયંદ। 1960-ઠસ બ્રૉઠ તામ ઑસ  
યિહય હાલથ। અજ છિ લૂખ કૂશિશ  
કરાન જિ તિહુંદ્ય શુર્ય અચ્ચહન  
ફિલ્મન મંજ, તિમ લૅંડકુ આસન  
યા લૅંડકિયિ। ઊતરુ તામ આસુ ન  
રામલીલાયન મંજ જ્ઞાનુ કિરદાર  
કરનુ બાપથ જ્ઞાનુ મોહન્યુવ બ્યટાન  
તુ લૅંડકય ઑસ્ય યિમ રોલ કરાન।

યિ ઑસા જાન કિનુ ન સ્વ છે વચરુ  
કથ। યિ ઑસ હુમી તહજીબુક અસર  
તિ તુ નિશાનુ તિ। અથ તસવુરસ યા  
તરીકસ તલુક પ્યઠ કૅરિથ છિનુ તમિ  
તહજીબુકય દમ દિન્ય જૉયિજ। નોવ  
તરીકુ આસિ શાયદ જ્યાદુ ઠીખ।  
યિ છુ તરકી પસંદ તરીકુ માનનુ  
યિવાન। શાયદ છુ યિ જ્યાદુ પ્રોડક્ટિવ  
યા પેંડગ તિ। સ્વ કથ છે પનનિ  
જાયિ। મગર યિ છુનુ સુ તહજીબ।  
યિ છે વદલ કદુર। યિમન કદરન  
મંજ કિથુ છે બૉતિકતા (મૉદિયથ)  
ઇનસાનસ વ્વટુરુ દિથ પથર પાવાન  
તિ છુનુ વુનિ સારિનુય બોજનુ યિવાન।  
હાં, હુતિ ઑસ જ્યાદુ વિકાસ દર,  
કાશકૉરી ઑસ નુ કૉસિ હુંદ આર્થિક  
સ્તર માનનુ યિવાન વલ્કિ જિંદગી  
હુંજ ર્વય રીથ ઑસ। યિમવ મંજ  
ક્યાહ ઑસ જાન તુ ક્યાહ છુ નુ યિ  
છુ અલગ સવાલ, વ્વંગવ યિમ  
દ્વશવય રલ કરુન્ય ગવ વિરોદ (તજાદ)  
બ્રૉઠ પકનાવુન્ય। સ્વય ગૅયિ ‘જલ્દી’,  
કાર નખુ છુનુન વૉલિથ। વ્વસ્તસ  
દ્વહ ખારુન। કુનિ છુ યી ફૉસલુ  
કરુન અજહદ જરૂરી માનનુ યિવાન  
જિ ઑંખરસ ઑસ્ય ક્યાહ છિ જિંદગી  
માનન? કથ છિ જિંદુ રોજુન વનાન?

ઑસ્ય છા જિંદગિયિ હુંદ્ય  
મોજૂર કિનુ મૉલિખ?

—ર.લ. ભટ્ટ



(अहद जरगर ओस तु सूफी शॉयिरु तु अमि ल्यहाजु हतु वंद्य वेंरी प्राणि काँशिरि इस्लॉमी रहस्यवाँदी शॉयरी हुंदिस सिलसिलस सुत्य वाँविस्तु अमापोज तँम्य कँर शॉयिरी वुहिमि सँदियि मंजु येलि समाजी क्यो सियाँसी आजॉदी हुंज अखिल भारतीय तहरीक येतिक्क्यन शॉयिरन ति मुताँसिर करान आँस। येति आँस्य नँविस गाशिरिस माहोलस मंजु अब्दुल अहद 'आजाद' तु गुलाम अहमद 'महजूर' हिव्य शॉयिर नँव्य शारु तजरुबु करान, मास्टर जिंदु कोल ति ओस नवि चेतनायि ग्वड बरान। जरगरन अगरय प्राँनी प्रथा पाँज (तु भाग्यवान द्यद हिश ग्वनुमाथ ति प्रवावित कँर) ति कँरिथ ति कँरुन सूफीवादस पनुन वखरु रंग दिनुच कूशिश, यथ मंजु अथ विचारदारायि मंजु र्यवायती हिंदू परंपरायि हुंजि आँडरनि हुंजु मिलवन अँमी सारिवुय ख्वतु ज़्यादु तु खुलु पाँदय स्वीकार कँर, ऐलान कँरिथ। अथ वोनुख अँमिस बाँगी तिक्याजि अँम्य कँर बदल वथ (अख एक्स्ट्रीमिस्ट वथ) यखत्यार युथ सूफी कॉलिब बंद इस्लॉमी साँच दुनिरावनु यियि।... बहरहाल अँमिस मुतलक परिचयात्मक लेख छु हाँजिर। पँरिव तु पनुन्य राय लीखिव।)

अहद जरगर : काँशिरि सूफी शॉयिरी हुंज आँखुरी  
मीलु पँट

—मोहनलाल आश

कँशीरि हुंद इस्लॉमी रहस्यवाद (तसव्वुफ) ह्यु इब्नि अरबी सुंदि तसव्वुफु निशि हना डॅलिथ तिक्याजि इब्नि अरबी ह्यु यूनाँन्य रहस्यवाद तु इस्लॉमी सूफी मिजाजस लरि लोर तु कँशीरि हुंद तसव्वुफु ह्यु “रेश” परंपरायि स्यठाह नजदीक। नुंद रेश सुंद इनसाँनी रिश्तस व्वथबव धुन, मिलुचार, बरादरी, बाँय बंदुत, चरित्रुक थजर, परहेजगॉरी, फिकिर तु जिकिर (चिंतन तु नामसुमरन) इंद्रियन वश करुन, क्रिया तु मनशु—सीवा, आँस



• अमि फलसफुच कुनु—कॅन्य। यहोय  
ट्रेश्टीकोन चलयव तसव्वुफस मंज  
ति।

कॉशिरिस साहित्यस मंज छि  
असि बॅड्य बॅड्य कर्मयूगी, बाईमान  
तु थदि पायिक्यन शॉयरन हंज  
तारखमाल नज़रि गछान यिमन मंज  
अब्दुल अहद ज़रगर अख अलग  
तरहुक शॉयिर नज़रि गछान छु।  
आलमी सतहस प्यठ छु अख त्युथ  
शॉयिर येम्य खोफनाख शॉयरी  
horror poetry वॅन्यमुच छे। अॅमि  
नखि नोख द्राव नु बुनि दोयुम सु  
कांह शॉयिर येम्य इस्लॉमी सोंचन  
त्रायि अकि हॉरतनाख तु बयानक  
बाबुक इज़ाफु कोर:

मे लोद आदम मे दितुस जान  
मे ज़ाव मुहम्मद मे वोन क्वरान  
मे निशि नोन गव मलिकुल जब्बार  
कॉफिर सपदिथ कोरुम यकरार

यि नारु मनकल हेच न  
अॅमिस वरॉय काँसि छरि तनि प्यठ  
बर्दाश कॅरिथ। आम सूफी शॉयिर छु  
पनुन फलसफु या तजरुबु बावनु  
म्बरु वरगु बावथ करान। या रूपक  
वर्तावान, मगर ज़रगर सुंद यलगार  
छु मस वालन ताम ऑरक अनान।

ज़रगरस हयू द्रश्टा ग्वनुमाथ  
समजनु खॉतरु गछि परन वॉलिस  
तसव्वुफ क्यन प्रतीकन तु संकेतन

बेयि चिंतनस क्या ग्यान कोशन हंज  
पूर खबर आसुन्य। नतु हयकन वाराह  
गलतफहमी पॉद गॅछिथ।

अॅमिस सूफी शॉयिरस आयि  
त्रे वेगन। अॅमिस मील्य समजन वॉल्य  
वोज़ख (श्रोता) यिमन अॅम्यसुंद  
कलामु फिकरि तरिहे तु अॅम्य सुंदि  
बजरुक स्वीकार सपदिहे। न मील्य  
अॅमिस सृजनात्मक प्रतिवा थावनवॉल्य  
व्याख्याकार यिम अॅम्य सुंदिस  
कलामस म्वलु आंकवन करुहन न  
पाथेयस ग्यानुक सन्यर समजन वॉल्य  
संगीतकार यिम यि कलामु साज़न  
खॉरिथ हयकुहन।

व्वन्य यस यि कॅछाह अथि  
लोग तॅम्य लॉय तिछुय गयल।  
अइयव वोन जि यि कलामु छु  
कुफरुय योत। अइयव वोन यि छु  
अहद ज़रगरनि तेज़ मिज़ाजुक नतीजि।  
अइयव वोन यि कलामु छु आम  
सुकरस मंज वननु आमुत।  
समालोचकव वोन यि कलामु छु  
इब्हामु (कठिना) बॅरिथ। बेय वोन  
जि अमिच ज़बान छे तीच सख जि  
लफुज छुनु फिरुनुय तगान। गर्ज  
यीत्य ऑस तीचु कथु। युस कलामु  
सारिवुय ख्वतु ज़्यादु आलोचनायि  
हुंद शिकार सपुद सु ओस 'गज़लि  
रंगमार' अथ वोनख जि यि छु शरही  
(इस्लॉमी कोनूनु) हदन न्यवर तु



विवादास्पद।

मगर यिमव आनी मॉनी  
ग्यलव मंजु छनु अख कथ ति  
अहंदिस कलामस सुत्य मुताबिकथ  
थावान। मसलन निमव गजलि रंगमार।  
यि छु अनलहक या 'अहं ब्रह्मोस्मि'  
नावुकिस् शब्दस कौशिर सूरथ दिनुच  
कूशिश। तसव्वुफ ज्ञानन वॉल्य सुंदि  
बापथ छनु अथ मंज कांह कथ य्वसु  
नु फिकरि तरि। अमिच ज़बान छे  
तसव्वुफी शॉयरी हुंज ज़बान।

दपान येमि सातु मनसूरस  
ऑस्य फासि कूटिस कुन निवान तैम्य  
कोड अँकिस जायि तम तु अथु ज़ु  
थोद तुलिथ वौनुन 'ऐ म्यानि ख्वदायि,  
यिमन सीरन हुंज मे बावथ कँरुथ,  
अगर यिमन ति अमिच ज्ञान आसिही  
करनॉवमुच, यिम दिहन नु मे फॉस्य।'  
ऑखरस येलि अँमिस फॉस्य दिनुख  
दुनिधिहिक्यव इसलॉमी चिंतकव तॉन्य  
मोल कफि अफसूस तु वौनुख जि  
अज द्राव दुनियाह मंजु अँजीम  
साहिबि दिल। अहद ज़रगरु सुंद शुमार  
ति छु यिमुनुय साहिबि दिलन  
(सहृदयन) मंज करनु यिवान। येम्य  
पनुन आसुन ग्वरुदीवस अरपन कोर  
तु तपस्यायि मंजु गव लीन। तिमन  
मुकामन हुंज वखनय कँरुन तु तिमन  
नागुरादन हुंज अम्रेतदार कँरुन नोश  
येम्युक सौच समुज करनु सुत्य

ऑसस छु मँदरेर मंजु ह्यू बासान:

इयकु गोम जॉगिथ आम लॉगिथ

सँन्यासये

अजु मे इयूंतुम पानु मोला इनसान रोये  
गोम निदा कमि तान्य शेये

अँड्य व्याख्या कार छि अद  
बंदस शिवु सुंद आवास या  
साख्यात्कार मानान तु अँड्य  
ग्वरुस्तुती।

आम सूफी शॉयरन तु अहद  
ज़रगरनि शॉयरियि मंजु छे अख बँड  
फरुख — आम सूफी येलि मराकबस  
(समॉज) मंजु गयेयि तिमन छु सु  
हाल व्यापान यथ बेखुदी हुंद आलम  
वनव या समादि मंजु यि केंछाह  
तिमन अनुबव सपुद छु सु कोर  
तहंदव बँकत्यव कलमबंद तु अथ  
कलामस मंजु रोज़ु वाराह छंदचि  
गलतियि। अमि मुकाबलु छु ज़रगरुन  
कलामु वज़ुन, छंद तु अलंकारचन  
कहवचन प्यठ पूर वुतरान। यि छुनु  
ग्यल लायान बँल्कि तिमन मुकामन  
हुंज पूर ज्ञानकौरी दिवान यिम अँमिस  
सादनायि हुंजि वति डेशमान छि  
यिवान।

अँमिस ओस न सिरिफ  
ज़बॉन्य प्यठ मुकमल थफ बल्कि  
ओस बाशाकार तु शब्दन, तरकीबन,  
उपमायन, मिसालन, रूपकन, संकेतन  
तु द्रैश्टांतन हुंद खजानु ओस तस



वशास तल। प्रो. 'शादु' सुंदि वननु  
— “अँम्य सुंघन शारन मंजु छि  
अँदरूनी बावनायन हुंजु शिदथ तु  
चिंतनुक अथ बावनायि सुत्य  
समिसोम्यर ति। अँम्य वातनोव गजल  
तु वचुन वजन जवानन लरि लोर।”

अँम्य सुदिस कलामस मंजु  
छु विश्वप्रेमुक तु बावनायि हुंद परतव  
साफ नजरि गछान। जरगर सुंजि  
शायरी मुतलक छु यूसुफ टेंग येमि  
आयि लेखान:

“अहद जरगर छु शायद  
कॉशिरि शायिरियि हुंद सारिवुय ख्वतु  
बोड नाफरमान (अवज्ञाकॉरी) तु बाँगी।  
बगावथ य्वसु तँम्य रस्मी  
जॉहिरदॉरियन (आडंबरन) खलाफ  
कॉर। यि छु सारिनय मोलूम जि तसुंजि  
नवजवाँनी मंजुय आव तस खलाफ  
हुकिम कुफुर दिनु येलि तँम्य यिथ्य  
हिव्य शार वँन्य:

जाल फुरकान<sup>1</sup> नॉल्य त्राव जुनार<sup>2</sup>

पाल दीन कुफरस त रोज़ तन दार

यिम आलव छि कॉशिरिस  
मंजु अजीब तु बदल आयिकय।  
म्यकदारु (मात्रायि) तु मेयारु (स्तरु)  
किन्य छि यिम विश्वस्तरचि बाँगी  
शायरी हुंजु कुफयथ थावान। प्रो.  
हामिदी छु लेखान — “यि लँहजि

छु अख बदलय लहजि। माँथरिदार  
या वनव माँथरि ह्यु। हॉकिमानु तु  
प्रबावशाली। सु छु तिमु कथु वनान  
यिमु असि बिल्कुल वखरु बासान  
छे। वैखचि तु शॉरियतचि ज़बाँन्य  
मंजु कुफरचि कथु। बदइखलॉकी हुंजु  
कथु। पोज़ यि मा छे नसरुच (गद्युच)  
जवान। यिमन कथन छु बदल माने।  
यिमन छि अलामतन (प्रतीकन) हुंघ  
परदु तु इशारन हुंजु छायि। यि छु  
सूफी शॉयरियि मंजु ज़्यादु पहन  
वरदार तु इब्हाम (दुरूहता  
obscurity) ह्यथ। यि तरि मेहनतुसान  
तु पीरु वॉलिस फिकरि। वनान छु:

बापीरस युस आसि वामशक्कत

तँस्य तगि वोज़न्य दरवेश कथ

वेपीर यीरु मंजु दँरियावस

वस दोनि दिवु मोनि सँतरस गस

शास्त्र

शंकराचार्य सुंदि वेदाँती  
फलसफ़ मुताविक छि एकल्व (अद्वैत)  
तथ वनान येलि सादकस ‘अनुबूति’  
(कशुफ) हॉसिल गछि येलि सादक  
‘अपरोक्ष ज्ञान’ यियि, साख्यात्कार  
सेदि स्योद हॉसिल सपदान छुस।  
यहोय ग्यान येलि तफ त ज़फ कँरिथ  
कमालस वाति यि छु ‘अंपरोक्ष’ ज्ञान



बनान। येनी तथ पदवी प्यठ वांतान  
येत्यथ अहदजरगर सुंदि वननु छनु  
बदंस तु मोलाहस (दासस तु प्रबुहस)  
मंजु कहंय फरुख रोज़ान:

बंदु तु मोला सपदिहे फान

जिंदु रोज़ि बाकी म्योन जिस्मोजान

सादक ह्यु वनान — बुय ह्युस ब्रह्म।  
सोऽहम। अनलहक। यहोय मकाम  
सपुद मनसूरस हौंसिल।

जरगर सुंद काव्य पेरिथ ह्यु  
बासान जि अमिस ह्यु शास्तुर ज़बॉन्य  
तु शास्तुर्य मजमूनस प्यठ पूरु दसरस  
हौंसिल।

कॉफिर तपसी करान बगवानस

जान राज़दानस सीवाकार

द्वारपाल हरकाल शिवनारानस...

सथ छिय ठोकर अथ बुतखानस

सथ सादो छिख पूज करान

सथ पाश त्रौपरिथ पानस पानस...

बाफ बन साफ वस नॉबिस्थानस

ताफ दिथ चंदरम काफ ता काफ

पाफ त्राव छेल्य छेल्य शाफ तुल प्रानस

जान राज़दानस सीवाकार

पद

आकाश पाताल प्रकाश मीलित सु

गाश गोछ बुछुन तय

गोया मत्री द्वारपाल नरस सीवाकार शूबान

अहद जरगरन हवन गर कर राज़बल

नाज़ नावन तय

बवन वॉतिथ शिवन हॉरान परदन रू  
यकसान



म्यँथुर म्युल गव रामु सीताये

शामु ह्याये फेर्यम ना

द्राव जरगर पाना शीरिथ शास्तुर

जामय हेरि व्वनु पुरिथ

वोल अहद जरगर शास्तुर माये शामु

ह्याये फेर्यम ना

रहस्युकय सिर, सलूकच वथ,  
प्रकाशुक तीज प्रावुत्युक बजर ह्यु  
जायि जायि अहद जरगरनि शॉयरी  
मंजु दीदमान गछान:—

बंदु तय मोला सपदन फान

जिंदु रोज़ि बाकय म्योन जिस्मोजान

रिंदु कथ ज्ञानन जिंदु संतान

जिंदु रोज़ि बाकय म्योन जिस्मोजान

नय तति सॉलिक सलूक जॉहिद

नय जोहदु तकवा नय आबिद

नय गोस अब्दाल कुतुब इरफान

जिंदु रोज़ि बाकय म्योन जिस्मोजान



जिकिर तु तसबी जॉलिथ त्राव

फिकिरे गॅछ्य गॅछ्य सीर अँज़राव

मकरव सुत्य नो दय अथि आव

पर तु पान त्राविथ सरु कर ज़ाथ

अरु सरु त्राविथ कशफ करामाथ

फिरु वरि कथि नय रोज़ी नु बाव



फिकिरे गॅहूय गॅहूय सीर अँजराव



बुय छुस महीत बुय छुस बसीत  
बुय मा आस कुल शयन महीत  
अज मन पाँदु गव कुल समसार  
काँफिर सपदिथ कोरुम यकरार



नय तोर सुबह नय तोर शाम  
नय तोर कैलिमु नय राम राम  
नय तोर मज़हब मिलत समन  
रिंदु बन जिंदगी सरु करतन



सफरि महमूदस द्योवनस कन  
कुफरो इस्लामु निशि शून्न गोम मन  
बुछ अहद ज़रगरन दून की ज़ात  
पंपोशि मंजु गँयि पाँदु कायनात



अहद ज़रगरन रहस्यवाद छु द्रुस  
कायनातस विहातु कैरिथ। अँम्य छि  
प्रातु अब्यासुक्य, कुंडलिनी यूगक्य  
तु यूग सादनायि हंघ ओविल्य तु  
जॉविल्य मँज़िल तय कैर्यमुत्य, बडु  
अरक रीज़ी सान। अँमिस निशि छुनु  
रंग नसुल तु ज़ातपातुक कांह तमीज़।  
सु छु फकथ सॉलिक इनसान दोस,  
ख्वदादोस तु जीवन्मुक्त आत्मा



**आनोभद्रः क्रतवो यन्तु विश्वतः**

*Let noble thoughts come to  
us from every side*

**Prayers for VAAKH to be the best magazine**

From :  
Chand Giri Shup Wangnoo  
Shiela Hira Lal Wangnoo



(येमि लेखु किस ग्वडनिकिस हिसस मंज पोरवु त्वहि जि वुहिमि सँदियि मंज सायनस तु टेकनालजी हुंजि गॉरमोमूली तरकियि त्रोव अदवस प्यट युथ असर जि अथ मंज आयि गॉर मोमूली तब्दीलियि। कॅशिरिस मंज व्वतल्यव नसुर (गद्य) तु कहानी पेयि थनु। 1947 ओस कॅशिरि अदवु तु रिनासां खॉतरु वाटर शेड। कॅशिरि जवान बनेयि येमि कोमुच पछान। मगर प्रगतिवादी तहरीकि अंदर जेविथ ति रुद नु कॅशुर अफसानु अमिकिस नज़रियस लोर तु कोडुन वाश, हलांकि यि नज़रियि ओस वैश्विक तु अफसानु ओस कॅशुर अदव वैश्विक विचार दाराहव सुत्य प्रवावित गछनुक अख नॅतीजि। व्वन्य पॅरिव जि अफसानन रॅछा किनु रावुर कॅशिरि प्रजनथ तु वुहिमि सँदियि अंदर किथु कॅन्य फव्वव तु व्वतल्यव यि।)

कॅशुर अफसानु : वुहिमि सँदियि हुंद बोड तोहफु — ॥

—रतनलाल शान्त

कॅशिरि प्रज़नॅच सुत्य कॅशिरि अफसानुक तोलुक हेकव बेयि अकि दृशि कोनु किन्य ति वुछिथ। सॉरी कॅशिरि शॉयरी (वुहिमि सदी हुंज) ग्राफ वुछितव। ग्वडु अडुच तसव्वफी क्यो बेदॉरी (सॅही तु मुकमल बेदॉरी आयि 47 पतय) हुंजि शॉयिरी हुंद्य मूल छि कम या ज़्यादु कॅशिरिस र्यवायतस अंदरुय मूजूद। ग्राफुच रुख छे तरकी पसंद ज़मानस अंदर रछाह व्वन वसुन्य ह्यवान तिक्याज़ि माहोल क्यो किरदार कॅशिर्य थॉविथ ति छे लेखन वॉलिस रूसस अंदर ज़ामतिस नज़रियस कुन कल युस तॅम्य सुदिस सॉचस ह्यदायथ दिवान आसान छु। तमि पत छु शॉयिर वारु वारु मखसूस कॅशिरि ओंद पखि मंजु नेरान तु बुनियॉदी (मतलब विश्वुक्यन) इनसॉनी जज़्बातन क्यो सॉचस कुन लमान तु तमिची अकॉसी करान। मगररिबी सॉचुकि खॉरु छु आदुनिकतावॅदी शॉयिर अख बदलय तसव्वुफ वोनान तु नवि हँयसआगही (बाव बोद) मंज छनु तस निश खॉलिस कॅशिरिस



र्यवायतस या कॉशिरिस किरदारस  
ज्यादु पढान अहमियथ रोजान। यि  
ग्राफ ह्यु 'कामिल', 'रही', 'फिराक',  
'खयाल' या कॉसि ति अँज्यकिस  
नुमायंदु शॉयरु सुंजि शॉयरी हुंद ग्राफ  
तु खॉलिस कॉशिर्यतुकि तोलकु ह्यु  
यि वुहिमि सँदियि अंदर हेरि प्यटु  
ब्वनय ब्वन वसान गछान—

“य्वदवय कँशीरि सन्नती  
दोरस मंज अजताम ति दॉखुल गँयि  
नु, येति क्यन लूकन छे कुनि ति  
जॉगीरदॉरी दोरचे, मगर सोन अँदीव  
गव जदीद समाजु किस इनसानु सुंद  
नफसियाँती तु रूहॉनी मसलु पेश  
करान। यि तजाद (विरोदावास) ह्यु  
केंचन यि सेंचुनावान जि सोन अँज्युक  
अदब ह्यु व्वपर तु छरा नक्कॉली।  
मगर तिम छि यि कथ मँशरावान जि  
वुहिमि सँदियि हुंद सोंच ह्यु तॉलीम  
आम गछनु किन्य तु यिनु गछनुक्य  
जरियि तु प्रचाप्रसारुक्य सादन आम  
गछनु किन्य कुलि आलमुक सोंच  
बन्योँमुतं... वुहिमि सँदियि हुंद  
सायनसी तु चिंतन—नजरियु य्वदवय  
पछिमी दुनियिहस मंज व्वतलेयि मगर  
यिम पेयि सारिनय मुलकन मंज  
रोजनावाल्यन बुदिजीवियन मानुन्य..

(शफी शौक — कॉशिरि  
अदबुक तवॉरीख, सफ 188)

आदुनिक साहित्य कारस ह्युनु  
अँज्युक सोंच पानुनावनस चारय ति  
क्याजि अँम्य दित्य तँमिस जुव तु

जिंदगी नवि सरु तु नवि द्रेशटी किन्य  
बुछनिक सादन। यि कथ छे बहरहाल  
मानुन्य जि आदुनिक हेकि सिरिफ  
नजर ऑसिथ येमि सुत्य अँज्युक  
कॉशुर अदब परखावनु यियि।  
बुनियोदी मसलु ह्यु अदीवस बहरहाल  
कॉशुर मिजाजु तु कॉशुर रँवियि बहम  
करान। कॉशुर मिजाजु हेकि बुनि ति  
जॉगीरदॉरी दोरुचन कदरन गिरिफतार  
ऑसिथ, मगर जमानस सुत्य सुत्य  
पकनु किस कशमशस मंज व्वतलन  
कॉशिरि चरित्रुक्य बेयि ति विरोदन  
ज्यादु तीजी सान। केंह जदीद अदीव  
छि अँमिस बुनियोदी कॉशिरिस  
मँशरावान। कॉशुर ह्यु लगातार पनन्यन  
विरोद अंदर जिंदु। यिम विरोद (तजाद)  
छि वारियाह मगर व्योठ पूठ पॉदय  
ह्यकोख यिम यिथु कँन्य मुशखस  
कँरिथ — कॉशिरिस छे ईमानुच पछ  
बजाँबितु मगर खँदिशि ति ह्युस अँदुर्य  
अंदर्य जि जिंदगियि हुंद आराम  
बेईमॉनी सुत्य हॉसिल कँरिम, तिम  
गँछिम नु खतुम गछुन्य। कॉशिर्यन  
ह्यु समुत मिसॉली -मगर पनुन्यव  
ल्वकुचव ल्वकुचव ख्वदगरजियव  
खॉतरु चटन यूत पिल्यख त्यूत अख  
अँकिस वगुव, ठंडु द्यमाग आस्यख  
तु सोरुय दुनिया अनन रहमुकिस  
दॉयिरस मंज, मगर जज्वात युथुय  
शोलुनख तेलि गछ्यख यि दॉयिरु  
श्वकान श्वकान न्वक्तस वरावर।  
यिम तजाद छिनु सिरिफ जॉगीरदॉरी



दोरुक्य द्युत बॅल्कि सारी तवारीखुक्य  
या वनव र्यवायतुक्य। यिम मॅशरिथ  
छु बाजे जदीद अँदीब कुल समसारुकि  
दादि सुत्य ज़्यादु परेशान लबनु  
यिवान। अवु पतु छु असि बासान  
ज़ि कॉशिरि किरदारुकि तोलुकु छे  
कॉशिर शॉयरी असलु निशि वारियाह  
दूरेमुच। अथ मुकाबलु छु कॉशुर  
अफसानु समकाल कॉशिर  
शकलोसूरथ हावान रूदमुत।

तरकी पसंदी ऑस नज़रियि  
तु फलसफु ल्यहाज़ु कॉशिरिस  
र्यवायती सोंचस व्वपर मगर अमि  
क्यव केंचव तत्वव सुत्य आव यथ  
ज़बॉन्य फॉयिदु ति। मसलन गरीबु  
(मोजूर, ग्रूस, बेछि वुन, शहरबाश  
मुफलिस वगॉरु) सुंद ज़िकिर तु बयान  
आसिहे अमि ब्रोंठ सिर्फ कम कास  
'शहर आशोबन' (परेशान हाली हुंद  
वरनन) मंज़ सपुदमुत। शॉयरी मंज़  
आव यि बाज़ाबितु पॉदय आज़ादस  
मंज़ ग्वडन्यथ। महजूरन कोर गरीब  
ग्रीस्य कोरि हुंद ज़िकिर तु वोनन ज़ि  
दारिबर त्रोंपरिथ ख्वजुबायन हुंद हुसुन  
छु न तिमन ब्रोंह कनि किही। फितरी  
स्वंदरेरे छु बनावटी हुस्नु ख्वतु ज़्यादु  
पुरकॅशिश तु कॉशिरिस छु हुसुन  
क्वदरतुक द्युत। गुरबतुक बयान  
ओस तमि वक्तकिस कॉशिरिस  
हस्बिहाल तु हस्बि माहोल। अमि  
बहानु आयि केंह नफीस तफसील  
तमि वक्तुकिस अफसानस मंज़।

यिमन केंचन जुमलन हुंद प्रसंग वननु  
वरॉयी दिमव सिरिफ केंह उदरन  
(quotations)

1- ...सुती वोथुस खयाल ज़ि अगर  
यि पोज़ छु समुद्य काकन जमाल  
डारन तु कॉदिर शेखन क्याज़ि  
वोन नु तॅमिस यि कालु। तिमय  
दोहय कालचन समखान ऑस्य  
पानु वॉन्य तु कारखानुक जगडु,  
कालबाफ़न हुंद मुशिकल, मोजूरन  
हुंद मसलु बेयि हालथ  
व्यछनावान ऑस्य... (सोमनाथ  
जुत्शी : येलि फोल गाश)

2- ... तमि बिचारि कोरमुत कुस  
तकसीर ओस? या गव ज़ॉनिथ  
मॉनिथ ओस तमी कोरमुत व्यमार?  
दफ हसॉ लोगुस बिचारस मॉसुम  
शुरिस आंगनस मंज़। अ। य स  
ज़चि पचि बरनु रबि सुत्य। तमि  
कजस ज़चि हवखनावनु खॉतरु..  
(सोमनाथ जुत्शी : येलि फोल  
गाश)

3- ...बॅड हिश कूर वॅछुख—  
'चँदरु टॉच दितो दितो — बुंगरि  
नरि दितो दितो'

ल्वकट हिश कूर वॅछुख —

'नाय चँदरु टाच नाय  
फ्यलन दितो दितो, पोछ दितो दितो  
असि न छु फ्यलन न छु पोछ  
(दीनानाथ नॉदिम : शीनु प्यतो प्यतो)

4- ...गाश फोल। ताफ ति प्यव  
मगर ग्रीस्य पहर्यन ओस नु अज़



खास सुरु गुराह केँह ति। प्रथ  
आंगनस मंज होखमुत तु जेँच  
रोस हून चोँट जमीनस सुत्य दिथ  
शौगिथ। (नादिम — रय)

यिम छ केँह इशारु। मतलब  
यिजि यिथु केँन्य काँशिर शौयरी  
जदीदियतु (आदुनिकता) तु उत्तर  
आदुनिकता क्यव मरहलव किन्य  
गुजरान तु मखसूस स्थानीय रंग पथ  
कुन त्रावान रूज युथ जि जिंदगियि  
तु मोतुक्यन, अस्तित्वक्यन बुनियाँदी  
खुर्यन ज़बान — यथा संबव प्राइवेट  
काव्यात्मक ज़बान — दियि, तिछुय  
हिश अमल रूज नु काँशिरि  
अफसानुच।

यथ प्रसंगस मंज हेकि  
सँतिमिस अठिमिसि दँहिलिस मंज  
काँशिरि अफसानु किस आदुनिक  
कवितायि हंघ वल वरताँविथ  
आदुनिकतावादस लरिलोर पकनस  
प्यठ सवाल तुलनु यिथ। सवाल  
व्वथि जि यिथ्यन अफसानन मंज  
आँस्य ना अँदरूनी मनोविज्ञान  
व्यछुनावनु खाँतुर बयानबाँजी तु  
बिंबात्मकता कहानीपन ख्वतु ज़्यादु  
अहम? यिमन केँचन अफसानन हंज  
मिसालु दिमवः—

चुय छुख चुय छुख (अख्तर)  
मे छु बुनि पंडरायि हंड इंतज़ार  
(भारती) पतु लारान परबथ (हरिकृष्ण)  
कंपोजीशन जीरो (फारूक मसूदी)

गाशि रोस सिरियि (अनीस हमदानी)  
बहाव (इकबाल फहीम) अछ्योन  
सफर (शम्सउद्दीन शमीम) छायि  
गित्य (शान्त) वगौरु। वेशक यिथ्यन  
अफसानन हंड छु अलग वर्ग। व्वंगव  
यिमन अफसानन साम ह्यनु सुत्य  
छु बासान जि व्वन्य व्वन्य छु  
अफसानु मूल कथा तत्वस बेयि  
नखु ह्यवान युन। मे छु बासान ह्व  
आँस अख वक्ती कुफियथ तिक्याजि  
उर्दू अफसानु किन्य आयि यि योर  
तु तति ति ओस न अथ ज़्यादु  
फॉलाव।

बहरहाल नुमायंदु काँशुर  
अफसानु छु बुनिति काँशिरि किरदारुच  
बरपूर नुमायंदगी करान। बुहिम सदी  
आँस दुस दुनिया खाँतुर जदीद  
सायसुच तु आदुनिक बावबोदुच सदी  
खासकर अमिक्य पँतिम्य पंचाह वँरी।  
कँशीरि खाँतुर ति ओस यि बेदारी  
हंड ज़मानु। ग्वडु ग्वडु ओस अथ  
बेदोरियि सियासतुक बोर व्यतरावुन  
अवय रूज अथ रफतार सोत मगर  
अठिमिस नँविमिस दँहिलिस गव यि  
नवि चेतनायि हंजि शकिल मंज  
जौहिर। काँमिल तु राजुन गज़ल,  
राही, शोक तु ज़फर सुंज नज़म,  
भारती तु गुलशानुन अफसानु, क्यमू  
सुंद ड्रामा बेतरि छि अम्युक पय  
दिवान।

(अंद) (छोटारावनु आमुत)



(ચંદ્રકાન્તા જી છે તિમવ ડ્યકુબજવ કૌશિર્યવ કોર્યવ મંજુ અખ યિમવ કૌશીરિ નિશિ છયનુ ગૅછિથ તુ રોજગારુ દાદિ જાયિ જાયિ ફીરિથ તિ ન મૉજ કૌશીર મૅશરૉવ તુ ન કૌશિર્યન હુંદ દોદ દગ। યિમવ લ્યૂચ હિંદી જૅવૉન્ય મંજ તુ વારિયાહ યનામુ તુ યકરામુ પ્રૉવિથ બનાવુચ સાહિત્યિક ક્ષેત્રન મંજ પનુનિ ઝાંતરુ જાય। ઝાસકર લેછચ કહાનિયિ તુ નાવલુ। વંગવ કવિતા તિ લીછુચ। મુલ્કુચવ વડ્યવ પ્રકાશકવ છાપિ યિહંજુ કિતાવુ તુ વડ્યવ આલોચકવ તુ વ્યઘ્નાવ કૅર યિમન પ્યથ પનુન્ય રાય જૉહિર। હાલ હાલુય યેલિ યિમન નાવલ 'કથા સતી સરસ' પ્યથ વ્યાસ સમ્માન દિનુ આવ, હિંદી દુનિયાહસ મંજ ગૅયિ યિહંદિ કલ્મુચ શોવય તુ યિમન આયિ મૃદુલા ગર્ગ, રાજી સેટ, શિવાની, કૃષ્ણા સોવતી વેતરિ પાયિ વજન મહિલા કથા કારન હંજિ સફિ મંજ જાય દિનુ। 'કથા સતીસર' છે કૌશીરિ હુંદ્યન પૅતિમ્યન સતથન શીતન વૅરિયન હંજિ જિંદગિયિ તુ સંગર્શ કિસ ઇનસૉની તવૉરીચસ પ્યથ આદારિત અચ પરુન્ય લાયચ નાવલ તુ કેંહ છિ યિતિ માનાન જિ યિ છે વતુવ્યલૉય ગૉમતિસ કૌશિરિસ અચ કલ્ચરલ સપોટ દિવાન। પનુનિ જૅવર્ડસ આવરેરુ મંજ કેંહ વચ કૅંછિ સૂજ્ય ચંદ્રકાતા જિયિ સાન્યન સવાલન જીડ્ય જવાવ યિમવ સુત્ય ઁસ્ય યિ લેચિકા વેહતર જૉનિથ હ્યકાન છિન। ન્યસફુય જવાવ હેક્ય ઁસિ યથ ઁકસ મંજ દિથ, વાકય દિમોચ વાચ-૪ રસ મંજ। વ્યમેદ છે પરન વૉલ્ય લેચન ઁસિ પનુન્ય રાય ત્રાય। -સ.)

વાચુક સવાલ નં. 1) પનુન મ્વચસર પરિચય દીતવ। ક્યાહ ક્યાહ છુવુ લ્યૂચમુત તુ કથ કિતાબિ ક્યાહ માન્યતા છે દિનુ આમુચ? વેયિ વનિતવ લેચાન ક્યાજિ છિવુ?

ચંદ્રકાન્તા : મ્યોન પરિચય છુ મ્વચસર યિથુ પૉટ્ય:

વુ જાયસ ગનપથયાર સિરીનગરુ 3 સિતંબર 1938। પિતા જી ઁસિમ પ્રો. રામચંદ્ર પંડિત તુ વાગનિ આયસ ડૉ. ઁમ.ઁલ.વિશિન (નિવાસ કર્ણ નગર, શ્રીનગર) સૉબસ। વુન્યક્યનુક પતાહ : 3020, સેક્ટર 23, ગુડગૉવ — 12201।



तॉलीम : एम.ए., बी.एड., प्रभाकर। श्रीनगर तु पिलानी (राजस्थान)।

प्रकाशन : 11 कहानी संग्रह : सलाखों के पीछे, गलत लोगों के बीच, पोशनूल की वापसी, दहलीज़ पर न्याय, ओ सोन किसरी, कोठे पर कागा, सूरज उगने तक, काली बर्फ, कथानगर, बदलते हालात में, अब्बू ने कहा था।

7 नावल : अर्थांतर, अंतिम साक्ष्य, बाकी सब खैरियत है, ऐलान गली जिंदा है, अपने अपने कोणार्क, यहां वितस्ता बहती है, कथा सतीसर। बेयि बदल — यहीं कहीं आसपास (कविता संग्रह) हाशिये की इबारतें (संस्मरण)।

पुरस्कार/सम्मान : जम्मू कश्मीर कल्चरल अकैडेमी तरफ़ अर्थांतर, ऐलान गली जिंदा है, ओ सोन किसरी तु कथा सतीसर—स प्यठ।

हरियाणा साहित्य अकादमी तरफ़ : अपने अपने कोणार्क—स प्यठ, भारत सरकार (मा—सं—मंत्रालय) तरफ़ बाकी सब खैरियत है, पोशनूल की वापसी, बदलते हालात में—हस प्यठ।

हिंदी अकादमी दिल्ली तरफ़ कथा सतीसर—स प्यठ।

केकेबिडला फाउंडेशन तरफ़ व्यास सम्मान कथा सतीसर—स प्यठ। अमि अलावु चंद्रावती शुक्ल सम्मान, कल्पना चावला सम्मान, कल्पतरु सम्मान तु ऋचा—लेखिका—रत्न। म्यान्यन कहानी—उपन्यासन प्यठ छे दूरदर्शन तु आकाशवाणी तरफ़ फिल्म तु दारावाहिक नाटक बनावानु आमुत्य।

पननिस लेखनस मुतलक ह्यकु बु वॅनिथ जि म्योन लेखुन छु इनसान सुंघन सोपनन, यादन तु आशन जिंदु थवनुच कूशिशा। यि छु म्यानि बापथ परन वाल्यन सुत्य अख संवाद। म्यानि लेखनुक मरकज छु सियासतु, समोजी हालातव तु नैतिक व्यवस्थायि सुत्य ब्रह्मर्योमुत इनसान। लेखुन छु म्यानि बापथ जरूरथ ति तु मजबूरी ति। लेखु नय तु तिमन सवालन क्याह बनि यिम दिलस तु द्यमागस कूरान छि जि जवाब मा बेट्यख। गलथ छस न बु मंजूर करान, मगर सही छस छांडान। लेखुन छु म्यानि बापथ अख सफर।

सवाल 2: 'कथा सतीसर' नावलि यनामु मेलनस प्यठ छुवु मुबारक। अथ उपन्यासस दितुख 'व्यास सम्मान' बतौरि अख हिंदी उपन्यास।



हिंदीहुक्य आलोचक छि मानान जि अमि सुत्य ह्यु कॉशिर्यन विस्थापितन हुंद वुनिस ताम नजर अंदाज करनु आमुत पजर आलोचनायि आंठि खोतमुत। तोह्य छिवु अथ रायि सुत्य सहमत?

चन्द्रकान्ता : मुबारकु खॉतरु शुकरिया। सम्मान ह्यु रचनाकार सुंजि कृतियि सपदान, पानु रचनाकार ह्यु महज जूरियि आसान। यीचहन छे जि व्यास ह्यु अहम पुरस्कार मेलनु सुत्य छि लिखॉरिस साहित्य—संसारस मंज कबूलियथ मेलान तु तसुंजन कृतियन कुन ह्यु दॉनिशवरन तु आलोचकन हुंद तवजह गछान। यिमव आलोचकव (नकादव) शन हतन सफन हुंद ‘कथासतीसर’ परनुच जहमथ तुज नु, अज छि तिम यि परन ति यछान तु अथ प्यठ लेखुन ति यछान। केंचव रिविवरव पोर यि उपन्यास सरसरी पॉट्य तु मे वोनख ‘हेंघन हुंज ह्यमायती’, तथ लहजस मंज जन तु ‘हिंदू’ लफुज नफरतस लायख ह्यु। अज छि तिमय अथ नावलि मंज कॅशीरि हुंदि कंपोजिट कल्चरकिस छलु गछनस मुतलक न वननु आमचन कथन हुंद वाशगफ करनस प्यठ बहस करान। अँक्य बँड्य नकादन वोन नावल परनु वरॉयी दूरदर्शनस प्यठ जि कशीरि रँट्य आतंकवादन मूल ति क्याजि बटव ओस मुसलमानन जुलुम कोरमुत। अज कॅरुस बु तॅमी आलोचकन ‘ऋचा’ सम्मानु सुत्य सम्मानित तु लुकुबॅरिथ हालस मंज वोननु जि ‘कथासतीसरस मंज छे चंद्रकांतायि विस्थापितन हुंज दास्तानि गम बाँवमुच। यि ह्यु विस्थापन साहित्य, येम्युक आरंब अँम्य सुंदी ‘ऐलान गली जिंदा है’ सुत्य सपद्योमुत ओस।’ अज छि नकाद मानान जि ‘कथा सतीसर—च खॉसियत छे यि जि अथ मंज छि कॉशिर्यन बटन हुंज दास्तान, विस्थापित कॉशिर्यन हुंद द्रखदोद, तिहुंद कल्चर, इतिहास तु हमकाल हालातन हुंद हकीकी साम।’ (मनोहर श्याम जोशी)

“कथा सतीसर ह्यु ‘जिंदगी नामा’ (कृष्ण सोबती) चि परंपरायि हुंद अख दस्तावेजी उपन्यास,, यथ मंज कुचव लंजव बावजूद किरदार चकि अकोय ह्यु युस कल्चरस क्वम करान ह्यु युथ न अथ ल्वचर लागि। (मृदुला गर्ग)

“कथा सतीसर ह्यु चंद्रकान्तायि हुंज ऑठन वॅरियन हुंज सादना। लुकन कति ननिहे विस्थापनुक अलमिया (त्रासदी) क्या ह्यु तु पजर क्या ओस, अगरय चंद्रकांतायि कलम आसिहे नु तुलमुत।” (सिम्मी हर्षिता)



“यि ह्यु विस्थापन अदब। योदवय मुल्कु क्यन वारियहन हिसन अंदर विस्थापन सपुदमुत ह्यु, मगर तिहुंद दोद ओस बदल। ‘ऐलान गली जिंदा है’ प्यठु ‘कथा सतीसर’ ताम ह्यु विस्थापनय लगातार सरस। चंद्रकांतायि यिथ कॅन्य यि नावल लीछमुचं छे, तिथु कॅन्य हैकि नु कांह मरुद लीखिथ।” (डॉ. नामवर सिंह)

श्रीमती दिनेशनंदिनी डालमियायि हुंदि वननु छि ‘कथा सतीसर’ कॅशीरि हुंजि दगि, तवोरीख तु मूजूदु समस्याहन हुंज पुर दलील दस्तावेज। यि छे ज्यनु जायि निशि छ्यनु गछनच पीड़ायि बॅरिथ। बेयि छे यि नावल अख तलाश पेश करान युवसु पॅत्यम्यन सतथन वॅरियन हुंजि सियाँसी व्वलहॅरिशि, फिरकुवारानु व्वथवाशर तु पाँकिस्तॉन्य सॉजिशन सॅनिथ विस्थापनक्य वजूहात नॅनिरावान छे।” कृत्यव आलोचकव मोन यि उपन्यास विस्थापितन हुंद सु दस्तावेज युस नु काँसि वोनमुत ओस। नवजवान कथाकार शशिभूषण द्विवेदी सुंघन लफ्जुन मंज ह्यु कथासतीसर ‘अख महत्वाकांक्षी (एंबिशस) उपन्यास युस कॅयीरि मंज ब्रादेमुचि फिरकुपरस्ती, हिंसा, आतंक तु अत्याचारन हुंदिस पसमंजरस मंज लेखनु आमुत ह्यु... अम्युक वहराव ह्यु कॅशीर, बमय अमिक्य पोरानिक तु एतिहासिक हवाल्, पेश करान। यि नावल छे वनान जि ज़मीनि प्यठ स्वर्ग कश्मीरुच वादी, येति ब्रॉह कालि कल्हणन राजतरंगिनी लीछ, छे व्वन्य शोरु फखु सुत्य बॅरिथ। लेखिकायि छे अथ मंज फलैशबैक टेकनीक इस्तिमाल कॅरिथ कॅचन पीर्यन हुंज कथ वॅन्यमुच तु यि ति वोनमुत जि मर्दन हुंजि प्यठोवॅलियि किन्य किथु कॅन्य छे ज़नानु अबावतुक तु आतंकुक जुलुम चालान। अथ मंज छि शकु किस माहोलस मंज व्वतलबुजि करान आम कॅशिर्यन हुंद क्रकु नाद साफ बोज़ान। यि सोरुय ह्यु नावलि हुंदिस बाडवस मंज ऑखरस इनसॉनु सुंज लॉन्य—दास्तान बनान।

सवालस ह्यु मिसालु दिथ जवाब दिनु आमुत तु यिमेन जवाबन सुत्य ह्यु मे इतिफाक। साफ ह्यु जॉहिर।

सवाल 3) : कथा सतीसर ह्यु बुहिमि सॅदियि हुंजि कॅशिर्यन हुंजि जिंदगी (खास कर, बटन हुंजि जिंदगी) तु कल्चर क्यन विश्वकोशी (एनसाइक्लोपीडियाँय) आयामन (जहतन) हुंद ऑनु खानु। अथ उक्ति



(कौलस) सुत्य छिवु तोह्य इतिफाक करान? अगरय करान छिवु तेलि वैनितव यि छा तुहुंज शऊरी कूशिश ऑसमुच?

चद्रकांता : बिल्कुल इतिफाक छस करान। कूशिश कॅरुम जि कॉशिरि जिंदगियि तु संस्कृति व्यछनावहॉ बड्यन संदर्बन (तनाजुरन) अंदर तु कथा सतीसरस अंदर करुहन तरतीब, युथ सानि नवि पुयि पनुनिस पथ काल तु कल्चरल व्यवबवु निशि ज़ाँन्याब सपटुहन, तिक्याजि पॅत्यम्यन शुराहन वॅरियन विस्थापन बूगान छे सानि नवि पीरि आतंक वाद, मोथ, अगवा, बलात्कार, देशी—विदेशी चालोंकी, मोकुपरस सियासतदानन हुंदा व्वलगतन, छौछूय तसलाह बेतरि सोरुय समजान, अमापोज अँस्य ऑस्य कॅशीरि अंदर यिमव तमाम बदकुस्मतियव बावजूद, अँकिस शूबिदार लुकु संस्कृतियि हुंदिस गाशस तल, अलग अलग मज़हबी हदव बावजूद पोज तु दिली रिशतन हुंद जीवन जुवान, असि ओस फखुर जि सॉन्य जन्मबूमी छे क्वदरती तु कल्चरल व्यवबवु बॅरुच तु अँस्य छि कॉशिर्य। यि ज्ञानकॉरी गॅछ यिमन कथा सतीसरु प्यठ मेलुन्य, ति क्याजि तवॉरीख ह्यु ज़ेनन वाल्यन हुंज दंलील वनान, आम लुकन हुंद स्वख—द्वख ह्यु साहित्यस मंजुय दुरुज आसान। म्याँन्य कूशिश छे जि कॅशीरि हुंद अख व्याख सोमसुत्य (मुतवॉजी) तवॉरीख लेखुहॉ, लुकु जिंदगी मदि नज़र थँविथ। यि सोरुय नावलि मंजु गंडु रटुन ओस अख बोड चलेंज, मगर यूवसु कॉम लगन तु कमिटमेंटु सान करुन्य यछव, कॅमियव बावजूद छे स्व ज़रूर करनु यिवान।

वैसे आसु मे कथा सतीसरु ब्रोंठ कॅशीरि हुंदिस सांस्कृतिक सामाजिक ज़मीनस प्यठ 'ऐलान गली जिंदा है' तु "यहां वितस्ता बहती है" ज़ु नावलु लेछिमचु, यिमव किन्य हिंदीयिक्य जगतन कॅशीरि हुंदिस कल्चरल व्यववस तु लुकु जिंदगियि मुतलक ज्ञानकॉरी प्राँवमुच ऑस तु कॅशीरि हुंद यि नोन बुथ वुछमुत ओस। मगर 1989 पतु बदल्यव आतंकवाडु किन्य हतुबदाव वॅरियन रछिमति कश्मीरियतुक माने तु फिरकुवारानु मचरु किन्य आव अकलयती बटु समाज वतव्यलॉय करनु। अमिच द्वखु—दास्तान कुनि पॉट्य रिकाड करुन बास्यव मे बतोरि लेखक ज़िमुवॉरी युथ कॅह तिम पज़र वनु यिम नु वननु आमुत्य छि। तकलीफ ऑस्य वारियाह। अकि अंदु गरु, ज़मीन तु प्रज़नथ रावनुक दोद तु बेयि अंदु कॅचव इटैलेक्चुवलव, पत्रकारव तु नेताहव फॉलाविमचु गलतफहमियि मिटावनि, युथ असलियथ बयान



सपदि — यि बास्यव मे बेहद जरूरी। फिरकुवॉरियथ बडनुक्यन वजूहातन ओस सनुन तु निजामि मुस्तफाक्यन अलमबरदारन हुंजन चालॉकियन हुंघ शिकार कॉशिर्यन हुंजि पीडायि हुंद बयान करुन ओस मे शऊरी तोर करुनुय। मे बास्यव यथ आज़ाद गनतंत्रस मंज़ कॉशिर्यन हुंद वेगुर गॅल्लिथ पननिसुय देशस मंज़ रिफ्यूजी सुंज़ ज़लथ तुलुन्य स्यठाह अज़ाब, यि गोछ दुस मुल्कु खॉतरु बेशरमी हुंद वजह आसुन। ऑठन वॅरियन मेहनत, तहकीक तु पीडायि मँज़्य गुज़रिथ हेचिम यि दास्तानि गम कलमबंद कॅरिथ; यी यूताह कोरुम, इन्सॉन्य अज़ाबुक यि तवॉरीख लेखुन ओस जरूरी तिक्याज़ि सॉन्य दॉनिशवर छि फिलिस्तीनी तु तिब्बती विस्थापितन हुंदि बापथ गमजादु मगर गरि कडिमुत्यन कॉशिर्यन हुंदि द्रखु सुत्य ओस न यिमन कुचु कुचु ति गछान। अथ मा ओस यि वजह ति जि यि द्रख ओस न तिमन तान्य वातान ति।

सवाल 4 : तुहुंजन नावलन हुंद विशाल आदार छु कॅशीर, युस तुहुंदि अनुबवुक क्षेत्र छु। कॉशिरि ज़बॉन्य हुंदिस फिक्शनस मंज़ छनु नावल बुनि फबेमुच। प्रैक्टिसिंग नावलिस्ट आसनु किन्य क्या वॅनिव तोह्य कॉशिर्यन फिक्शनलिखार्यन युथ तिम यि कॅमी पूर करन?

चंद्रकांता : यथ कथि मुतलक छनु ज़ु रायि जि म्यान्यन नावलन हुंद आदार छु कॅशीर। काँसि ति रचनाकारु सुंद अनुबव छु तसुंजि ज़न्मुबूमी तु कर्मबूमी सुत्य चीरु गंडिथ आसान। वाँसि हुंघन पुंचुहन वॅरियन रूज़स बु कॅशीरि। पोरुम ल्यूखुम तती, जिंदगी तु संसारुक्य स्वख द्रख बुछिम सांस्कृति तु समाजचि जॉनियि नाकारगियि गॅयि म्याँनिस जेहनस मंज़ निशानु त्रावान। तत्युक हवा, बाल, व्यथ, नवशीन, बोनि शिहुल पोशिनूल तु कुकिल गूं गूं योत ओस न मे मुताँसिर करान बल्कि ततिक्य कोचु तु गॅलियि, रब, शिठुगी, अंदवेशवास तु जिंदगियि हुंघ तोर तरीकु ति बनेयि म्यानि लेखनुक्य बुनियाद। अनुबवकि बॅरचुर किन्यी ज़न समुज मे देश—विदेश, मगर मादरि वतनुक्य हिशार—अनहिशार, व्वलुहॅरिशि तु गम डॅल्य नु मे अँछव निशि जुंहुय। मे आयि कॅशीरि हुंदिस पॅदिस पॅदिस प्यठ अफसानु ट्रेंठ।

बु छस पज़ी हॉरान जि यथ कश्मीर बूमी प्यठ गुणाद्यन बृहत्कथा लीछ, पचतंत्रचि कहानियि ति दपान येती आयि लेखनु, कथासरित्सागर छु



कॅशीरि हुंदुय प्रावुत, तति कोनु ल्यूख अख्तर महीदीन, बंसी निदेषि, हृदय कौल भारती, हरि कृष्ण कौल, रतन लाल शांत, अवतार कृष्ण राजदान प्राणकिशोर वर्गोरु हिव्यव कॉबिल रचनाकारव कांह अहम उपन्यास। यूवद ज़न यिमव अफसानस वारियाह बॅरचर कोर मगर यिथु कॅन्य नॉदिम महजूर हबुखोतून अरिनिमालि वर्गोरु शॉयिरव कवितायि लामिसाल व्यस्तार तु मोशूरी दिच (गद्य) नसुर कारव कोनु कोर ति।

निजी तजरुबु सुत्य वनु बु जि नावल लेखनु खॉतरु गछि ह्यमथ, मेहनथ तु तहकीक त्यूतुय करनु युन यूताह अमि बापथ अनुबव, संवेदना तु व्यचारन हुंज एनर्जी आसुन्य गछि। शायद ह्यु अख वजह यिति जि क्वदरती हंसुन तु समजूत करनुचि नॅहजि छि सॉन्य सॉथी कवितायि कुन लॉग्यमुत्य मगर एनी डिलाई हुंदि वननु यिज़न बॅड नावल लेखनु खॉतरु खूंखार सुह कुठिस मंज़ बंद कॅरिथ तस सुत्य जैफ्य मिलनावनस त्वछ आसुन्य गछि, तमि खॉतरु हैक्य नु अॅस्य पानस तयार कॅरिथ। बहरहाल वजह यिति आसि जिंदगी हुंघन संगर्शन तु वुल्टुजारन दरमियानुय ह्यु रचनाकार जिंदगी तु समाजिचन नाहमवॉरियन अदबस मंज़ जाय दिथ ह्यकान। वक्तस जिंदु जावेद शहादथ दिन्य आसि, तमिच व्यछनय करन्य तु तथ इम्तिहान ह्योन आसि, गलत सिस्टमस विरोद करुन आसि तु मनुशि सुंज व्वमेद तु खाब जिंदु थावन्य आसन यि हैकि ज़्यादु प्हान सॅनिथ तु कमिटमेंट सान करनु यिथ। अज़ येमि खूनखरॉबी मंज़ कॅशीर गुज़रान छे, तथ मंज़ ह्यु वनुन लायख वारियाह। अॅस्यय वख बदलनस प्राटनु बदल, वख्तुक पज़र वननुच ह्यमथ करव, तैलि ह्यकव ज़रूर जुवदार तु वख म्वछि मंज़ रटवुन उपन्यास लीखिथ।

**सवाल 5:** कॅशीरि सुत्य पनुनि बौतिक (physical) तु मनुचि नज़दीकी हुंद म्वखसर परिचय दीतव?

चंद्रकांता : कशीर छे मे ज़्यनु जाय। म्यान्यन ज़िदयन हुंज बुतरॉथ म्यानि ल्वकचार तु जवॉनी हुंजि मॅस्तिथि, राग तु वॉराग स्वख तु द्वखुच गवाह। कॅशीरि छे म्यॉन्य मातूबूमी। व्यथु बॅठिस प्यठ गणपथयार मंदरस ब्रॉठ कनि प्रो. रामचंद्र पंडिता सुंदिस गरस मंज़ पेयस बु थनु। मैत्रेयी मिडल स्कूल, वंसता हाई स्कूल, ओरियंटल कॉलेज, महिला महा विद्यालय प्यठु वीमेन्स



कालेज तु गांधी मेमोरियल कालेजस मंज कर मे तौलीम हौसिल। स्कूल कालेज द्रहन हंज खिंदुबोशी, व्यसन सँदरन सुत्य शीनु जंग, नागु डंजि अछिवल गुलमर्गि पिकनिकन गछुन, शिकार्यन तु डूंगन अंदर आशनावन रुशनावन हुंद गछुन तु डलन बागन फेरुन, तिबत बकाल सुंद सूफियानु कलामु यिम सौरी छि म्याँनिस यादु बौतरिस मंज मूजूद। यिथय कॅन्य कबौल्य हमलु विजि हंज खोचुवुन्य याद ति छम। हौरवन गुजरेयम माताजी बेवक्तु। ल्वकुट बोय सपदुम डिप्थीरियाहुक शिकार, अर्दाह वॅरिशो त्रॉव्य ल्वकचि बेनि शकावर हालातन मंज प्रान। मतलव स्वख—द्वख होनी—अनहोनी यि केंछाह जिंदगी हंघन वरकन लेखनु आव, तमिच ज़मीन आँस कॅशीरुय। जायस गणपथयारु मगर मांजी हुंदि दादि किन्य पेयि असि वारियाह जायि बदलावनि, मुजफराबादु प्यठु गांदरबल हौरवन वगौरु। नतीजि द्राव यि जि मे ह्योत खुलु क्वदरती हुस्नस देवानन हंघ पाँट्य लोल बरुन। मे छु बासान जि अकि अंदु बनावुस बु क्वदरतक्य स्वंदरेन राइटर तु बैयि अंदु वौव माजि हंघ बेवखत मोतन म्याँनिस दिलस मंज द्वखुक ब्योल। अजु यि जून अँस्य गरि दूर माँदानन अंदर रोजान छि, डल, बून्य, शीनु कोहन प्यठ अवेजान ओबरु लंजि सोरुय छु म्याँनिस याददाशस मंज महफूज; यि छु शहादथ सौनिस आसनस न आसनस। महाराजु सुंजि नोकरी किन्य द्रायस बु सिरीनगरु न्यबर, गरा पिलानी, गरा हैदराबाद, गरा दिलि तु भुवेनेश्वर। यि ओस असि ग्वडुन्युक विस्थापन अमापोजु व्वमेद आँस गरु गछव वापस। वॅरीवादन रूजस बु भारतक्यन मुख्तलिफ थानन प्यठ मगर गरु गव नु जाँह छ्यनु। प्रथ वॅरियि आँस्य अँस्य द्वन र्यतन गरु यिवान। म्याँन्य हशि हैहर सौबन, रिशतुदारव त्रॉव न बाँदी, मगर असि पेयि रिटायरमेंटु ब्रॉटुय कॅशीर त्रावुन्य... सारी बरादरियि प्यव बेगर सपदुन, यि तकलीफ छु अंदरी गालान।

(चंद्रकांता जी हुंदि इंटरव्यूहुक दोयुम कुस्त छयि अक्तूवर अंकस मंज यथ मंज यि हिंदीयस मंज लेखनस मुतलक, काँशिरि शौयरी मुतलक, हमकाल हिंदी कथा साहित्यस तु काँशिर्यन लिखायन मुतलक पनुन्यन खयालन हुंद इजहार करि। पॅरिव तु असि लीखिव पनुन्य राय।—सं.)



स्व. मोती लाल साकी ओस तेली जॉनिथ जि कॅशीरि अंदर ज्यनु प्रथनु  
बावजूद छि सानि बापथ तिथ्य केरन वतलान जि गरि पेयि नेरुन, ति क्याजि  
'रासकुमारी ताम सोरुय मुलुख' पनुन आसनुच पाम ऑसिस दिवान। 'दग'  
नज़्म ति छे तिमनुय द्वहन मंज अँजिचि हालुच हुंज चैनवन दिवान। अथ  
हालस मंज छु 'नाज' छ्यनु तु बुथ्यफिर्य गॉमतिस बंदबांदवस द्वख दोद  
बॉगराविथ अजकाल शेरनुच कथ वनान।

## दग

बब, बुड्यबब, जदु बुड्यबब सॉरी  
येत्य थनु पेमुत्य  
येथ्य मेचि श्रेमित्य  
खाह खल तिमवुय थॅव्यमुत्य शीरिथ  
क्वल कजि तिमवुय निल्वठ चीरिथ  
नोन कोड तिमवुय शारदा पीठ

मोती लाल साकी

येथ्य मेचि मंज बेनिगॉश अमानथ  
येत्य छु अली जुव येम्य ललनोवुस  
सुबहान शाह ओस येथ्य मेचि फोटमुत  
ग्यवनुक गिंदनुक द्यतनम होश

येत्य छे खँतिज द्यद  
म्यॉन्य खँतिज द्यद  
खिरु खंडु रोछनस  
तस वुदु ज़ालान गामुक गाम



अज छ़ा बयि मे कलु थोद तुलनस  
अज छ़ुस बुय अज वाय अब्यागथ

कन असि थोवना परिहासपोरस  
मार्तडक्य पल नॅख्य कॅम्य कॅम्य तुल्य  
हॉरवनस कम अथु पलजेमुत्य  
विज वूलिथ कॅम्य त्रॉव शिकॉर्य?

क्वंग वार्यन कॅम्य द्वछि द्वछि स्वन वोव  
वेथि बठि कॅम्य कोर तारख जूल  
छॅकरिथ कायि मे पां तेल्य दग छम  
नरि छम राजस्थानु मे तापस  
जंगु छम ऑसस मंजु रतु होन्यन  
वनि छम सथ डखि छुम दसगीर  
व्वन्य गव वुनि छम शाहलुथ खसवुन्य  
द्वह, द्वह जोरा, साथा पॅहरा  
बुति गछ पानस, त्वहि पतु फेर्यव  
रासकुमॉरी ताम मुलुख छुम

पोज़ बेगरु छ़ुस  
पोज़ बेसर छ़ुस  
बेयि बेज़र छ़ुस



## (1) गज़ल

शहर स्यठाह छु बेकरार सवालन हुंद  
स्यठाह बुथ्य फ्युर हिसाब जवाबन हुंद

यि क्युथ मूसिम छु रोशिवुन मूसिम  
यि क्युथ ओंद पोख छु अज़ मलालन हुंद

मोती लाल नाज

हुरान दोहदिश दराजदँस्ती चॉन्य  
गरान नौव नौव गरथ अज़ाबन हुंद

शुहुल छावान छे नाबकॉरी व्वन्य  
दज़ान अंग अंग छु गाटु जारन हुंद

करन किथु कँन्य वुरेबु वक्तस वाद  
छु कँह्यकास व्वन्य मिसालन हुंद

पृछान प्रथ कांह छु पॉन्य पानस नाव  
यि क्युथ मशरफ़ छु पॉन्य पानन हुंद

अँछन तल असि नय नाज़ो! नँखरल  
सनान अथ कमुय आलम खयालन हुंद।



## (2) गज़ल

चानि रोस छुनु यारु गोमुत थामि कैह  
छुय गनीमथ व्वन्य मे निश साथा चु बेह

कृति कालुक बोर ह्यथ थोकमुत चु छुख  
येलि ह्यकथ रावी गछी यिनु यारु हेह

क्याह साँ नेरी वन यिमन तेहर्यन खँसिथ  
ख्वर डली कुनि सातु पतु यिनु ख्यख चु वैह

पछ अँजिच किहवाल हिश समयस अलाँज  
सूरु नारस मंज चे कति यी लबनु रेह

बावनय कति यी दिलन हुंद दम फुचर  
हावनय कति यी दिलन ओस त्यूत श्रैह

नाज़ु! क्या साँ द्रोय व्वन्य तेशल बँनिथ  
नाहकु फाहकय छय गलान न्यँदुर तु तेह।



गजल ऑस्यतन या नजुम, वचुन ऑस्यतन या लीला, शॉयरी थनु  
प्यनस छु कांह नतु कांह वुतुश, कांह जीर, कांह प्रेरना जरुर  
आसान। बाजे छु शॉयिर पानु पनुन परनबोल वॅनिथ यि प्रेरना  
व्यछनावान। तस छु बासान कवितायि हुंदयन वावनायन मुतलक  
वनु बु केंह। सु करि नु व्याख्या, मगर केंचन अहम कथन कुन करि  
इशाउ। रतन लाल जौहर छु काँशुर शॉयिर। यथ मखसूस गजलस  
मुतलक छु सु केंह वनुन यछान।

अज ब्रॉह केंह वॅरी पॅर मे रहमान रॉही सुंज नजुम 'सोन अदब'  
रिसालस मंज। अथ ओस नाव 'खुलु फिजहकि बुफुवार ख्वदाया'। यि  
नज्म ऑस पतु 'रॉही' सुंजि 'सियाह रूदु जर्यन मंज' शारु सौबरनि मंज  
ति शॉमिल अगरचि अति नाव हूस 'ख्वदाया'। अथ अंदर छि वारयाह शार  
मगर म्योन ज्वन गव खासकर यिमन शारन कुनः

कछु तॅल्य श्राख छि सूरु ग्वसॉनिस  
पिरु फवख स्यहरु फुकार करव क्याह

गंडि ज़न बकतर राज़ु अहंसा  
करि ज़न कुकलि शिकार करव क्याह

गॅयि ज़न मुलकुचि सॉलिमियन्न मूख्य  
बुजि हुंज लॅर मिसमार करव क्याह

किथु पॉट्य हू रॉही सॉब पनुनि अपजि सुत्य पॅजिस हॅट्य चीर दिवान तु  
तमि प्रोपगंडा मशीनिरी हुंद अख ताबेदार आलयकार बनान येमि मुतॉबिक



अकसरयती फिरकुक् काँशुर दुनियाहसं ब्रौह कनि पनुन पान माँसूम पेश छु करान। येमि मुताँबिक दहशत गर्द इसलॉमी मुजाँहिद करार छि यिवान दिनु तु काँशर्यन हुँद्य असली खॉर खाह तु महॉफिज़ जॉलिम तु जॉबिर जाननु छि यिवान। सवाल छु जि कह्ल तैल्य छा श्राख मोलवी साँबस किनु सूरु ग्वसॉनिस? कुकिलि शिकार (याने माँसूम तु बे गुनाह काँशर्यन हुँद कल्ल) छा राज़ अहमसा (हिंदुस्तान) करानु किनु नकाबपोश 'मुजाँहिद'?

बुजि हुंज़ लॅर छा तहरीकि निज़ामि मुस्तफहस छेपि लगान किनु अथ छु सरकार (दिली) बुलडोज़र वायान? कँदुल, हस्पताल, स्कूल, मंदर तु खानुकाह कैम्य जॉल्य? हकीकत छि यिज़ि कँशीरि अंदर यि कँछ़ा 1990 प्यठ सपदान वोत तम्युक जिमुवार छु फकत सु काँशुर येम्य दहशत गर्दी जहाद जॉनिथ नालुमोत कोर तु दहशत गर्दन इसलॉमी मुजाँहिद माँनिथ पोशि मालु नॉल्य त्रावि। राँही सुंज़ि अमि गलत बयॉनी द्युत म्यॉनिस अन्तरात्माहस युथ वुतुश जि 'अहवाल नामु' नॉव्य म्यानि येमि नज़मि लोब जायुन।

## अहवाल नामु

—रतन लाल जौहर

बर जस्तु फुलय ऑस  
सोंतु वाव डलान ओस  
विर्यन ति बामन्युक ग्वब्यर लंजन ओस अवेज़ान  
फ्रस्तन ति फिडनि आख नमूदार गॅमुत्य ऑस्य  
तिमु कॅत्यजि आसु तालुवस प्यठ ओल बेयि शेरान  
आरन, कवलन, लॉज़न ति आमुत गुरुद्य वान्युक बुख  
साँरुय बुतल सब्ज जामन मंज़ पुरिथ ऑस  
मगर दिलन अंदर ऑस्य खोफन नेज़ु स्यँज़ुराँव्यमुत्य  
कँशीर ऑस स्वय सोंतु महरैन्य स्वर्गु पॅरी हिश  
मगर — पॅदिस पॅदिस प्यठ ओस मोतुक नंगय नचुन आम  
वेथि, वेशव, ल्यँदरि, सेंदि आसु



लाशि क्वछन मंज

तनु आँस्य फेकिस सुत्य फ्योक रलॉविथ

शबस खसान असतान

यिकुवट दशि गंडान तु मंगान :

“याँरी तु करुवुन छुख पीरा कर काँशर्यन याँरी,  
छुख सोन म्वरशिद बटु तु मुस्लमान लगोय पाँरी।”  
तु व्वन्य आँस बौंदकु ज्यव दिवान बारव करान एलान:

“काँशुर नु कांह

येति छि मुसलमान नतु छि हेंद्य

कबर अलग, शुमशान अलग

काँफिर तु मूमिन ब्योन।”

लबेक सपुद अँध्य तु च्वपॉर्य वोन मगाफोनव :

‘रेश, सूफ्य, मँत्य, साद—सन्त किध्य सॉन्य मूलादार

व्वन्य द्राँत्य व्यगलावुन्य छि बेयि

नवि सरु गरुन्य करतल”

क्वहराम वोथ इन्साफ पर्वर सोंच गँयि अगवा

जलसन जलूसन मंज सपुज कशमीरियत रुसवा

जनून्य, जाँहिल, फितनु पर्वर फिरकु परसतव

कँर चाल तिछ जि आमस ति तिमन सँजदु करुन प्यव

गँयि तारि कूट्यन, बरहंगन प्यठ नमूदार इशतिहार:

“या छुवु गलुन नतु छुवु चलुन छिव मुहिमि हुंद्य गदार”

गव नार जाँरी सूर गव आशन तु अरमानन

तु चूरि बिह्य बिह्य गरन अंदर क्वपुस वुसखानन

बिसयार जुलचू तु सिकंदर बुत शिकन वाँतिथ पेयि

जजबाथ गँयि मजरुह तु एतिकादन लिवन पेयि

लाचार, बेबस पुशतँनी काँशिर्य सपुद्य मजबूर

कँशीर त्राँविथ प्योख चलुन दूर स्यठा दूर





अरविंद गिगू सुंजु अंगरीज्य कवितायि छे मुल्कुक्कन केंचन नावदार जर्नलन मंज छपेमचु, यिमन आदुनिकता बोद (माडर्न सेंसिबिलिटी) तु मखसूस काव्य शैली किन्य स्वागत करनु आमुत छु। अमि अलावु छि गिगू साँवन काँत्यन काँशिर्यन शाँयिरन (यिमव मंज अर्जुन देव मजबूर सुंज 'वेल्स' ति छे) तु अफसानन अंगरीज्य तर्जमु कॅर्यमुत्य। यिहुँद्य काँशिर्य तर्जमुकार रतनलाल जौहर छि याँयिर तु अफसानु निगार आसनु अलावु तजरुव कार अनुवादक, यिमव कुत्यन हिंदी क्यो अंगरीज्य शाँयिरन तु अफसानुनिगारन (यिमन मंज भवेँद्रनाथ सुंद्य असामी अफसानु 'जोलानु' (साहित्य आकादेमी) ति शाँमिल छि) काँशुर तर्जमु कौरमुत छु।

## ग्लेशर

—अरविंद गिगू

ऑगजि पेट्यन तु ख्वरु टेंड्यन  
प्यवान आमु होल  
येलि अँस्य तेंताँलिस प्यठ  
शीन व्यगलनु बापथ छि  
प्रारान तु आश हारान

ब्याख कटेरु  
फटान ग्लेशरस मंज  
तु आकाशस कुन अथु तुलान

अजाँयिब गरन छु करनु यिवान लीलामु  
मगर बुतराँच अंदर दफन प्रानि प्रतिमायि  
छे नु राज इफशा करान



## (2) नाकॉमी

मै छु याद  
 किथु आँस्य पंपोश नदामतु सान  
 चान्यन नीजन चेशमन  
 ज़नतु पान अवेज़ान त्रावान  
 म्यानि बापथ आँस चै मंज़ यि कॅशिश  
 ज़ि चै मंज़ आँस नु कॅशशी कांह

कस छि पय  
 काँत्याह संगि मरमरुक्य ताजमहल छि  
 म्यान्यन टार्यन हुंघन जमनायि बट्यन प्यठ  
 मिसमार सपुद्यमुत्य  
 तु काँत्याह वादन हुंघ कोतर वुडेयि  
 प्यवुन्यव संगि मरमर थंबव प्यठ  
 खोफ ख्यथ

स्वनु सुंज़ि वाजि योदवय रुम गछि क्रांकस  
 नोव लाल जरुहोस  
 दिल छुनु क्रांख ज़ि फुटि तु नोव बैटि  
 दिल छु फकत दिल  
 यि हैकि वॅदिथ  
 पोज़ पानस नु कांह तसलाह दिथ

अन्तरात्मा किस म्यवस तुल मज़ु  
 मगर आत्मा छुन कुनिथ



बु मुदूस खबर कर  
 तु छुस दफन  
 ज़न पनु पोंपुर ह्यनु आमुत हंगु मंगु  
 किताबु वरकन मंज़

### (3) ऑनस ब्रोंह कनि अख वाँसि डलवुन्य ज़नानु

बु छस हारु काँठ मस्तस मंज़ु मंज़ु  
 गॉमचन खॉली जायन सुत्य कथ बाथ करान

बु छस सबज़ॉव्य नीजि अँछ हंज़ छाय

बु छस  
 वछस प्यठ मुनुल डुपटु वँहरिथ च़ेनान

बु छस  
 कावु पंजन सुत्य लॉरिथ ज़ठ

बु छस फ़ेशिल  
 मालि अंदर यिम फँल्य ति छि अपज़ी

(अनुवाद : रतनलाल जौहर)



अँजिकि काँशिरि अफसानुक अदिशता (बाँनीकार) अख्तर महीदीन यिमव कहानियव किन्य हमेशि याद करनु यियि, तिमव मंजु छु “छा काँसि सामरथ” ति अख। सनु 1983-तस मंजु लेखिमति येमि अफसानु तलु छु असि साफ ननान जि लेखक कोताह कानशस छु कँशीरि मंजु बदलवुन्यन हालातन तु इनसाँन्य रिश्तन हुंद। असि छे पताह जि कमय काल ब्रोंठ गयेयि दिलि मंजु द्वन ‘चोपड़ा’ बारन्यन दर्दनाक गटना, यिम सकूल प्यठु गुरु यिवान आँस्य। रंगा तु बिला नावक्यव द्वयव गुंडव तिम अगवा करेयि तु पतु माँरिथ छुनेयि। रंगा तु बिलाहस दिवाँयख फाँस्य मगर माँसुम शुर्यन ब्यूठ अँहरु। कँशीरि तान्य अमि ट्रेजेडी हुंज गुथ वातुन्य ओस क्वदरती। कहानीकार छु अम्युक व्यक्तिगत रिश्केशन पननि कलम सुत्य यिथ पाँट्य वोनान -

## छा काँसि सामरथ

—अख्तर महीदीन

युथुय सु बसि खोत ज़नतु हंगु तु मंगु बसि अंदर ग्वलाव फोल या ओबरु नबस ज़ोद कँरिथ गाशि तारुख नोन द्राव। खसान खसानुय लोग अँम्य माजि सुत्य किनु बसि मंजु बिहिथ सारिनुय सवार्यन सुत्य टंडु जि बु ब्यहमु दारि तरफ्य। मे त्राँव जाय तु ब्यूठ मे दँछिन्य तु माँज अहँज खोवुर्य।

दारि न्यबर ओस यि प्रथ तथ चीज़स हॉरतुचव चेशमव वुछान यि अँस्य द्वहय वुछान तु मँशरान छि। अँमिस ओस प्रथ कांह चीज़ नोव, रंगु बोरुत तु सिरुसोव। यि ओस माजि कुन वँनिथ ज़न तु असि सारिनुय अन्यन क्याहताम चेनुवन दिन्य यछान तु हावुन यछान यि बस योहोय योत वुछिथ ह्यकान ओस।



अँहँज कथ बासेयि मे  
अकिल हुंज अँतुर तिक्याजि अति  
ओस कलामु ख्वतु ज़्यादु कलामु  
अदा करनुक तरीकु मानि सोव..  
सोरुय हॉरतनांख। वजूद ति तु  
वजूदस अँद्य अँद्य सपुदवुन्य  
वाकु ति।

वस द्रायि। मे प्योव खबर  
क्याजि सु द्वह याद येलि अँम्यसुय  
हयू अख शुगह मदरसु मंजु द्राव।  
टुकान टुकान वोत सडकि प्यठ  
तिथु कँन्य जनतु अँमिस वरॉय  
यथ आलमस मंजु बेयि किहीं  
ओस नु। सडकन प्यठ दोरवुन्यन  
मोटर कारन ट्रकन सुकूटरन  
सायकलन बेतरि लँज ब्रेक।  
हज़रति मूसा सुंदि आसनुचि  
करामॉच सुत्य गव पकवुन दरियाव  
रुकिथ तु यि शुर, यस नखस  
प्यठ किताबु ब्वकचि ओस तोर  
टुकि अपोर तु अपारि वोनुन पननि  
बेनि, य्वसु अँमिस ख्वतु बँड  
पहन ऑस — ‘पख गिंद मे सुत्य  
कनि मारनस!’

दरियाव पोक नविसरु गथ  
मारान तु रोडु फँल्य मांडान ब्रॉठ।  
काँसि अँक्य ति कोर नु एहतियात  
किन्य ब्रेक दिनु वाल्यन मोटर

ट्रक सुकूटर बेतरि झाइवरन  
शुकरिया। करामथ गँयि करामथ,  
बेनियाज़ु सुंजु बेनियाँज़ी।

जु शुर्य बेनि तु बोय  
ऑस्य दोह्य दिशिक्य पॉट्य कनि  
मारनस गिंदान तु अख अँकिस  
सवॉर्य दिवान। दुनिहिच  
अहमतरीन कॉम ऑस मदरसु  
नीरिथ कनि सुत्य कँन्य मारुन्य।  
बाकी ओस महज बकवास तु  
येलि कनि हुंद चोट कनि लगिहा  
अटु सवॉर्य ओस सु जज़ा यथ  
प्यठ हथ जनथ कवरवान गछुन।

‘गोबरा! त्वहि कोत सॉ  
गछुन?’ पृछुन वोल् ओस द्वन  
जंगन प्यठ खडा। अँमिस ऑस  
नु पानस जथ। अँमिस ऑस्य दंद  
तु प्रातु अंदर — यि ओस तिमनुय  
हयू यिमन शुर डेडीजान, मामाजी  
या चाचाजी वनान छु यि ओस  
इनसान जॉच मंजुय, लँहाज़ा कुस  
खोचिहेस।

‘असि छु गछुन गरु।’ यि  
वोन कँट्य, कूर रुज़ छ्वपु कँरिथ।

‘वलु यथ मोटरस खँसिव।  
बु त्रावोवु गरि।’ डेडीजान, मामाजी  
या चाचा जियस सुत्य शकिल  
रलुवुन्य इनसानन वोन। कँटिस



आव नु कांह हरजि बोज़नु। कूर  
ऑस पननि फितरँच किन्य  
मंदछान, मगर येलि कोट दवि  
दवी मोटरस खोत, कोरि ति लोग  
न कांह चारु।

पगाह द्राव अखबारन मंज  
जि जु शुर्य... अख कोट तु  
अख कूर, बोय तु बेनि आयि  
वरगलॉविथ निथ कतुल करनु।  
कतुल ओस बेदरदी सान  
सपुदमुत। खबर कमि लालचि।  
अखबारन मंज ओस वारियाह  
केंह लीखिथ। यिति ओस लीखिथ  
जि असि काँचाह तरकी कँर तु  
कम कम नॅव्य ईजाद कॅर्य।  
अखबारन मंज ओस सोरुय केंह  
पोज़ लीखिथ।

बस ऑस पकान तु बसि  
मंज शुर ओस म्योन वजूद  
मॅशरॉविथ माजि क्याहताम नेबर्य  
किन्य हावान। तिम चीज यिम  
अहँजि माजि तु असि बसि मंज  
बेहन वाल्यव सासि लटि वुछिमुत्य  
आसुहन। यिम पोज़ तु हकीकत  
आसुहन। त्युथ पोज़ तु हकीकथ  
यूवसु द्वहदिश काम्यन मंज  
सपदिथ मशान छे। मगर शुर्य  
सुंद कलामु छुनु माने सोव, कलामु

अदाकरनुक तरीकु छु हॉरतनाख।

बु ओसुस ऑमिस कलस  
प्यठ अथु थॉविथ फशिहना दिन्य  
यछान। खबर क्याजि? मगर  
बॅहरान ओसुस नु। बु ओसुस द्वन  
जंगन प्यठ जॅच रोस्तुय डेडीजानस  
मामा जियस या चाचा जियस  
हयू किनु तिमन यिमन 'रंगा' तु  
'बिला' नाव ओस। यि कुस अखा  
करि फॉसलु!

सु ओस ना असी हयू?  
त्वहि हसॉ छुसव वनान, परन  
वाल्यव! अवु त्वहि छुसवु वनान,  
सु ओस ना असी हयू, डेडी  
जानन, मामा जियन तु चाचा  
जियन हयू येम्य अकुल दोरुनॉव  
रॉच कॅर्यन डॉक्य तु अदु गव  
ईज द्वह सुबहॉय ईज न्यमाज  
परन वाल्यन मंज बम तु गोलु  
त्रावनि — जहनमुक्य दरवाज़ु गॅय  
यलु, नारु तुफानन वोल प्रथ तरफु  
नाल। हूल्य हांगय वॅछ तु आखुर  
येलि सोरुय हम्यव त्वकट्यन  
बड्यन शुर्यन ऑस्य ऑव्यलन  
पनन जॅदय परिन्य गॉमुत्य तु जॅरी  
टाचि तु व्वजजि सदरि आसु लिथु  
पथरि गॉमुच — मेचि मोज़ूरन  
हुंद शुर्य। दपान तिम आसु गरि



परदन छाया विहित ईजकोज ह्यथ  
प्राशन, मगर ओरु आवय न कांह।

‘ओर कुन लगि नु वुछुन।’  
यि आँस मे खोवर्य किन्य माँज  
वनान। बु गोस ज़नतु बेदार। वसि  
मंज शुर ओस ओडाह न्यवर कुन  
वुछान तु ओडाह नु केंह। वस  
आँस वारु वारु पँकिथ अँकिथ  
कुन रुकेमुच। सडकि ओरु ओस  
कोहोंद ताम जिनाज़ु यिवान।  
तोबूदस पतु पतु आँस्य वारियाह  
लूख। शायद यि ज़ाँनिथ जि शुर  
लगि नु खोचुनावुन, कँर मे पनुन  
पान आँकल ज़ाँनिथ कथ तु वौनुम  
शुरिस — ‘खोचुन लगि नु। मरुन  
छु सारिनुय। जिनाज़ु वुछिथ पजि  
परुन — ‘इना इलाह व इना अलैह  
राजऊन’ चे छुथा क्वरान पोरमुत?’

शुर्य कोर कल सुत्य  
नकार तु खोवर्य किन्य माजि  
कोर ज़ाँहिर मे चेनुवन दिनु बापथ  
— ‘त्राहि त्राहि बगवानु।’

मे च्यून। हना दितुम दम  
तु दम दिथ वौनुम पानस —  
‘तोति क्या गव? ग्वलाब छु प्रथ  
नावु ग्वलाबुय। गाशि तारकस  
कमि नावु गछि गाहु कम —  
येमिस ज़न छुनु बुरहान जलील

नाव। मगर कलामु अदा करनुक  
तरीक छुस ना तहँदी पौदय  
मानेसोव तु हॉरतनाख।

‘हु गव हारु ब्रारि हुंद  
अस्थापन’, मे वोन शुरिस,  
एतिमाद बेहनावानु पुछ्य हारि  
परवतस कुन आँगुज तुलिथ।

‘यि गँयि चँकरेश्वरी’ वोन  
शुर्य मे कुन वुछुन वराँय।

‘हॉर गँयि शारिका तु ब्रॉर  
गँयि दीवी। अवय छि अँस्य  
अँमिस वनान हारु ब्रॉर। मे कँर  
साँरुय अकल तु गाटुजार ह्यथ  
यि कथ। ‘अँस्य’ लफ़्ज़स प्यठ  
दितुम ज़ोर युथ सु ज़ानि जि यि  
लफ़्ज़ छु वसीह ति तु सोन ति।

मगर तँम्य वोन ओरु बुथ  
चँकराँविथ माजि कुन —  
‘चक्रेश्वरी।’

मे गँयि छवपु। दंपान छुस  
माजि अँहँजि वनु जि जवाब कोनु  
छिहस दिवान? वनान कोनु छिहस  
यि छुय पोज़ वनान। अमी जज़्बु  
दिनुम खोवरु कुन नज़र। माँज  
अहँज आँस खोरुशोर शाल  
वैलिथ। दर असुल ओस मे अमी  
प्वशाक पौर्य ज़ाँन्य वुनुब गोमुत।

हारु ब्रारि हुंद मंदर ओस



ટાકારુ લબનુ ચિવાન। બુ ઓસુસ પનનિ અકિલ હંજિ કમી કિન્ય જોહિર ગ્વતન ગોમુત તુ ઍથ્ય મંજ બીટમ ઍછન છાંપ। બેગાશ ઍછવ વુછુમ યિ શુર, મે તૂરિ તૂરિ, ચત્રેશ્વરી કુન નમસ્કાર કરાન તુ યુથુય મ્યોન્ય નજર પ્યવાન છસ, યિ અથ જુ વેટિથ લોત પોંદ્ય બેહાન।

મે ગવ વોલિંજિ દમ। અમા બુ છુસ ના ડેડી જાનસ, મામા જિયસ યા ચાચા જિયસ હ્યૂ? અમા મે મંજ તિ છા રગા તુ

બિલા ગુપિથ। યા સુ અકિલવોલ દરમુ પોથુર યેમ્ય ઈજ દ્રહુ સુવહોય જહનમસ દરવાજુ યલુ ત્રોવ્ય — શુરિસ છુ આગાહ મ્વકુલ — અમિસ છુ મે મંજ કયાહતામ દ્યવ દ્રઠાક દ્રીંદ્ય ગછાન મગર — હે પરન વાલ્યવ, યિમન વેન્યતવ સોં કાંછાહ, કાંહ અઝાહ યસ વુનિ તિ કથ કરનુચ સામરથ છે જિ ગોબરા, તુ હસોં છુખ મ્યાનિ સુવહુક ગાશિ તારુખ તુ ચોંન્ય મોંજ મ્યાનિ ડ્યકુચ સંજદુ આખ।



(અફસાનુ છુ બાજે લેખન વોલિસ નેવરિમિ દુનિયિહુક વ્વતલુન બદલુન વયાન કરાન બાજે તસુંદિ અદરુનુક રોદાદ વનાન। મગર દ્વશવુન્ય સૂરતન મંજ છુ તથ મંજ કથા-તત્વ મૂજૂદ આસુન લોંજમી। વિજય મામ સુંદ 90-તુ યોરુક્ય અફસાનુ છિ તસુંદિ તજરુવુચ સ્વ કુફિયથ વખનાન યેલિ તસુંદ રચનાકાર મન સોંચસ, આત્મ-બહસ, સવાલ-જવાબ યા માનોલાગસ મંજ અકિ ન્વક્તુ પ્યટુ વેયિસ ન્વક્તસ તામ સફર કરાન છુ તુ કથા છે ઍથ્ય સફરસ યા હરકતસ મંજ પોંદુ ગછાન। યિથિસ અફસાનસ છુ રફતાર સોત આસાન તુ બાજે છુ ખતરુ આસાન જિ ઈસે હુક હ્યૂ રૂપ કરિ યજિયાર। યા છે કથ અખ સવાલ વેનિથ રોજાન જિ કથાયિ હુંદ ઈશારુ કોર કુન છુ? કથ કમ્યુક પ્રતીક છે? બહરહાલ પેરિવ તુ પનુન્ય રાય લીખિવ।)

## મ્વકુજાર

—વિજય મામ

આખા? કૂત વખ લોગુથ! યિ મા સૂંચુથ જિ કાંહ મા ગછિ ફલવા! ગરિ મંજુ દ્રાખ ન્યબર, પતુ સપદુય નુ ડ્યાલુય જિ કાંહ મા ગછિ પરેશાન,



काँसि मा वाति तकलीफ, काँसि मा गछि वाह वैसिथ। ग्वडु चै क्याह।  
तु छुख प्रथ सातु पनुन्ये मस्ती मंजु रोजान। जून तु चै कांह छुयी बैयि।  
जून कुनुय छुख। रझाह सौंच वुनि छुय खबर कूत वख कडुन। खबर क्याह क्याह वुछुन तु खबर क्याह क्याह करुन।

सु गव वनान। छ्वपय ओस नु करान। मै ओस तसुंद यि वनुन कैछाह ख्वश ति करान मगर कुनि कुनि ओसुम खरान ति।

खरान क्याजि ओसुम? सु क्या गलत ओसा वनान कैह?

अदु तेलि क्याजि ओसुम खरान? सु क्या गलत ओसा वनान?

मगर मै कर वोन जि गलथ ओस वनान।

अदु तेलि क्याजि खरान? अवु किन्य या जि पोज़ छु द्योठ आसान? द्योठ आँस्यतन या म्यूठ, पोज़ गव पोज़।

पज़र गव सिरियि बगवान तु अपुज अनिगोट, राथ, स्व सियाह राथ येति नु काँसि पोज़ बोज़नु यिवान छु। मगर तिम ति छि नफर यिम अनि गटि रौच मंजुय पनुन्य वथ तलाश छि करान। तिम कम यिमव कैह नु मंजुय कैह ड्यूश तु सु कैह ओस त्यूताह प्रज़लवुन जि तथ निश

आँस्य सौरी गाश जून तु गँदय बासान।

अमा बु कोत वोतुस कैह मंजु कैहस ताम। तिम गँय बदलय आदम, यिमव कैह नु मंजु कैह लोब।

अदु तेलि कथ लोग यि मे पतु तु छुम वनान जि गरु मंजु न्यबर नेरु पतु छुम न खयालय रोजान। मे व्वन्य गरि द्रामतिस यीत्याह वैरी गाँमुत्य आँस्य। तनु कोनु लँजस म्याँन्य फिकिर? अज छुय व्वन्य वनान जि व्व छुस पननी मैस्ती मंजु रोजान। योताम तस निश वोतुस तोताम यिथु कैन्य ख्वश कोरुस तिथु कैन्य ग्युंदनम तु व्वन्य येलि मे बगावथ कैरुस, बासान छुस बु गोस रोगरदान। योत ताम गरुस मंजु थोवनस तोतताम नय शाह ति खारुन द्युतनम।

तेलि क्याजि छु व्वन्य परेशान? अवु किन्य जि मै ह्योत पानय शाह खारुन? बु गछा शाह खारुनस ति तँस्य मातहथ रोजुन? अगर व्वन्य पानस मातहथय ओसस थावुन, तेलि क्याजि जून कोडनस कुठि मंजु न्यबर? या गव मै वोनमस। दफ तस जानावारु सुंद पौदय युस ठिपि मंजु नेरान छु, सु ति छु वुफ तुलिथ खबर कोत कोत वातान। यिथु कैन्य ख्वश करुस तिथु कैन्य शाह



हयवान। तेलि क्याजि मे पाबंदी?

तॅमिस कोनु कांह वनान, खताह ह्युय पानस। कॅड्यजिहन नु कुठि मंजु। किनु तस ह्युनु कांह प्रछन वोल्? सु ह्यु पननि मरजी हुंद मॉलिक। कर्यस ख्वश तु करि लछि बद्यन लूकन फनाह। मरजी गछ्यस तु नियि शहरन हुंद शहर वुजारु कॅरिथ। पूरु खेलिस नियि पहर्यव मंजु कॅडिथ तु त्राव्यख मंजु सडकि तापु क्रायन मंजु। ल्वकट्यन ल्वकट्यन शुर्यन ताम नेरि त्रेशि दादि ज्यव फॅटिथ। बेयि तरफु वनि बु ह्युस...

ग्वडु तस क्याह? तस गॅयि मरजी। याने तॅम्य सुंजु मरजी गॅयि हुकुम तु म्योन गिलु पाफ। ग्वडु वुछ बुति कस वनान। अगर तस कनन थोप आसि हे नु तेलि ह्यकु हा बु यि वॅनिथ जि सु ह्युनु वूजिथ ति कॅह वनान। व्वन्य येलि नु तॅम्य बूजुय कॅह तेलि क्याजि सॉरी तसुंज प्रथ कांह कथ हुकुम मॉनिथ सरखम करान? तेलि छा तिम सॉरी जिंदु, म्वरदु बेहयस नचवुनि तु फेरवुनि लाशि। मगर लाशि किथु कॅन्य नचन तु फेरान। तेलि क्याह तिमन छा जिन प्रकॅच चामुत किनु कवरिस्तानन तु शुमशान गाटन हुंजु व्यछ्य छे? सु कोनु अथ सनान? सिरिफ लोग

मे पतु जि बु कोनु ह्युस यिवान।

अमा यि हालि बद वुछिथ कुस सना गछि तस निश? सु वॅन्यतन खबर कोताह पनुन बजर बु क्याह ज़न मानन?

मगर पज़र ह्युना यी जि सु ह्यु बोड तु थोद त्यूताह यूत नु म नरि पिलन न जंगु।

तेलि क्याजि ह्युम आलव कडान? तेलि क्याजि ह्युम वनान जि काँसि मा गछि वाह वॅसिथ? असली ह्यस ना म्यॉन्य माय। मरुन हय ह्यु, म्यानि वरॉय ह्युस नु म्यौंड वसान! ग्वडु यि किल्ल मालय। अँथ्य छिना वनान निशि ज़ुरवथ नु दूरि पशथ नु। मंजु वाग आस ना बु ह्यन। तेलि अन्ना बु तँथ्य कुठिस मंजु तु थाव्यम बंद। शाह ति दियम नु ह्यनु। बेयि थाव्यम पनुन मोहताज वनॉविथ तु पतु हेयम यलु त्रावनु व्रोंठ वादु।

वैसे यिथु कॅन्य ति क्याह आज़ाद ह्युस। आलव दी दी ह्युम कन कडान रोज़ान। दपान ह्युम कनुवान ह्युसय करान। दफ तस क्यावा कोर मे? क्याजि ह्युम नु यलु त्रावान। या तु वनतम गछु कोरमख आज़ाद, नतु...

नतु क्याजि ज़न करव नु अख काँम। मे थाँव्यतन पननि ख्वनि



मंज तति, द्यवु बचु तुरि कठकारु  
तु ग्रिशमु क्रायि निशि। व्वलि तु वुनैदरि  
निशि। ख्वश कर्यम तु श्वंगु। मरजी  
गह्यम तु मारु तहँजि ख्वनि मंज  
छालु। मे वोनमस यि मे वनुन ओस।  
व्वन्य छस पनुन्य मरजी। मे थाव्या  
पननि ख्वनि मंज किनु पूरु पॉदय  
कर्यम आजाद। मगर आ। अख  
कथ छस व्वन्य तय। बो अचस नु  
व्वन्य तथ कुठिस मंज येति सु मे  
गरि थावान छु। क्याजि अचस? गोम  
क्या साँ? ज़न तु आवागमन।

म्योन फॉसलु बूजवु त्वहि  
तु गॅलितव। व्वन्यतोस। अगर मरजी  
छस थॉव्यतन मे पननि ख्वनि मंज।  
बु ति वुलि सु बजर येम्युक सु दम  
बरान छु। बुति दपु जि मे पजि  
नॉदिम रोज़ुन। ख्वनि मंज करनम  
जाय।

मगर तथ छुस बासान जि  
अगर बु ख्वनि मंज रोदनस खवर  
कांह मा कर्यस कथु पांछ तु दपनस  
तिमन सुत्य कौरुन वोरु माजि तोन।  
गव ना सुति खोचान लुकु कथन?

न शायद छुनु खोचान बल्कि  
छुस बासान जि अगर बु ख्वनि मंज  
रोदनस, तँहदिस बजरस तु थज़रस  
मा यियि फरुख।

खावर यि बास्यस ति  
बॉस्यतनस। बु ति बोज़स नु व्वन्य  
कँह। मे ति वोनमस पनुन फॉसलु।  
व्वन्य छस पनुन्य मरजी।

ख्वनि मंज रटिमा किनु बु  
गहस बाँगी।

मे क्याह करि पानय मूरि  
गुल्य।

नतु कॅर्यतन फॉसलु। म्यान्य  
मुक्ती हा किनु पननि ख्वनि मंज  
जाय।

Please subscribe for "VAAKH" and "NAAD"

**VAAKH**  
(Quarterly)

Rs. 100 Annually

**NAAD**  
(Monthly)

Rs. 200 Annually

Send Cheque to :

Business Manager, AIKS, D-90, Sarojini Nagar,  
Delhi - 110 023 Tel. : 24677114

In favour of : "AIKS NAAD"



पनुन्यन तिमन वारियाहन परन वाल्यन हुंदि खॉतर यिमव ललदेदि मुतलक  
स्यठाह बूजमुत छु मगर ललि हुंद कलामु परनस मोकु महल आमुत छुखनु,  
छि अँस्य यथ कालमस तहत विटु विटु लल वाख पेश करान। वाख-1 अंकस  
मंज तसुंदय त्रुवाह वाख पेश कँरिथ कोर असि शुबारंब। यिथय कँन्य गछव  
अँस्य प्रथ अंकस मंज कमजकम ऑठ - दँह वाख दिवान। युथुय तसुंदय  
सॉरी वाख म्वकलन पतु तुलोन व्याख प्रोन क्लासिकल कवी तु तसुंद कलामु  
ति दिमव। 'वाख क्यन द्वन अंकन (वाख-1 तु 2 हस) मंज पँरिवु त्वहि डॉ.  
तोषखानी सॉवुन्य जु लेख "कँशीरि मंज वख्ती हुंद व्यथवव" यिमन मंज ललि  
हुंद ति ज़िकिर व्यस्तारु सान करनु आव। तिमव आसि लल समुजनस मदद  
म्युलमुत।

पनुन मीरास नागरीयस मंज रछुन तु लूकन ताम वातुनावुन छु  
"वाख" पत्रिकायि हुंद अख अहम मकसद। यिम वाख करोख अँस्य कौशिरि  
वर्नमालायि हुंदयन अछरन हुंदिस तरतीबस मंज पेश। वाख-1 अंकस मंज  
ऑस्य अ/अँ तु आ/ऑ अछरव सुत्य शोरु गछुवुन्य वाख। वाख-2 हस  
मंज ऑस्य क त ख वॉल्य वाख। यथ अंकस मंज छि ग सुत्य शरु गछुवुन्य  
नव वाख शॉमिल। कँचन वाखन छि नोट या व्याख्या ति दिथ। व्याख्याकार  
सुंद नाव छु बाजे दिथ तलु कनि। अगर कौंसि परन वॉलिस कुनि व्याख्यायि  
सुत्य इतिफाक आसि नु तु सु सोज़ि असि म्वखसर लपज़न मंज पनुन्य राय,  
अँस्य करव स्व स्वीकार।)

(वाखन हुंद नंबर छु वाख-2 ब्रोंह कुन)

24. गगन चय बुतल चय  
चय दान पवन तु राथ  
अरुग चंदुन पोश पोन्च चय  
चय छुख सोरुय लॉगिज़ि क्याथ?

बुतल—भूतल (हिंदी) ज़मीन, बुतराथ, अरग—अर्घ्य (हिं.) क्याथ—क्यात—क्या।



यि छु राथ लफजस सुत्य तुक मिलनावन खोंतर प्रयोग। यिश्य प्रयोग छि लल तु नुंदरेशिस द्रशवुन्य मंज मेलान। वाखस मंज छि बगवानु संज सर्वव्यापकता वखननु आमुच।

25. गाटुलाह अख वुछुम व्वछि सुत्य मरान  
पन जन हरान पुहनि वावलि  
नेश बोद अख वुछुम वाजस मारान  
तनु लल बो प्ररान छैन्यम ना प्राह

यि वाख छु कौशिरि 'वचन' कि शरूवाँती रूपुक इशारु ति क्याजि अथ मंज छु ग्वडुनिचि लॉनि हुंज आँखरी आवाज दौयिमि मंज आरबिक जाय प्रावान। पुहनि पोह र्यतुकि वावलिन तुरि लँहरि सुत्य। गाटुल्यन तु मुखन छे दोहय फरुख आँसमुच। गाटुल्यन छे कामन समुच तु मुखन स्वखुक्य नँखरु। अम्युक असर छु लल हिशि सोचन सरन वाजिनि हसास शौयिरि प्यठ ति प्योन ज़रूरी।

26. गाल गँडिन्यम बोल पँडिन्यम  
दँपिनम ती यस यि रोचे  
सँहज कुसमव पूज कँरिन्यम  
बो अम्लॉन्य तु कस क्या मूचे

गाल—बदनाँमी, गँडिन्यम—मे सुत्य लॉगितन, बोल—ह्यडन गेलन पामु पँडिन्यम—बोल पडुन (परुन) छु मुहावरु याने बोजनॉव्यतन लूख। सँहज कुसुम—सहज बख्ती हुंघव पोशव सुत्य पूजितनम याने मे म्योन योछमुत तु कौछमुत स्थान दीतन। ललि छि स्यठाह दिलेरी सान पनुन्य वथ सही तु बेखोफ मॉन्यमुच। मूचे—म्वचि, आँखरस क्याह लारि तिक्याजि बु छस अम्लॉन्य—अम्लान, मलु तु मॉलनी रोस।

27. खरन वोननम कुनुय वचुन  
नेबरु दोपनम अंदर अचुन



सुय गव ललि मे वाख तु वचुन  
तवय मे ह्योतुम नंगय नचुन

नेबरु—जॉहिरी दुनियाह तु अंदरुनी दुनियाह युस काँसि ति वखतु (शायिरु सुंदि खाँतरु ति) लॉजिमी ह्यु तिक्याजि अँती ह्यु तस सँही ज्ञानुक आबास मेलान। वाख तु वचुन—द्वशवन्य ह्यु कुनुय माने यानी कथ, शब्द, वॉनी, शिक्षा, मार्गदर्शन, इशारु। दपान 'वाख' लफजुक सारिवुय ख्वतु ग्वडुन्युक इस्तिमाल ह्यु काँशिरिस मंज यहोय। नंगय नचुन—बेपरवा फेरुन थोरुन या समसॉर्य अपज्यारस विरोद करनु खाँतर नाराजगी जॉहिर करुन्य।

28. ग्वरस पृछाम सासि लटे  
यस नु केंह वनान तस क्या नाव  
पृछान पृछान थँचुस तु लूसुस  
केंहनस निशि क्याहताम द्राव

यस नु केंह वनान—परमात्मा ह्यु मूलतल कुनि ति व्याख्यायि ह्योर। ललि छुन द्वख जि ग्वरन क्या द्युतनम नु जवाब (या सही जवाब) ति क्याजि यि सवाल जवाब ह्यु मूलतल शॉयिरि पानस सुत्य तु अम्युक जवाब ह्यु तस पानस खबर जि किही जवाब न दिथ ह्यकुन ह्यु मूल सवालकि ग्वब्यरुक तु अहमियतुक इशारु करान। रचनात्मक तजरुबस छुनु अख तु अख गव ज़ ह्यू नतीजि नेरान।

29. ग्वरु शब्दस युस यछ पछ बरे  
ग्यानु वगि रटि च्यथु त्वरगस  
येंदरेय शोमरिथ आनंद करे  
अदु कुस मरे तु मारन कस

ग्यानु वगि—ग्यानुच लाकम, येमि सुत्य च्यथ (हृदय) किस गुरिस वशस मंज थँविथ हैकि। यि ग्यान ह्यु ऑखरस ग्वरु शब्दुय। येंदरेय छि समसारस सुत्य अपज्यारुक संबंद मजबूत करान अवय छि तिम शोमरावन्य ज़रूरी माननु यिवान।



30. ग्रट ह्यु फेरान जेरे जेरे  
 ओहकुय ज्ञानि ग्रटुक छल  
 ग्रट घेलि फेरि तु जॉव्युल नेरे  
 गू वाति पानय ग्रट बल

संसॉर्य ग्रट ह्यु विदथ ति तु लॉजमी क्रिया ति। यि चलि तु अँती ह्यु मुमकिन काँसि ह्युद ग्वन नेरि नोन तु जिंदगियि ह्युद चँखुर रोजि चलवुन। गू वाति ग्रट बल, ग्रट फेरि तु जॉव्युल नेरि। यि छे नारमल प्रक्रिया। मगर ग्रटस अँज्य मँज्य गछुन तु अम्युक चलुन तु अमिच हकीकथ ज्ञाननु खॉतर ह्यु ओहकुय उदाहरन असि ब्रॉठ कनि थवुन। ओहक ह्यु गलान ति तु ग्रटुक चँकर फ्युर मुकमल ति करान।

31. ग्यानुक्य अंबर पुरिथ तने  
 यिम पद ललि दँष्य तिम हेदि आँख  
 कारुन्य प्रनवक्य लय कोर लले  
 च्यथ जीव तु काँसुन मरनुन्य शाँख

अंबर—पलव, हेदि—हृदयस मंज, आँख—आंकवन कर, म्वल तोलबाव कर, कारुन्य—कारन (बहुवचन) प्रनव—ओमकार, शाँख—शंका, ललि ह्युद पनुन अनुबव ह्यु यि जि ओमकारुय ह्यु ग्यान तु तस ह्यु यकीन जि तसुंघ पद अगरय मनस अंदर थवोख, मरनुक खँदिशि गछि दूर।

32. ग्यानु मारुग छुय हाकुवॉर  
 दिज्यस शमु दमु क्रेयि पँन्य  
 लामा चँकुर पोश प्रॉन्य क्रेयि दोर  
 ख्यनु ख्यनु म्वची वॉरुय छैन्य

ग्यानु मारुगस ह्यकन रुकावट तु खतर ऑसिथ यिमन निशि खबरदार रोजुन जरूर ह्यु। यिथु कँन्य हाकुवॉर चारवायव निशि बचावनु खॉतर अँद्य अँद्य जंगल लगावुन जरूरी ह्यु। पँन्य—टिकिल्य, पल्यार, लामा चँकुर—मातृका मंडल, शक्तियि (शाक्त मतु मुताँबिक क्रेयायि)। ख्यनु ख्यनु—वारु वारु।



पनुन्यन परन वाल्यन कौशिरि शौयिरिणि हुंदि मीरासुच ज्ञानकौरी दिनु खौतु छि अँस्य यथ कालमस मंज सूफी शौयिरिणि हुंद्य केंह नगूनु दिवान। अँकिस अँकिस अंकस मंज दिमोन अख अख शौयिर। वाख-1 हस मंज पोरु त्वहि हबीब उल्ला नवशहरी सुंद कलामु। तसुंदि प्यटु छु सूफी (याने इस्लामी रहस्यवादुचि) कवितायि दस ब्वथान। सूफियन हुंदिस कलामस तरतीब दिनु वोल् आलोचक स्व. मोतीलाल साकी छु लेखान- “सूफी सुंज वथ छे अँकुच तु पान पुशरावनुच (अर्पन करनुच) वथ। आशकस छु अँकुन जलाव अँदरी वुहान तु अगे अँकुचि ब्रेहु छे काड कँडिथ बाजे शार बँनिथ थनु प्यवान। योहय अँकुन जलाव छु आशकस छेकरस मल त्रावान जौलिथ येमि सुत्य तस रुम रुम शोद तु साफ छु गछान। ...सूफी शौयरी छे सोन म्वलुल तु मौर्यमौंद सरमायि।”

वाख-2 हस मंज द्युत असि दौयुम अहम सुफी शौयिर मूमिन सौबनि मंज चौरिथ कलामु। यथ अंकस मंज छु महशूर शौयिर स्वछि काल पेश। स्वछि काल ओस 1774 ई. प्यटु 1857 ई. यस ताम याने 19 हमि सँदियि हुंदिस न्यसफस ताम हाले हयात पुलवॉम्य जिलु किस यँदुरगामु। पेशु किन्य ओस काल। अँम्य द्युत सूफी शौयिरिणि नोव तरह। ज़बान छस शोज कौशिर। अँम्य सुंदिस सौचस प्यटु छु अद्वैतवादी असर (हम्मा ओस) साफ लबनु यिवान। तसुंघव केंचव वचनव मंजु छि केंह बंद चौरिथ पेश।

## 1) बो बहानय

हता पानु ब्व कुस गोस  
माजि येलि ज्ञास थनय प्योस  
युथुय आस त्युथुय गोस  
पना खाजोम मे सतुसोस  
पनुक मानि ज्ञानान गोस

पानय ओस ब्व बहानय  
वुछुम ज़ून तु अफताबय  
पानय ओस ब्व बहानय  
परान गोस हू अल्ला  
पानय ओस ब्व बहानय



मे ना ज़ोन 'हमा ओस'  
कुस ह्युम दुश्मन कुस ह्युम दोस

गरि म्यानि ओस शहन शाह  
पानय ओस ब्व बहानय

## 2) यि ह्युय गुमानय

अख चु तु बेयि बु गँजर मबा  
यथ फॉन्य सरायि ह्युन ह्यु शबा  
कॉल्य फॉन्य सरायि ह्युन ह्यु शबा  
सँदरस मंज बाग छय ज़ूनु डबा  
नय तति नैँदुर नय तति शबा  
बुँबुर पननी मो कर तबाह  
दौगन्यारु स्रुत्यन लगान दबा  
दिलस पनुनिस गंड तो हिसाबा  
चे कत्यू लोगयो मस शराबा  
स्वछि क़ाल करान तस मरहबा  
मैरिथ हुरान तस मरतबा

हबा यि ह्युय गुमानय  
अथ मंज मो दिम दुकानय  
हबा यि ह्युय गुमानय  
तथ मंज वेंसिथ ह्युय पानय  
हबा यि ह्युय गुमानय  
चे हसॉ लोगुथ बहानय  
हबा यि ह्युय गुमानय  
कुलिस प्यठ ह्युय मकानय  
हबा यि ह्युय गुमानय  
युस गव ज़्यनय देवानय  
हबा यि ह्युय गुमानय

## 3) दप्योमय बालु यारस

दप्योमय बालुयारस यॉर्य लागव  
तैम्य दौपनम बोलुवुन ह्युस कोनु लागव  
दप्योमस बोजनावतम ह्युस तु बंदय  
तैम्य दौपनम बोज़वुन्य गैय शरमंदय  
दप्योमस यीच कॉचाह न्वक्तु गीरी  
तैम्य दौपनम अदु कुस करि दस्तु गीरी  
दप्योमस क्या ह्यु अंदर क्या ह्यु न्यबर  
तैम्य दौपनम यी ह्यु अंदर ती ह्यु न्यबर  
दप्योमस अदु कत्यन ह्युय चे मकाम  
तैम्य दौपनम नय ह्यु सुबह नय तति शाम



दप्योमस क्याजि कर्यथ तिफलगिये  
 तॅम्य दोपनम यि ह्यु म्योन्युय चारसूये  
 दप्योमस ह्युख च्यु कुनुय लाशरीक  
 तॅम्य दोपनम अमि गॅछिथ ह्यु म्योन तरीक...

#### 4) नाव दर आब

ज्वयि मंजु बॅसिथ ह्युय दॅरियाव  
 नाव दर आब तय आब दर नाव  
 न्यक्तु प्यव ऑनस गॉन प्योस नाव  
 गॉन सपुन महरम कौरुन टाव टाव  
 तमि शोछि मनसूर मारनु आब  
 नाव दर आब तय आब दर नाव  
 ठूलय अँदरय द्राव जवहर  
 न छे तथ तोंथ तय न छि तथ पर  
 हू हू करान तोरय आव  
 नाव दर आब तय आब दर नाव  
 खारुवानु नारु पानि किथु कॅन्य द्राव  
 शॅस्तुर कनि पेयि लछि बॅद्य नाव  
 हांकल छय कुनी वति मो राव  
 नाव दर आब तय आब दर नाव  
 येम्य सुंदुय व्वलुर तय तॅम्य संजुय नाव  
 व्वलरस तु आबस ह्युय कुनुय बसाव  
 ह्यन कुनि लौबुस नतु वाव ह्युस बसाव  
 नाव दर आब तय आब दर नाव

#### 5) प्यारि छम नु न्यँदुर

प्यारि छम न न्यँदुर यिवान यारु अज व्वलो सोनुये  
 आरु कॅच कॅरथस मे ह्यु मारु मोत चोनुये  
 हांछ कॅर्य कॅर्य हांछि मो लाग काचु जूनि कासतम ग्रोनुये  
 कम्यू काचु गॉजथस व्वला हाल वुछ म्योन्युये



मान कुस करि अजलु लॉनिस पान म्योन गछि तोलोनुये  
 मे ना ज़ोनुय म्वल छु वालान अजलु लोनुये  
 लँजमा फुलया दरशन बागस मे हा गोछ दरशुन चोनुये  
 अरशस तु फरशस मंज छु ख्वदा बसुवोनुये  
 लुयन चान्यन रोज़य बरतल तँत्यथुय त्रावय डुलुगोनुये  
 मे हा ग्रँज ह्यतमो बोय हा करथ च्वंजु नोनुये

## 6) रॉबलिस क्या वुछि

यी मे वुछाम ती छुम दिलस  
 रॉबलिस क्या वुछि बुये  
 ग्वफि पननि चायोस चिलम छेपि ह्यपरे मे ग्युंदमये  
 ग्वफ छे गॉमुच मील्लिथ कुलस  
 रॉबलिस क्या वुछि बुये  
 करतु नज़र गंडस तु गुलस वुछतु दूरयर मा छुस म्वये  
 सु छुव्यर लोग बुलबुलस  
 रॉबलिस क्या वुछि बुये  
 जीरोबम छुय डोलमुत वोसूलस सिर बु अनय कस बावये  
 वोसूल क्या करि गॉर ओसूलस  
 रॉबलिस क्या वुछि बुये  
 पीरु म्वखु वाचोस असलस सीर बोवनम म्वये म्वये  
 दूर स्वछु क़ाल व्वन्य कोर पिलस  
 रॉबलिस क्या वुछि बुये

हमा ओस = हमा ओस्त = सुय छु सोरुय, हबा = हे!, फॉन्य = फानी, नश्वर, शवा  
 = राथाह, सबा = पगाह, मरहबा = शाबाश, मरतबा = पदवी, न्वकतुगीरी = नोज़की,  
 डिटेलन सनुन, तिफलगिये = शुरिल, चारसूये = च्ववा तरफ़, लाशरीक = कुन तु  
 कीवल, अमि गॅछिथ = अमि ख्वतु ति, अमि ब्रोंठ कुन, नाव दर आब = पॉनिस मंज  
 नाव, ऑन तु गॉन = थिम छि अरबी (फारसी, उर्दू ति) अछर यिम हिबी आसान छि,  
 महरम = जॉन्यकार, मारुमोत = मोहबथ, कानु = कार्तिक च, टीबी व्यमारि लद हिश,  
 च्वंज = दाय, रॉबुल = स्वंदर, बुये = बु, छुव्यर = मँस्ती वसूल = अख साज़।



કૌશિરિસ મંજ તિ છે બાકય જબાનન હુંદય પૌંત્ય જેછન નજમન યા મહાકાવ્યન હુંજ પરંપરા રૂઝમુચ। 15 હુમિ સંદિયિ મંજ લીછ ગ્વડનિચ જીઠ કવિતા અવતાર મટ્ટન-‘બાળાસુરવધ કથા’। તમિ પતુ લેછિ ફારસી અસરસ તલ શૌયિરવ મસનંવિયિ। મેંસનવિયિ આયિ 70-80 વૅરિય બ્રૉંટ તામ બરાબર લેખનુ। 17 હિમિ સંદિયિ મંજ ચલેયિ પુરાનુ કથાયન પ્યટ મન્ની જેછન કવિતાયન યા મહાકાવ્યન હુંજ બ્યાચ પરંપરા યેમ્યુક દસ સહિબ કૌલ સુંદય ‘જન્મુ ચર્યથ’ સુત્ય વોથ। મગર યિછન સારિનુય કવિતાયન મંજ છુ પ્રકાશ રામ કુર્યગોમ્ય સુંદ ‘રામાવતાર ચર્યથ’ સરસ। કુલ આયિ 9 ‘રામાયન’ કૌશિરિસ મંજ લેખનુ, મગર ‘પ્રકાશ રામાયન’ – નસ વોત નુ લુકુટાછુરુ કિન્ય યા સેંહલ કથાત્મકતાયિ કિન્ય કાંહ। ‘વાચ’ કરિ યિમન સારિનુય મહા કાવ્યન હુંદય મુખ્ય અંશ સિલસિલુવાર પેશ। – (મૂલુ જબોંન્ય તુ સ્ટાઇલસ મંજ)

વાચ-1 તુ વાચ-2 હસ મંજ રામાયનુકય યિમ અંશ ત્વહિ પેરિવુ તિમન મંજ ઓસ રામવૅંદરુન તુ તસુંદન બાયન હુંદિ જ્યનુક વ્રતાંત, અયોધ્યા વૅસિયન હુંજ લીલા કૅરિથ રામ જિયિ સુંજ ત્વતા કરુન્ય, મારીચ રાચ્યુસ મારનુ ચૌંતરુ રામ તુ લક્ષ્મણ સુંદ વિશ્વામિત્ર રેશિસ સુત્ય ગછુન, અહિલ્યાયિ હુંદ ઉદાર, સીતાયિ હુંદ પૌંદુ ગછુન તુ રામ લક્ષ્મણ સુંદ જનકપુરી ગછુનુક અહવાલ દિન આમુત। વ્વન્ય છે કથા બ્રૉંટ કુન પકાન। કથાયિ હુંદ સિલસિલુ છુ અસિ બરકરાર થોવમુત, યોદ જન મંજ કુનિ કુનિ જાયિ જેછુ (યુસ બચૌંવિથ હ્યકવ) નિશિ બચનુ ચૌંતર કાંહ કાંહ શાર ત્રોવમુત છુ। કથાયિ અલાતુ છે અથ ગ્રંથસ મંજ વારિયાહ લીલાયિ યિમુ લયિ તુ સંગીતુ બૅરિથ છે।

## ચાંદુરકિ વક્તુ ગ્યવુન

વનુવનુ મંજુ રુચ વાસના દ્રાયે  
ઓમ શબ્દુ સુત્યન શોક્લમ કૅરિથ  
લોલુ સુત્ય સરસ્વતી બેયિ વેજ્યાયે

શામુ રુપુ રામ ગલ્હિ સીતાયે  
વનુવુન હ્યોતનય માજિ ભવાને  
શામુ રુપુ રામ ગલ્હિ સીતાયે



वेजया सोंबरिथ दीवियि आये  
 श्वबु फल दितुनय माजि रॉगिन्याये  
 छॉविथ हिय पोश माजि शेवाये  
 सामानु गौंडनय माजि शरिकाये  
 लॅखिमी सुत्य सुत्य र्वप भवाने  
 वाल चालु गंजनस माजि कालिकाये  
 शीतला तु तुतला रामुनि माये  
 स्वनु जामु गौंडिनय कोशलयाये  
 गायत्रेय तु सायत्रेय त्रिसंघाये  
 पवनु स्यंदु लॅदरु स्यंदु बरगु शाखाये  
 वशिष्ट तु ब्रह्मा वीद परान द्राये  
 नमस्कार बॅविनय करमु लीखाये  
 प्रकाश चोनुय ह्युय प्रथ जाये  
 दीवी तु दिवताह शरने आये

पिंगला तु मंगला शारदा ह्यथ  
 शामु रुपु राम गछि सीताये  
 वोतरॅस्य व्वमायि करने बाव ?  
 शामु रुपु राम गछि सीताये  
 स्वनु मालु चखुमालु छनिनस नॉल्य  
 शामु रुपु राम गछि सीताये  
 इयकस प्यठ चॅदरमु प्रजलान ह्युस  
 शामु रुपु राम गछि सीताये  
 जलन गामु नारु मंजु रॅट नय जाय  
 शामु रुपु राम गछि सीताये  
 ब्रह्मादि वैशुन तु ईशर द्राव  
 शामु रुपु राम गछि सीताये  
 गटु चॅज असि चानि दर्शनु सुत्य  
 शामु रुपु राम गछि सीताये

राजु दशरथ वशिष्ट बैयि विश्वामेनुन  
 जनकपोर कुन बराथ ह्यथ गछुन

गौंडुख सामानु सोरुय राजु पोतरन  
 सपुन ख्वश राजु डींशिथ राजु पोतरन  
 बॅरिथ सामानु अजु जरबाफ तु अँतलास  
 स्यठाह नॉल्य म्वखु मालय सास बॅद्य सास  
 कॅरुख शॉदी अराबन गॅयि सवारा  
 रथन हस्त्यन प्यठन वोयुख नगारा  
 तयॉरी कॅरुख सॉरी द्रायि शादान  
 तिमन मंजु रामुजुव ज़न सिरियि ताबान  
 तबुल वोयुख सपुन यॅच शॉदियाना  
 ज़नख राजुन गरु साँपुन्य रवाना  
 सॅमिथ तिम अस्त अस्तय द्रायि ख्वशदिल  
 पकुनि लॅग्य रसु रसु मँज़िल बु मँज़िल



दपान तिम राजु ज़नकुन फरुश मखमल

व्वथुरमुत लोलु बागस हिय तु मसवल

वुछिथ सामानु आशचरकार साँपुन्य

वुछिथ तिम राजु लूक यँच शाद साँपुन्य

तिमन वुछ वुछ स्यठाह गव शाद राज़ा

वुछिथ महाराज़ु यँच गव राज़ ताज़ा

स्यठाह गव नगर ख्वश शाँदी तिमव डीठ

कँरिथ तिम दरुम दान लँगनस प्यठन बीट्य

राज़ु रामचंदर जी सुंद जानकी जियस

सुत्य खांदर सपदुन तु ग्यवुन

शेरस लागय पोश लवुहँतिये

शोक्लम कँरिथ ओम शब्दु सतिये

व्वलुभा वँरनख महागणपँतिये

विज़या सुत्य छय बैयि सरस्वतिये

शेवुनाथ वरने आव पारवँतिये

जमना शारदा छय सुत्य सतिये

भूतीश्वर वरनि आव रँगिन्या भवाने

ज़ाला लंबूदर बैयि गणपँतिये

बालुहामि बालुकायि वनुवुन ह्योतुये

त्रिसंध्या पवनु स्यंदु लँदरु स्यंदु सतिये

वशिष्ट महा र्योश छुय सनिदान सँतिये

कृष्ण जुवन अवतार दोरुन येतिये

नंदु गोर्गुन गरु आमुत ह्यु येतिये

वेश्वाम्यँतरन म्युल कँरिथ द्युतनय

भरतराज़ु वरने आव बगुवँतिये

त्रिकूटी दिवता सुत्य सुत्य सतिये

त्रिकारन त्र्यभवन सुत्य ह्यथ सँतिये

सँतिये वोतुय वेवाह काल

वीदु शास्तुर द्रायि रुत्य रुत्य गन

सँतिये वोतुय वेवाह काल

वनवनु मंज़ श्वब वासना द्राय

सँतिये वोतुय वेवाह काल

नमुना पादन गंडुहय स्वन

सँतिये वोतुय वेवाह काल

करहन पोंपुर क्वंगु पोशि डूर्य

सँतिये वोतुय वेवाह काल

अग्यानु त्रॉविथ ब्योन ब्योन नाव

सँतिये वोतुय वेवाह काल

राधा वरने मंज़ दारिका

सँतिये वोतुय वेवाह काल

राज़ दशरथ गरु हय आव

सँतिये वोतुय वेवाह काल

लॉनिस चॉनिस जय जय कार

सँतिये वोतुय वेवाह काल



दीवि छे करान पोशन फोटिये  
 शेक्स पोश लागय बज्जुल्य नील्य छँतिये  
 लँखिमी तु हॉरी आयि परबँतिये  
 चँकरीश्वर वरने आयि बगवँतिये  
 दखिनायि येलि वेलु वोतुय सँतिये  
 पखिदार ब्रह्मनव नियि मुहरु फँतिये

राजु क्वमारि करि पोशि पूजा  
 सँतिये वोतुय वेवाह काल  
 आश्टादशि बोज साल करान  
 सँतिये वोतुय वेवाह काल  
 वशिष्ट महार्योश थाल हयथ द्राव  
 सँतिये वोतुय वेवाह काल

### बाकय कुसु

वेशामैतरन लँगुन वोन राजु जनकस  
 अँनिख सीता तु पुशिरुख रामचँदरस  
 रँनिख बूजन अँनिख सॉरी कबीलस  
 कोरुख वेवाह तिमन रूदुख नु हीलय  
 ज़नक राजस पनुन्य अख ऑस क्वमॉरी  
 स्व पुशरुन लँखिमनस ख्वश गँयस सॉरी  
 जु आसस बावजु पुशर्यन तिमन दूवन  
 भरथ बेयि ओस मॉलिस सुत्य शोतुरखन  
 कँरुख तीज़ी तु ख्वश सपुन सु दशरथ  
 कोरुन खांदर तु गरु गव चोर न्वशि ह्यथ  
 कँरुख शॉदी अराबन गँयि सवारा  
 ज़नख राजुन गरु सॉपिन खाना  
 सु दशरथ लीन गव पनुनिस हरस कुन  
 पकन गव लोलु सुत्य पननिस गरस कुन  
 गरुम बाज़ार सॉपुन दरुम का राज  
 मनुश गँयि ख्वश कांह छुनु काँसि मोहताज  
 पकान गव वोत तोत येलि बा खुगाम  
 कमान फुटरुन दोपुन तस कर नु आराम  
 दोपुन तस गछ नु पानस बु खँटिथ रोज  
 नयाबथ बाँच व्वन्य असि प्यठ पोजुय बोज



यिवान दरशुन बुछिनि सॉरी गँडिथ गुल्य  
 कडान आलुच जिगर गोशस पनुन दिल  
 वननि लोग शक्ति बौड दय व्याद कॉसिन  
 नॅविस राजस मुबारकबाद ऑसिन  
 मुचरॉविख गंज पुशरॉविख गॅरीबन  
 स्वनस तल गरुक साँपिन सॉर्य ब्रह्मन  
 जमा सॉरी सपुन्य अरकानि दोलथ  
 तिमव कॅर सारिवुय राजस सुतिन कथ  
 दोपुख नगरस सॅमिथ खिरु खंड ख्यावव  
 नॅविस राजस पलंगस बेहनावव  
 मुकरर गव पगाह सुबहन प्रबातन  
 सॅमिथ यिन रामचँदरस ताज पुशरन।

राजु दशरथुन रामचँदरुनि खॉतरु ताजोतखुत तजवीज करुन  
 बेयि रानी कैकेई हँदि वजहू रामचँदरुन बनबास सपदुन

ब्रह्मस्पथ सिरियि येलि गोस गंदरस  
 महाराजा, नरायण छुख चु ज़ामुत  
 हरु हरु लॅग्य स्वरने  
 मुहू रौस मनस क्याह सनु सने  
 अम्रेथ त्रॉविथ वेह लोग सु खेने  
 समयस वॉतिथ पख चु वुने  
 सोंथ सूरिथ हरदु आख नटने  
 शमिथ पानय असे वने  
 गटु दूर गॅछिथ प्रकाश गने

दपान नारद रेशी वोन राम चँदरस  
 खबर छयना चु क्या छुख करनि आमुत  
 असार ज्ञान ज़न ब्रम समसार  
 बेगानु गँज्रिथ पननी यार  
 असार ज्ञान ज़न ब्रम समसार  
 अफसूस ख्यख अदु तेलि क्याह तार  
 असार ज्ञान ज़न ब्रम समसार  
 गाश डींशिथ चलि अंदुकार  
 असार ज्ञान ज़न ब्रम समसार



‘वाख’ किस प्रथ अंकस मंज दिमव अँस्य यथ कालमस मंज सानि  
कुनि अदबी/कल्यरल संस्थापि हंजि कारकरदगी मुतलक अख  
रपोट। यथ अंकस मंज छु पेश जेमिचि नुमायंदु तनजीमि ‘संजीवनी  
शारदा केंद्र’-स मुतलक अख म्खसर रपोट।

संजीवनी शारदा केंद्र : सांस्कृतिक तु समौजी सरगरमियन हुंद केंद्र

—डॉ. भूषणलाल कौल

शारदा बूमि हंज सांस्कृतिक, मजहबी, फलसफी तु समौजी सम्पदायि  
रछरिथ पोछर दिनु खौतरु सँपुज 2 सितम्बर 1995 ई. जेमि शारदा आठुम  
प्यठ ‘संजीवनी शारदा केंद्र’ नावु अकि संस्थापि हंज स्थापना।

केचन बुजुर्ग आँलिमन हंजि रहनुमाँयी मंज सपुद नवजवानन हुंद  
अख वरुग मुतहिद तु बेलोस जनसेवायि हुंद खौतरु गौयि यकजा। मकसद  
ओस युतुय कि अकि लटि गोछ बैयि कल्हण पँडितुन आँलिमानु बजर  
बारसस युन।

उत्पल देव (नँविम सदी), रुद्रट (नँविम सदी), आनन्दवर्धन (नँविम  
सदी), अभिनवगुप्त (दँहिम सदी), मम्मट (कँहिम सदी), क्षेमेन्द्र (कँहिम  
सदी), बिल्हण (बँहिम सदी), जोन राज भट्ट (चौदाँहिम सदी) तु जगद्धर  
भट्ट (चौदाँहिम सदी) हिव्य महा प्वरश तु ग्याँनी गँछ्य जिंदु सपडुन्य तु  
ललेश्वरी हुंद ग्यानु सौदुर मँदिथ गँछ असि यि गटिल वथ गाशु रावनु  
यिनु। वखतुक जहर हटि वालनुच गँछ सकत पौंदु सपडुन्य। जिंदगी जुवनुच  
गँछ नँव प्रेरणा मेलुन्य। स्व प्रेरथ छि येमि अडमारि समाजु खौतरु संजीवनी  
योसु माता शारदायि हुंद्य शूबिदार लख्यन प्रौविथ ‘संजीवनी शारदा केन्द्र’  
नावुच इफाँदियत स्यद छि करान।

केन्द्र बा मकसद तरीकस प्यठ चलावनु खौतरु आव अख ट्रस्ट  
बनावनु। अमि केन्द्रक्य मुदा व मकसद आयि अँकिस मुसवदस मंज



व्यङ्गनावनु तु कोर्टस मंज आव यि  
रजस्टर करनु तु अथ आयि कोनूनी  
शकुल दिनु।

संजीवनी शारदा केंद्रक्य केंद्र  
अहम बुनियादी मकसद छि यिथु  
पौढ्य :

1. शारदा भूमि हंजि सांस्कृतिक  
विरासुच गॅल, समाजस मंज  
तमिच ज्ञानकॉरी बडावुन्य तु  
लुकुमोत अथ सुत्य वाबस्तु करुन।
2. मुखतलिफ समाज सेवा प्रोग्रामन  
ग्वड हयोन तु यिक्वटु रॅलिथ  
मजहबी तु समोजी व्वत्सव  
मनावनुक संज करुन। यकजा  
बालकन योनि पन त्रावनुक संज  
करुन। जवान लॅडकन तु कोर्यन  
हंदि खॉतरु कारकसब हेछि  
नावनुक ट्रेनिंग सेंटर तु मरकज  
कॉयिम करुन्य।
3. बिजली-रेडियो-टी.वी ट्रेनिंग  
सेंटर शोरू करुन्य येति अँकिस  
वॅरियस यियि बचन तरबियत दिनु  
युथ तिम वॅरी पूरु सपदिथ पनुन  
कॉमकार हयन शोरू करुन तु  
रोजगार कमावुन। 'शारदा कम्प्यटर  
ट्रेनिंग सेंटर' कॉयिम करुन।
4. कॉशिरिस सांस्कृतिक वरसस प्यठ  
तहकीकी कॉम शुरू करुन्य, खास  
कॉरिथ दर्म, फलसफु, प्रोन  
तवॉरीख, पोयटिक्स, रस्मि खत,  
अदब तु आर्टस मुतॅलक ज़्यादु  
खोतु ज़्यादु ज्ञानकॉरी यकजा

कॉरिथ लुकन ताम वातुनावुन्य।

5. शारदा तहकीकी लाइब्रेरी कॉयिम  
करुन्य।
6. ऑलिमन हंद्यन त्यकचरन हंद  
संज करुन तु बहसोमुबाहिसचि  
महफिल, सेमिनार, दर्म सबायि  
तु कवि सम्मेलन करुन्य।
7. समोजी बिदतन खलाफ आवाज  
तुलुन्य तु लुकन मंज बेदॉरी  
पौढु करुन्य।
8. तवॉरीख किस मलबस तल हयन  
आमत्यन कॉशर्यन महा प्वरशन  
हंजि जिन्दगी शखसियॅच तु  
कारनामन हंज ज्ञान लुकन ताम  
वातुनावुन्य।

(अथ सिलसिलस मंज कॉर  
केन्द्रन श्री भट्टस प्यठ ज्ञानकॉरी  
हॉसिल तु अमि ज्ञानकॉरी हंद परचु  
वातनोवुख लुकन ताम।

शारदा मंदरस प्यठ छोपुख  
अख किताबचि तु 'शिवरात्रि' प्यठ  
छोपुखा ब्याखा किताबचि।  
ललितादित्यस प्यठ छु ज्ञानकॉरी हंद  
परचि जल्दुय छपन वोला।)



स्यठाह मेहनत कॉरिथ तु  
म्वछिफोल सौबरिथ आव आनन्द नगर  
बोड़ी 'शारदा बवनुक' तॉमीर शुरू  
करनु तु यि कॉम वॉच अक्तूबर  
2001 ई. मंज अंद येलि अख  
शानदार लुकु जलसु कॉरिथ यि बवन  
आव जन सेवायि खॉतरु यलु त्रावनु।



बवनस ब्रोंह कनि आव 'शरदा कम्प्यूटर शिक्षा संस्थानु' खांतरु कम्प्यूटर लैब, कलास रूम तु अमिकि दफतरु खांतरु मज़ीद अख कमरु तौमीर करनु। कम्प्यूटर सेंटर सपुद चालू जनवरी 2000 ई. मंज़ येलि ग्वडनिकिस बैचस मंज़ च्वदहन कोर्यन तु लॅडकन आव वन र्यतन हुंद कोर्स करनु खांतरु दौखलु दिनु। अज़तान्य कॅर सेंटरन 200 प्यठी लॅडकु तु कोरि बुनियादी कोर्स पूरु करनाविथ कम्प्यूटर ज्ञानकारी सुत्य मुनव्वर। कम्प्यूटर लैबि मंज़ छि अज़ ऑठ कम्प्यूटर लॅगिथ तु सेंटर छु इंटरन्यटस सुत्य जोडनु आमुत।



अकि रजस्टॉड ट्रस्टुचि निगर्शनी मंज़ छु संजीवनी शारदा केन्द्र मनसूबु बंद तॅरीकस प्यठ ब्रोंह पकान। मुखतलिक प्रोग्राम व्वत्सव, जलस मनावनु खांतरु छि कॅह सब—कॅमीटीयि यिथु पौढ्य तशकील दिन आमुत्तु:

- 1) तकनीकी ट्रेनिंग खांतरु सबकॅमीटी।
- 2) समाज सुदार तु संस्कार सब कॅमीटी।
- 3) महोत्सव सबकॅमीटी।
- 4) तहकीक तु लायब्रेरी सबकॅमीटी।
- 5) कम्प्यूटर ट्रेनिंग सबकॅमीटी।
- 6) सोमिनार तु मुबाहसन हुंद संज़ करन वाजेन्य सबकॅमीटी।

7) तौमीर तु केन्द्र बापथ दान सौबगवन वाजेन्य सबकॅमीटी।

सन् 1995 प्यठ अज़ताम क्या प्रोव संजीवनी शारदा केन्द्रन, तम्युक छोट तफसील छु यिथु कॅन्य:

- 1) 21 नवम्बर सन् 1996 ई. दोह दिचिख जॅमिस मंज़ 21 बालकन मेखल यिकुवटु वैदिक रीच मुताबिक।
- 2) 01 अप्रैल सन् 1996 ई. कोरुख 'बिजली रेडियो टेलीविजन' ट्रेनिंग सेंटर चालू यथ मंज़ अॅकिस वॅरियस लॅडकु बिजली, रेडियो तु टेलीविजन सम्बालनच कॉम हेछान छि।
- 3) 01 मई सन् 1998 ई. दोह दिचिख 35 बालकन मेखल यिकुवटु वैदिक रीति मुताबिक।
- 4) 01 जून सन् 1998 ई. सपुद शारदा कोचिंग सेंटर चालू।
- 5) 30 अगस्त सन् 1998 ई. शारदा लिपि हेछनावनु खांतरु कलास शुरू।
- 6) 05 मार्च 2000 ई. द्वह आव समाजक्यन द्वन महानुबावन 'शारदा पुरस्कार' दिनु। तनु प्यठ छु अज़ताम हर वरियि यि पुरस्कार द्वन द्वन महानुबावन दिनु यिवान।
- 7) 9 जून सन् 2000 ई. सपुद संजीवनी केंद्र तरफु तुलमुलु श्रीनगर त्रेन दोहन हुंद लूकु सेवा



कम्प शुरू युस व्वन्य हर वरिगि  
जेठु ऑठम प्यठ लगान छु।

8) 6 सितम्बर 2000 ई. दोह सपुद  
शारदा लिपी प्यठ अकि दुहुक  
सेमिनार।

9) 14 सितम्बर सन् 2000 ई. 'शारदा  
पुस्तकालय' आव लूकन हुंदि  
खॉतरु यलु व्रावनु।

10) 14 सितम्बर सन् 2002 ई.  
'शारदा कम्प्यूटर सेंटर' आव इंटर  
न्यटस सुत्य जोडन। पता छु  
shardakendra31@  
rediffmail.com

11) 3 सितम्बर 2003 ई. द्वह सपुद  
वार्षिक शारदा महायॅग्य शारदा  
ऑठम द्वह तु 'शारदा-पुरस्कार'  
आयि प्रदान करनु।

12) 07 फरवरी 2004 ई. आव  
शारदा संस्कृतिक ग्यान  
प्रतियोगितायि हुंद इमतिहान ह्यनु।  
508 स्कूली बचव कॅर अथ मंज  
शरकत।

13) 15 फरवरी सन् 2004 ई. सपुज  
शिवरात्री महोत्सवस प्यठ  
'शिवरात्रि' किताब हुंज रस्मि  
रूनमॉई।

a) शारदा व्यब सायट आयि  
शंकराचार्य श्री अमृतानन्द देवतीर्थ  
महाराज सुंदि दॅस्य चालू करनु  
पता छु [www.sharda.khasmir.org](http://www.sharda.khasmir.org)

b) अमी द्वह सपुज लूकन  
हुंदि अखबार तु किताबु परनु  
खॉतरु व्राचनालयिच शुरूआत।

c) 'मोहिनी ग्यानार्जन  
पुरस्कार' (Rs.5000) दिनुक  
एलान सपुद।

d) अमी द्वह रोट संजीवनी  
शारदा केंद्रक्य नॅव्य प्रदानन पनुन  
ओहद।

14) 22 सितम्बर 2004 ई. सपुद  
शारदा अष्टमी यॅग्य तु शारदा  
पुरस्कार आव दिनु। महान संस्कृत  
पंडित तु शारदा लिवी हंद्य  
ज्ञान्यकार मॉहिर पंडित दीना नाथ  
यक्ष साँब आयि पानु शारदा  
पुरस्कार रटुनि, सबायि मंज रूद्य  
मूजुद तु सपॅद्य स्यठाह ख्वश। 5  
अक्टूबर 2004 ई. सपुद युहुंद  
अचानक स्वर्गवास)

संजीवनी शारदा केंद्र छु हर  
वॅरिगि यिकुवटु रॅलिथ चेतना पर्वकिस  
रुपस मंज हेरुच (शिवरात्रि) हुंद  
बोडदोह मनावान तु सासु बॅद्य लूख  
छि अथ मंज शरकत करान। साँन्य  
कार्यकर्ता छि गरु गरु 'स्मारक पत्र'  
हयथ वातान तु लूकन सामूहिक शिव  
रात्रि हुंदिस व्वत्सवस मंज शरकत  
करनुच दावत दिवान। शारदायि हुंजि  
यात्रायि प्यठ गछनु खॉतरु ति छु  
संजीवनी शारदा केंद्र प्रयास करान।



કવિયસ (શૌયિરસ) મુતલક છુ સશ્ચૂર સંસ્કૃત શ્લોક

અપારે કાવ્ય સંસારે કવિ: રવ પ્રજાપતિ...

યાને જિ શૌયરિયિ હુંદ દુનિયાહ છુ બેઆંથ તુ અમ્યુક સ્પેશ્ટા છુ શૌયિર। યિ સંસાર છુ શૌયિરસ પનુન્યન તજરુબન તુ અનુબવન હુંદ સંસાર મગર અથ તિ છિ પનુન્ય કેંહ નિયમ તુ કૌયિદુ। અમિ નિશિ તિ છે પરનવાલ્યન તુ આલોચકન કેંહ વ્યમેદુ આસાન।

પૅત્યમ્યન પંદાહન વૅરિયન હુંજિ કૌશિરિ શૌયરિયિ પ્યઠ યેલિ નજર પ્યવાન છે, અતિ છિ અસિ વારિયાહ નૅવ્ય ક્યો પ્રૌન્ય શૌયિર લગાતાર પનુનિ બૅચ્તી શાયિરિયિ કુન તિ સોન તવજુહ નિવાન। જન તુ કૅશીરિ નીરિથ બૅચ્તી કવિતાયિ નોવ જનુમ પ્રોવ। લીલા બનેયિ કૅચન કવિયન બાવૅચ હુંદ નોવ વૅસીલુ તુ વુછાન વુછાન ગવ લીલાયન હુંદ અચ નોવ બંધારા તયાર। બાસાન છુ યિ લીલા સંસાર છુ બડાન તુ શૌયિરન યિ સ્વશ છુ કરાન તિ છિ લીલા વૅનિથ જૌહિર કરાન। મગર યિમવ મંજ છુ ચાલુય કાંહ નૅવ કલ્પના યા નૅવ શબ્દ રચના ઇસ્તિમાલ કરાન બાસાન।

અથ નૅહજિ પ્યઠ આયિ મુખ્તલિફ રાયિ જૌહિર કરનુ। સ્વાસકર જોમિસ મંજ સપદન વાલ્યન વારિયાહન સેમિનારન તુ બુક-રિલીજ-ફંક્શનન અંદર વૅથ્ય યિમ સવાલ બારબાર જિ કૅચન બેવતન શૌયિરન ક્યાજિ સના પ્યવ બાવૅચ ચૌતરુ બચ્તીબાવ દુબારુ જિંદુ કરુન તુ સુય મુહાવરુ, સ્વય જબાન બેયિ ઇસ્તિમાલ કરુન્ય ય્વસુ હથ શથ વૅરી બ્રૌંટ બરજસ્તુ યિથ પનુન્ય બેહતરીન ફુલય તુ ફલ દિથ વ્યન્ય છુવકેમુચ ઑસ। યિ બહસ છુ વુનિ ચલાન તુ ઑસ્ય છિ પનુન્યન પરન વાલ્યન વ્યનતી કરાન જિ તિમ લીચિન અસિ પનુન્ય પનુન્ય રાય।

બૅચ્તી શૌયિરિયિ છિ વુન્યક્યન તિ પ્રૌની પૌંત્ય મુખ્તલિફ રૂપ। અથ મંજ છુ રહસ્પવાદ, સમર્પન તુ લોલ તિ ઑરચર તુ આત્મદયા તિ। પરન વાલ્યન હુંદિ સહૂલિયત ચૌતરુ છિ ઑસ્ય ઑંજિચિ ચોર બચ્તી કવિતાયિ પેશ કરાન યિમુ ચોર પ્રવ્રતિયિ (નૅહજિ) હાવાન છે। યિમનુય આદાર મૌનિથ અગરય



तोहय पनुन्य राय सूजिव अँस्य करव स्व 'वाख-क्यन' अंकन मंज ज़रूर  
शॉमिल तु पाजिटिव बहसस तुलव दस। तुहुँदि खॉतर छि अँस्य अलग अलग  
लीलायन सुत्य सहायक नोट ति दिवान यिम म्वालांकवन करनस मंज मदद  
दिथ ह्यकन।

## चोर बँखती कवितायि

### 1) कलमकार तु शिव दरबार : मोहनलाल आश

आव भैरवनाथ तय बेयि मॉज हेरथ आयि सोन  
सद मुबारख कॉशिर्यव ग्वनमाथ यारव दिलबरव  
तीज़ु सौस तोहय शारिका चक्रुक बुछिव सॉरी बहार  
कॉलासु कोहु क्यव बीज़ु अखिरव राजि ज़ादव आफरीन!

त्वहि ज़गथ वुछान छुवु लोलु सान  
शारदा तय भँद्रकॉली रॉगिन्या  
स्वय ज़गथ अंबा तु द्वरगा शारिका  
रायि कँर्यनव राज राजुत पूशिनव

अँस्य करान पूज़ा वटक नाथस वनान ज़ार  
व्वन्य चॅलिन असि ज़न्मु ज़न्मुच लारु लार  
असि अमरनाथस छि हावुन्य नारु तँत्य  
स्यंदुवानि दार नॉविथ माजि अर्पन पोशि फँत्य!

अँस्य छि त्रॉविथ योर आमुत्य शारदा पीठुक सरूर  
मॉज ज़ाला हारि पब्रथ ज़ेठु ऑठम याद छिय  
प्यँड पुरन य्वद असि नियख अँस्य तोति अज़ इस्तादु छिय  
नास्ति पूर्यन सानि प्वस्तक य्वद कुन्यख अँस्य तोति अज़ लेखान छिय



असि ह्यु अमरीश्वर दिलस मंज पूज शंकराचार्य सुय  
अस्य करान तुलमुलि प्रक्रमा अज ति शोडश दार सुय  
असि थवन्य यिम नारुतंत्य जॅर्य जॅर्य तवॉरीखस अंदर  
अख नोवुय तहरीर अज ह्यु असि पांचाल सुय!

व्वन्य नसॉ गछि बेयि काहन हंज गाव गवन्य दोस्तव  
म्वठ कुनी कलमस बजर तहरीरनुय जॅर्यतव फुलय  
टोठ भैरवनाथ व्वन्य फौलुरावि नवि लोलुक बहार  
सद मुबारक कॉशिश्यव ग्वनमाथ यारव मरहबा!

नोट : यि नज़ुम थवोन लीलायि हंदिस जुमरस मंज अवु किन्य, तिक्याजि  
यथ मंज ह्यु शॉयिर ऑशिरवाद दिवान दिवान दरअसल बगवानस ऑशिरवाद  
हयवान जि 'टोठ भैरवनाथ' हॉविन असि बहार युथ सॉनिस (लेखनवात्यन  
हंदिस) कलमस नॅव जिंदगी यियि। सुती ह्यु यथ मंज बॅख्ती हंदान मरकज़न  
(सु हारिपबंथ ऑसिन या ज़ाला रॉगिन्या) हंदिस रॉविस तल गछनस प्यठ  
व्यदाख दिनुक वादु याद पावान। यिम व्यदाख छि तसुंदि गवन तैलिच  
दास्तान बोज़नावान। तस ह्यु यि ति द्वख जि शॉयिरन हंद कलामु गव  
बैकदरी हंदिस सॅहलाबस यीरु। यिमु सारेय कथ व्यपागवनु किन्य छे यि  
नज़ुम पननि वक्तुच आवाज़ बननुच कूशिशा ति करान, य्वद ज़न अम्युक  
ग्वड तु व्वथवाशेर लीलायि हंद हयू ह्यु।

## 2) मॉज छना : प्रेमनाथ शाद

रछि, ममता हावि, मॉज छना  
रॉगिन्यायि तनमन अरपन कोर  
बालु पॅत्य आरु कॅत्य नारान छिस  
बुथि आव संकठ, वतु गॅयि गीर  
छॅकरनु आमुत्य छि तरफातन  
तस निश वातव ओश हागन

वछि अमर्यथ चावि, मॉज छना  
संतान गँज़रावि, मॉज छना  
आलवन कन थावि, मॉज छना  
गुथि गंड मुचरावि, मॉज छना  
छांडि तु सॉबरावि, मॉज छना  
असुनावि गिंदुनावि, मॉज छना



गरि छिस द्रामुत्य करि कल्यान  
गटि मंज स्वय करि म्वकलन पाय  
अँदरून हावोस सीनु खँनिथ  
येलि ज़ांह बुथ फिरि अँस्य रेशोस  
अंताह करनन मंज रोछ बाव  
'शाद' अतुर नय आसि गोमुत

परु मा ज़ांह पासि, माँज छना  
तफ तीज़ दर शावि, माँज छना  
जुख्मन बँलरावि, माँज छना  
अथु डालि मनुनावि, माँज छना  
व्यतुरावि प्यतुरावि, माँज छना  
बखशि तु गनसावि, माँज छना

नोट: यि लीला छनु माजि बगवतियि कुन ज़ार आरॉजी, य्वदवय ज़न येम्युक मकसद ती छु। बँल्कि अति छु शॉयर सुंद पनुन दोद सँहल तु आमफहम दँपित्यन मंज प्रकट आमुत करनु। खूबी छे यी जि सँहल तु विशसनीय तर्क (मनत्यक) छु लुकुबॉतुक ह्यू मेछर पॉडु करान तु लीलायि हुंद हंग रँटिथ ति छे यि कविता तमि ह्योर हुडु रटान। लीला छे शॉयिग्स अख तरजि बयान दिवान योदज़न तस वनुन छु ती यि तस पनुन गुदरून छु। जान शॉयिगियि खाँतुर छि अख पारम्परिक विदा (सिनुफ) इस्तिमाल करनु आमुच।

### 3) मनु पंपोश : प्यारे भान

नीतु नीमु पूज़ा कर ईशानस  
शमु दमु पानो वातरख सुथानस  
मोनुम राह छुम पनुनिस पानस  
पोश कति फ्वलह्न सँगिस्तानस  
मुहु मडु सूत्यन सग द्युत मे पानस  
क्रैयि हीन फेरान वानु पथ वानस  
यावुन सोर्योम पोरान पानस  
ओन ह्रुस थफ कति ह्रुनु अस्मानस  
छालि अकि तरु कति हालि माँदानस  
चीरु छम थफ कँरमुच दामानस  
नियि कुस क्याह येति काँसे चूरे  
अरपन तन मन तस यज़दानस

लाग बगवानस मनु पंपोश  
लाग बगवानस मनु पंपोश  
मंज अग्यानस वलनय आस  
लाग बगवानस मनु पंपोश  
अवु किन्य रूदुस दोहय अनज़ान  
लाग बगवानस मनु पंपोश  
बुजरस वनतम बु स्वरु कोताह  
लाग बगवानस मनु पंपोश  
गालि ना दुय बैयि हावि प्रकाश  
लाग बगवानस मनु पंपोश  
दियि यस दय तस ड्यक पूरे  
लाग बगवानस मनु पंपोश



खून पनुनुय गलि चांगे जालुन  
लथ दिथ नेरुन नफिथ शेतानस

‘प्यारि भानु!’ जालुन मनकलि नार  
लाग बगवानस मनु पंपेश

नोट: यथ लीलायि मंजु छै गिवायती बॅख्ती/रहस्यवादी शायरी हुंजु  
खॉसियथ ग्वडु प्यठु ऑखरस ताम मूजूद। लीला छै बॅख्तिम कुन संबोदित।  
मूल तलु छै यि शॉयरस पानस व्यछनय करनुक बहानु हालाकि ‘पानो!’  
वॅनिथ छुनु अम्युक बैयिस कुन मुखॉतिबी (संबोदन) लॅहजु बदलान। लीला  
छै ‘ईशानस’ समर्पित। ईशानस सुत्य छु अख अलग (शैवी) फलसफु तु  
परंपरा वॉबिस्तु। व्वंगव पोतुस तस ‘यजुदान’ वनुन तु तस लवनु खॉतर  
‘नफिस शेतानस’ सुत्य लडुन वॅनिथ छु लीलायि मंजु दुव्यतर पॉदु करान  
तु कवितायि हुंदिस ‘बॅख्ती किर्दारस’ प्यठ सवाल तुलान। यि लीला छै  
बॅख्ती, तसव्वुफ तु रहस्यवादी शब्दन हुंद मिलमिश पेश करान बासान।

#### 4) ग्वरु नाव : रौशन सराफ

खरचावु क्याह, अँत्य थाव क्याह  
नोन हावु क्याह चूरि थावु क्याह  
ग्वरु नाव न्यरमल जल वुजान  
बारानु वसान हम खम छलान  
ग्वरु बावुकुय मनि मंजु मै ताव  
ह्यथ नार शीतल वॉलिजे  
कमि चावु अथस कयथ मै छुम  
ओरय वसान बुकु लोलु व्यथ  
छुम जोश ग्वरु नावुक स्पठाह  
जुन्मांतरन हुंद तह ब तह  
ग्वरु पाद रुत करि क्याह नु बनि  
तार्यम यहोय बवसागरस  
ग्वरु सुंद स्वबाव रुत मॉर्य मॉंद  
नागुराद वुजान सँहरा फवलान  
बुति करु गथा ग्वरु रुपसुय

खजानु अति ओर छा सना?  
खाजानु अति ओर छा सना?  
श्रोचान छु अंद तय न्यबर  
शेहजार शिलस वातान छुना?  
ख्वनि मंजु छु ललवुन नारायण  
अमि लोलु ख्वतु छा टोठ कांह?  
चथ गोस मदहोश आदनय  
ग्वरु पादि अमर्यथ बुति चमा।  
अमि जोश चलिमो जन्मु प्राह  
करि चारु पापन हर दमाह।  
लॉग दोरि जौर कौल बूल्य करि  
सर नोमरु तँथ्य बो हर दमाह।  
अंग अंग शुहुल शीतल करान  
अमि नागु बुति गोल गोल चमा।  
दयवु लबु वथा कांह पजरुची



ग्वरु दारुची छम यी सथा

गेशि रोशि दज़्हॉ छुम तमाह!

नोट: ग्वरु बंदनायि हंज़ि यथ लीलायि मंज़ छि ग्वरस तिम तमाम ग्वन वननु आमुत्य तु ग्वरु कृपायि सुत्य तिम सॉरी इमकान मुमकिन वननु आमुत्य यिम पारंपरिक लीलायन मंज़ वननु आमुत्य छि। शॉयुरु सुंद पनुन अनुबव या पनुन केंह गुदरुन व्यतरुन अगरय व्यछनावनु यियि, यिथु कॅन्य मसलन त्रैयिमिस तु शैयिमिस बंदस मंज़ कूशिश सपुज़मुच छै, तेलि हेकि यि ति कुनि हदस ताम सामयिक तु सिग्नीफिकेंट बॅनिथ। शॉयिरु सुंद दोद हेकि तसुंदिस खास लॅहजस तु लफज़ वरतावस मंज़ लीलायि हुंदिस गरतस मंज़ ति माने दिथ।

अँज़िचन अक्सर लीलायन मंज़ छु तिमन बावन तु शब्दन हुंद इस्तिमाल करनु आमुत आसान यिम हतबघन वॅरियन गशनु आमुत्य छि असान तु यिमन व्वन्य कांह ति माने द्युन छु ललि हंज़ी कथि सैकिस शाठस ब्योल वॅविथ पैदावारुच व्वमेद थवुन्य।



# Books on Kashmir



## UTPAL PUBLICATIONS

2 ND FLOOR, R-22, KHANEJA COMPLEX, MAIN MARKET, SHAKARPUR DELHI - 92

BOOKS CAN BE SENT BY V.P.P. OR AFTER RECEIVING THE BANK DRAFT

TEL. : 26493456, 22464458, MOBILE : 9818447636, 9818328053

E-MAIL : utpalbooks@rediffmail.com



असि कौशिर्यन क्याजि छनु कौशुर आसनस प्यठ फखुर? अख वजह छु अथ यिजि असि छनु खबर जि क्याह आँस्य, सोन अतीत कोताह शानदार ओस, सौन्य बुजुर्ग कौत्य महान आँस्य, तिमव क्याह छु प्रोवमुत, दुनियाहस क्या छु तिमव द्युतमुत। पनुन्यन नवजवानन पननि अमि मीरासुव ज्ञान करनावनु खौतर छि सौन्य बुजुर्ग तु आदरनीय लेखक 'मजबूर' सौब यि लेखु हाँकल लेखान। अज छु अम्युक दोयिम कोर पेश। त्वमेद छे जि सौन्य परनवौल्य सोजन असि यि पॅरिथ पनुन्य प्रतिक्रिया जरूर।

अँसी आँस्य तु अँसी आसव

—अर्जुन देव मजबूर

“वाख” अपरेल 2006 किस अंकस मंजु कर असि कशीरि हुँदि तहजीबी बजरुच तु कौशिर्यन पंडितन हुँदान दित्यन हुँजु कथ शोरू। यि विशय छु स्यठाह वाहराव ह्यथ तु कैह कथु ह्यकन समयि — वँतरि हिसाबु पथ ब्रोंठ गँछिथ खास कौरिथ येलि येमि लेख—मालायि हुँद लेखक जु वरी ह्यथ बिस्तर रँटिथ आसि।

ग्वडुनिकिस लेखस मंजु वोन मे जि कौशिर्यन पंडितन (या बटन) हुँद छु कोशुर तहजीब रथि खारनस मंजु अहम हुत रूदमुत। दरूम आँसिन या दर्शुन (फिलासफी) काव्य आँसिन या इतिहास, ज्योतिश आँसिन या खगोल शास्त्र (Astronomy) मूर्तिकला आँसिन या बाकी कलायि, कथा—वर्नन आँसिन या नाटक, प्रशासन (Administration) आँसिन या नीति, प्रचार प्रसार आँसिन या न्याय (Justice) शिक्षा (Education) आँसिन या पत्रकारिता, अद्यात्म आँसिन या रेशी—करूम, कृशक कर्म (जिगथ) आँसिन या बागवौनी तु ब्याँल्य वौपुदावन्य, कमानदौगी आँसिन या फेरुन थोरुन; गरूज जिन्दुगी हुँद आसि न शायद सु कांह खेतूर यथ मंजु कौशिर्य पंडित



अग्रनी आसन नु। ज़रूरथ छि खोज करनुच, कथन सननुच ति पतु अथ प्यठ गरुव (फखुर) कॅरिथ यि सांस्कृतिक (Cultural -Hertiage) दरोहर ब्रोंह पकनावानुच।

नीलमत—पुरान छु कॅशीरि मुतलख खोज करनुक बोड खज़ानु। चोदाह शथ वुहुर यि प्रोन दस्तावेज़ छु प्रथवी हुंद ज़नुम, योगन हुंद ज़िकिर तु कॅशीरि हुंदि ज़नमुच कथ स्यठाह व्यस्ताउ सान करान। योदवय अथ मंज़ कॅह देवमालोयी कथु छि मँज्य मँज्य यिवान मगर यिमन कथन सॅनिथ छि तिम पज़र ब्रोंह कुन यिवान यिम वैग्यानिक तु ऐतिहासिक बुनियाँज़न प्यठ पूर वुतरान छि।

छुना सलाह अँस्य करव ग्वडु कॅशीरि हूदि प्रागैतिहासिक कालुच (prehistoric period) कम कास ज़िकिर। अथ दोरस मंज़ छे कॅशीर ग्वडु अकि बडि सँदुरुक हिस्सु ऑसमुच। अम्युक सबूत छि पीरपांचाल तु हिमालियाँयी पॅहाडी सिलसिलु। लछि बद्यव वॅरियव पतु छि कॅशीर अमि सँदरु निशि छूयनु गँछित अख महासर बनान यथ 'सतीसर' नाव छु। अवय छि कॅशीरि सती—देश ति वनान तु पानु सती छे दिवताहन हंज़ि प्रार्थनायि प्यठ

वितस्ता (व्यथ) रूपस मंज़ स्यमंज़ कॅशीरि सासु बद्यव वॅरियव प्यठ वसान। कॅशीरि यिमु वुडुर (करेवा) छि जिया लोजिस्टव (Geolgists) छि यिहंज़ वाँस 20 सास वॅरी मॉन्यमुच तु सरस क्याह छि वाँस ति वनुन छु हनाह मुश्किल। ललद्यद छि वनान — सति न्यंगि सगह सतीसरस — यानी सँति लटि ह्योत मे ज़नुम सती देशस मंज़। स्व छि हरमोख प्यठ कौसरनाग ताम सुम तारनुच कथ करान।

साँन्य प्रागैतिहासिक कालुक्य निशानु छि वुनि सानि कॅशीरि मंज़ मूजूद यिमन मंज़ युस सारिवुय खोतु प्रोन मुकाम छु सु गव डाडु सरस नखु ग्वफु—क्राल। ग्वफु क्राल जाय तु अम्युक तफसीली ज़िकिर छु प्रागैतिहासिक कालस मुतलख आलमी सतुहस प्यठ लेखनु आमृचन किताबन मंज़ मूजूद। 'डाडुसर' छु त्राल कस्बु प्यठ पाँछ किलोमीटर दूर। अति छु अख थोद बाल यथ अँस्य — 'बाजरि—बाल' ह्यकव वॅनिथ। अथ छि स्यख, निक्क्य निक्क्य कॅनि फल्य तु क्याह ताम मवाद रॅलिथ युस अथ सौर्यसूय वाठ छु करान। बाल छु वाराह थोद तु अति प्यठ छि तिम थँद्य कनि बाल बोज़नु



यिवान यथ अजकल लुख 'नव बंदन' बाल (नावु गँडिथ थवनुक बाल) वनान छि। अति छि बाल थजुरन नावु गंडनुक्य निशानु मूजुद।

डाइसर बालस नखु छि सथ आँठ जीदय पल, युहुंद जेछर चोरि प्यठु सतन गज्जन ताम हु। यिम छि कृहुन्य तु यिमन छि पथ कालु प्यठु 'शाहमार पल' वनान। यिहुंज वाँस छि 20 सासु वेंरी माननु आमुच। यिम छि नोव कनि कालुक्य (Neolithic) तु यिम छि पथर प्यथ। चोडोई छख करीब अख गज्ज तु थजुर ति युथय ह्यू। मे छि यिम जायि 20 वेंरी ब्रोह पानु वुछिमुच। अति यानी ग्वफु—क्राल प्यठुकनि छे भारती पुरातत्व विभागन (Archaeological Survey of India) खुदोय कॅरमुच। अकि रपोट (Report) मूजुब छि अति यिम चीज द्रामत्यः

1. दँजमुच विश्वु येमिच वाँस चोर सास वेंरी वननु आमुच छे।
2. टिकिर (यथ प्यठ वातुल खर—बानु या चपुन्य शेगन हु)।
3. जामु किलिप योसु मस्तस लागान आसुहन।
4. हाँगल—अँडयजि। अमि तल हु बासान जि अथ जमानस मंज आसुहन जंगली अलाकन

वारियाह हाँगल आसान तु लूख आसुहन हाँगल ख्यवान।

5. गाडु—कंड्यन हंघ अवजार — सुचन, लोकट श्राख और, बेतरि। बासान हु जि डाइसर आसिहे बोड सर, यथ मंज बजि गाडु आसुहन तु लूखा यिम बालु—दामनन यठ बसान आँस्य, आसुहन यिम गाडु ख्यवान तु गाडु कंड्यन (Big Bones) हंघ अवजार बनावान।
6. तन्दूर, येमि तल ननान हु जि लुख आसुहन विशक् चोचिवर्य तन्दूरस मंज तयार करिथ ख्यवान।
7. अमि विजि ति आसुहन लूख जमीन तल कमरु बनाविथ रेजान।

### ग्वफु—क्राल (Gof-Kral)

यि जाय छे —लॉर्ययार' गामु प्यठु त्रे कि.मी. तु 'डाइसर' प्यठु ज़ु कि.मी. दूर। अति छि अँक्य क्रालन ग्वफु बनावमुचं अज्ज ब्रोह वुह वेंरी छुस बु अथ ग्वफि लालटीन जॉलिथ चामुत। अथ मंज छि वारियाह कुट्य। अँकिस मंज हु चोक् दोयमिस मंज हु स्टोर यथ मंज मचन मंज दानि तोमुल तु बाकी सामानु थवनु ओस यिवान। श्वंगनु खॉतरु छि



अलग अलग कमरु। यिमु सहूलेंच अँकिस लरि मंज आसान छि तिम सारेय छे अथ ग्वफि मंज मूजूद। अवय छि अथ ग्वफु—क्राल वनान। अँम्य क्रालन हु व्वन्य ग्वफि न्यबरु कनि प्वखतु मकानु बनोवमुत तु वुनि हु क्रालु कॉम करान। शोकीन छि ओर क्रालु—ग्वफ वुछनि यिवान तु अवय छि अथ नावस मशहूर गॉमुच।



कँशीरि मंज यिम प्रानि 'आसारि कदीमी' चि सायट (Archaeological Sites) छि तिमन मंज हु बुरजु—होम स्यठाह अहम। यि जाय छि शालुमॉर तु हॉरवनस मंजस। अति छि वारियाह वॅरी ब्रॉह खुदॉय करनु आमुच। प्रति छि वाराह तेदादस मंज कनिव्य बानु द्रामुत्य। प्रानि ज़मानु छि अति बुरजु कुल्य ऑस्यमुत्य। अवय ऑस्य अथ अमि नावु सॉरी ज्ञानान। अति छि लुख (कशीरि हुँद्य आदि वॉसी) ज़मीन दोज कमरन मंज रोज़ान ऑस्यमुत्य यिमन "Pit Dwellers" ति वनान छि।

खुदायि पतु अँति यिम चीज़ द्रामुत्य छि तिमव मंजु छि कॅह चीज़ "Museum of Centre for Central Asian Studies" मंज महफूज़ करनु आमुत्य। यिमन चीज़न मंजु छि मालि

फँल्य यिम रंगदार तु चमकदार छि। अति हु अख क्रंज ति। अथ छि कलु—खापरि पॅल्य किन्य कॅह ज़ंद्य। अमि तॅलु हु ननान ज़ि अक्यू—पंवचर (Acupncture) यलाज हु अथ ज़मानस मंज चलान ओसमुत। ब्याख अख अहम कथ छि ज़ि अति ऑस्य ज़मीनस तल बॅड्य कुदय। कूनस मंज ओस चूलु आसान। म्वरु ति ऑस्य ज़मीनि तल अलग दफन करनु यिवान। म्वरु ज़ालनुक चलन छुन अथ ज़मानस मंज ओसमुत। हून ओस गरेलू जानवर। यि ओस रखनु यिवान तु रॅछ तु शिकार करनस ओस बकार यिवान। बुरजु—होम हु 2500-1200 बी. सी. (ईसाहस ब्रॉह) ओसमुत। कनिव्यन तबरन तु कनि अवज्ञारन हुंद चलन हु अथ ज़मानस मंज ओसमुत। बुर्जपश ओस अन्दर अचनुचि जायि प्यठ बनावनु यिवान।

ब्याख अहम खुदॉय छे चकदर (व्येजिब्रारि) नखु सपुज़मुच। अज़ ब्रॉह 30 वॅरी ल्यूख अथ जायि मुतलख मे अख मज़मून युस अखबारि 'खँदमत' तस मज़ छप्योव। बु समखुस आक्योलाजी डिपाटमेंट क्यन अफसरन। तिमव कोर खुदॉय करनुक फॉसलु। खुदायि दोरान गोस बु ओर त्रैयि लटि तु मे वुछ पानु



अति खुदाय सपदान। कौशीरिस तवौरीखस ओस अख खुर, युस अतिचि खुदायि सुत्य दूर गव। सु गव यि जि असि छु अँकिस राजस अशोक नाव ओसमुत। कँह तवौरीखदान आँस्य दपान जि यि छुनु "Ashoka The Great" युस हिन्दुस्तानुक महान राज ओस तु येम्य बुदमत फालावनस मंज थ्यकन्य लायख कॉम कँर। चकदर जायि हिन्दुस्तान किस राज अशोक सुंद यिम कँह सिक मील्य, तिमव तँल गँयि यि कथ साफ जि सुय अशोक सम्राट छु कँशीरि प्यठ राज करान ओसमुत।

चकरदर जायि आयि वुडर प्यठ अँकिस जायि खुदाय करनु। अति आयि यि खुदाय पाँचन तहन ताम अंद वातुनावनु।

तँलिमिस ताहस तलु द्रायि मोट्य क्रुहन्य बानु। प्येठिम्यन तहन ताम गँयि बानु तनान तु शूबिदार गल्लान। अथ जायि छि बँड कतरि बनावनु च सन्नत (Ceramic Industry) आँसमुच। पलेट (रिकाबि) छि ज़न तु स्टील हिशि पतल। अति छु बोड कतरि—अम्बार वुनि ति मूजुद, युस गवाह छु जि अति छे बँस्ती आँसमुच। चकदर सुंद कनि मन्दर छु व्वन्य म्वकल्योमुत। अम्युक अख

कनि थम तु पम्पोश (कँन्युव) छु मे 30 वँरी ब्रौह वुछमुत। चक्रधरस मंज छि अति राजु महल ति आँस्यमुत्य। तथ खोफ नाक नारस मंज युस हर्ष राजु सँदिस ज़मानस मंज व्येजि ब्रौरिस दिनु आव, आयि लूख चकदर किस बँडिस मंदरस मंज पान बचावनि।

‘चकदर’ यिम टेराकोटा (Terracota) यानी कतरि तमाशि रथ, मूर्ती, गिन्दन तमाशि बेतरि द्रामुत्य छि तिहुंद शिल्प (Craft) छु गवाँही दिवान जि कौशिर्य कौत्य कार्यगर आँस्यमुत्य छि।

अति द्रामुत्य चीज़ छि वज़ीर बाग किस इंडियन आरक्योलाजी दफतरस मंज मूजुद। कँह चीज़ आयि परखावनु खाँतरु माँहिरन सोज़नु। मज़मून गव हनाह ज़्यूठ। कँशीरि हुंद अखा अखा कतरि—फोल छु तवौरीखुक्य गंड मुच़गवान तु सोन बजर हावान।

व्वमेद छे जि नँविस कुस्तस मंल करव बेयन तवौरीखी जायन हुंद ज़िकिर। पतु निमव नीलमत पुरानस मंज बावनु आमुच जोग्राफी तु टोपोग्राफी, तमि पतु पकव फलसफस कुन यथ मंज कौशुर शैव—मत स्यठाह अहम छु।

(जौरी)



पं. स्वखानंद सुंजु कथु बूजिथ यियि मोहन्युव तंग, दपि गरि कोनु  
 द्रास जंग वुछिथ युथ यि समखेहम नु। मगर सु येमि द्वह नु  
 समखि, क्याहताम कमी छे मनुशस बासान। यिथय कॅन्य प्यव  
 अकि द्वह वाख किस दफतरस प्यठ वॉतिथ, गिलु कोरुन जि  
 वुन्युस ताम वोत नु तस वाख 2 हस मंज जॉहिर कॅर्यमुतिस  
 खयालस मुतलक काँसि हुंद खत पॅतर तस निश। मगर देंस्ती  
 दिद्युन सानि गलतियि प्यठ मॉफी तु तुजुन पनुन्य फेवरिट कथु  
 लॅड। सवाल ति कॅरिन तु जवाब ति दिति पानय। पानय वोनुन  
 जि स्वखन डूस छिम गॉमुत्य। बूजिव क्याह वोनुन येमि लटि।

मंज बाग आस बु ह्यनु

—स्वखानंद

हे मे हसॉ लोग ग्रट।

मे लोग ग्रट अवु किन्य न जि बटु छुस। अवु, याद छुम  
 कॅम्य तान्य शॉयिरन वोननम ड्यकस द्वह लॅदिथ —

बटन ति ग्रट लोग, ती बूज

वोथ अमास कमन माकनन, हमुद!

बटु छुस मगर ग्रट लोगुम न तवु किन्य। तोह्य हेकिव वॅनिथ  
 जि यि ग्रट फ्युर लोग न मे बटु आसनु किन्य, हालांकि सु ग्रट ओस  
 मे ब्रोंडुय लोगमुत। यि फ्युर लोगुम अवु किन्य जि द्वन ग्रटकन्यन



(पेठिमि कनि, खबर तथ क्या वनव। ग्रट ठानु वनोसा? तु बेयि ग्रट चकजि) मंज, बाग लोगुस, अवय। हिंदी पौद्य यिमन दृशवुन्य 'पाट' वनान। छुना कॅम्य तान्य कवि सॉवन वोनमुत —

दो पाटन के बीच में सावित बचा न कोय

बु ति आस द्रन 'पाटन' सेमंजस ह्यन तु सोबूथय कति नेरु?  
 वुछितव चतजी पंचाह आसु मुशिकलन, न छम सिरिफ हंगु  
 छतेमनु बॅल्लिक तालि छुम सारी शीन प्योमुत। अछन अँद्य अँद्य  
 क्रहन्य आरु क्वंडल। गॅल्य अंदर चामुत्य हालांकि दंद छिम वुनि  
 बराबर। बुथिस जथ ज़न आमुच। अँछन नु नूर। गोब छुनस बोजुन  
 ह्योतमुत। दपान छिम कोब कॅडिथ छुस पकान। नर्यन जंगन अथन  
 वुछितव माज़ लृश यीव नु बोज़नु। आ, नॉर छिम फॅटिथ द्रामुत्य।  
 खबर तॅमिस शॉयिरस कति आयोव म्योन अमास बोज़नु। कॅशीरि  
 येलि ओसुस, रछ खंड ओसुस पूठ पहान। मगर अमास कर  
 ओसुम? अमास छु हुकुल नासुक ख्यनु वाल्यन आसान। मे ओस  
 द्रह द्रह कडुन तु हुकुलनासस कुन ओसुस नु बॅहरान। यड चॅटिथ  
 ओसुस पाँसु पाँसु सॉबरान तु कूर नखु वालान या लरि मरमथ  
 करनावान। लोन कुस्त बरान तु सीर सीर खारुनावान। म्यानि हिशि  
 महदूद आमदनी वॉल्य ऑस्य बेहतर ख्यवान चवान; माज़हय  
 हफतस मंज त्रैयी फिरि रनुहन, गुरबथ ऑसुख बासान, मगर ति मा  
 ओसुख काँह वुछान। वुछान ऑस्य तु म्योन कुंद्य कॅरिथ कुर्तनि  
 पॉजामु या सुय कॅडिथ मस। पोतुस वोनहम माकुन (माँकुन) याने  
 चालाख, फंदबाज़, यॅड सुत्य चोप ह्यनु वाल। तसला गोख येलि  
 बेगरु तु वॉरान वुछिहस। दोपुख 'माकनस' ति वोथ 'अमास'! कृत्य  
 टेट्य ग्वरठ वॉलिम हटि। क्या क्या बूजुम। कृचु पामु चाजम। बटय  
 ओसुस। ग्रट लगुन ओस मे बाँवी। आखुर बटु तु ग्रट यिमन द्रन  
 लफ़ज़न छुना कॉफियि (तुक) मेलान!



कथ ओसुस बु पननि मुसीबतुच करान, द्वख दादिच करान।  
युथ वनु तु रछाह ल्वतु। द्वखय द्वख तुलिम योर! नाव कस्योनम  
मॉल्य माजि स्वखानंद ति क्याजि स्वख ओसिम कांछान ति क्याजि  
स्वख सुत्य छु आनंद बनवुनुय।

शांयिरु सुदि ग्रटुच कथ छुस नु करान। द्वन ग्रटु कन्यन मंज  
बाग ह्यनु यिनुक दोद छुस बावान; येमि किन्य पॅतिम्यन पंदाहन  
वॅरियन त्यूत बुइयोस (दरअसल ज़ज़रयोस) यूत पंचाहन वॅरियन ति  
बुडहॉ नु। सिरिफ पंचाह वुहुर छुस तु आरकियालाजिस्टन हुंदि बापथ  
छु म्यानि अँकिस अँकिस बुथ्य गेनि मंज अकि अकि तवॉरीखी  
दोरुक्यन सियाँसी—समाँजी व्वलगतनन हुंद्य नक्शु बोज़नु यिवान।

मे पतु कनि छे म्याँन्य ज़िठ पीर, म्योन मोल माँज यिम  
वाँसठ छि। ब्रॉठ कनि छिम शुर्य यिम कॅह ज़ायेयि कॅशीरी तु  
ख्वखुज हेछिख येति, कॅह ज़ायि येती! वुन्यकिस छि इम्तिहानन तु  
ट्रेनिंगन यि दॅप्यजि ति सैकिलिस मंज पां रुख छांडान, तापुचंजन तु  
रुदुशान्यन अंदर डकरि तु नार छंडान। मॉल्य माजि कोरनम नु गरुमु  
क्रायि हुंद नोव वतन कबूल्य, तिम छि मनसा वाचा तु कर्मना  
कॅशीरि हुंदन शैहजारस तु सहलंगॉरियि मंज तसला लबान। तिमन  
हेकि नु कांह यकीन दिथ जि कॅशीर गॅयि हमेशि खॉतर। तिहुंज छट्ट  
छूठ छुस वुछान तु दिलस छुम ज़न कान यिवान।

ब्रॉठ कनि छिम नवजवान। परान, पॅर्यमुत्य, नोकरियि छारान,  
नोकरियि करान। यिमन न छे पोत कल, न छुख कॅशीरि हुंद पयी।  
दर असल छुनु यिमन परवायी जि पतु कनि मा छुख अख बोड  
शिन्याह, युस अज़ नतु पगाह तिहंदिस ब्रॉह कालस पनुन क्रुहुन  
परतव त्रावि। यिमन न छु रावनुक कांह द्वख, कॅह ति रावनुक  
कॅशीर, काँशुर, काँशर, काँशरुत मूल, मीरास, कुन्युक ति शऊर  
छुख नु। शऊर छुख नु अवुकिन्य छुख न द्वख ति कांह।

तु यिमन द्वन मंज बाग छुस बु। मे युथ पथ कालुक  
यादुवोतुर छु, तिछ्य छम ब्रौह कालुच फिकिर ति। कॅशीर छ्यनु



गछनुक द्रख छुम, मगर शुर्य द्रायम नारुपानि तु ततु वानि, अमिच खुशी ति छम। कॅशीर गॅछुम वापस हालांकि खबर छम म्योन संगर्श हेकि ज्यूठ तु तकलीफदेह आसिथ। तोतान्य कूर्यम यिद्वख अँदरी। शुर्य गॅछिम नु पथ कालचि चितनायि निशि छ्यनुन्यं। ज़बान गॅछ्य नु रावरुन्य। प्रज़नथ गॅछ्य न नहनावनु दिन्य। म्याँन्य ज़िद्व गॅछ्य हकीकत समजिन्य तु कॅशीर मॅशरावुन्य। म्याँन्य शुर्य गॅछ्य नु खाब बुछिन्य त्रावुन्य तु कॅशीर गॅछुख बार बार याद पेन्य। पिलिहेमय तु वॅरियस मंज़ ज़ पांछ र्यथ गोछुस यिम बुड कॅशीरि तौरिथ ह्यकुन। वॅरियस मंज़ अँकिसुय हफ़तस गोछुस शुर्य तु जुर्य पोथर्य ति पनुन वतन निथ ह्यकुन युथ तिमन ब्रॉठ कनि कौर थँज़ रोज़िहेम जि यिथय ओसुस न कॅशीर थ्यकान।

गोछुस ह्यकुन कॅरिथ। ह्यकु हा कॅरिथ तेलि क्या गयोव? यि करनु खाँतरु छुस लडनु खाँतरु तयार। ल्यकु श्वक रटनस तयार। मगर न छम पॅतिमि पीरि ह्यमथ बोज़नु यिवान जि तिम दिन मे साथ, न छम ब्रूहिमि पीरि कांह दिलचस्पी बासान। बु छुस अँदरी सौंचान तु चँदरुगोम वातान। अख पीर छे व्वन्य बेह्यस गौमुच ति क्याजि न्यराशायि छुनख नाल वोलमुत। ब्याख पीर छे बेपरवाय, ज़रूरथुन छुख न बासान सौंचनुक। तु बु? बु छुस गरा न्यराश तु गरा पुरव्वमेद गछान। हु ति तु यि ति। मगर न हु तु न यि। हुमि सुत्य परेशान, येमि सुत्य हॉरान। नतीजि? द्रह ख्वतु द्रह क्रटान। ग्रट यस लगान छु सु ति छुना क्रटान तु छ्वकान!

दफ बोलनस छम त्वछ। लेखनस आँसुम हाल ति क्याजि तमि वरॉय खबर क्याह आँसुम? दफ़तरस मंज़ तु लेखुन, वानु वॉलिस निश तु लेखुन, गरि बिहुन तु लेखुन। व्वन्य छुस बोलान। बोलनस छुम क्याहताम स्वख मेलान। अवु यहोय स्वख छु मे दँस्याब। अवय छुम बासान मॉल्य माजि छुनम नाव चौरिथ कौरमुत।



## येमि अंकुक्कय लेखन वॉल्य

1. मोहनलाल आश — सेक्टर 1,  
दुर्गानगर, पो. रूपनगर, जम्मू -180013।
2. विजय माम — 297, सेक्टर 3,  
टाइप 3, सादिक नगर, नई दिल्ली -110049।
3. भूषणलाल कौल — पर्णकुटीर,  
धर्माल, बरनाई, मुद्ठी, जम्मू।
4. प्रेमनाथ शाद —  
39, आदर्श कालोनी, उधमपुर — 182101।
5. प्यारे भान — 40.बी, बसंत नगर,  
जानीपुर, जम्मू -180013।
6. रोशन सराफ — 8, सूर्या एपार्टमेंट्स,  
ईस्ट एक्सटेंशन, सेक्टर 1-A, त्रिकुटानगर, जम्मू -18004।
7. अर्जुनदेव मजबूर — राम कृष्ण आश्रम गली नं. 1,  
उदयवाला, पो. तालाब तिल्लो, जम्मू — 18002।
8. र.ल.भट्ट — द्वारा शारदा संजीवनी केंद्र,  
आनंद नगर, बोहड़ी, जम्मू -18002।
9. रतनलाल जौहर — गली नं. 1, बी ब्लाक,  
रूपनगर एनक्लेव, जम्मू — 180013।
10. अरविन्द गिगू — मकान नं. 111, सेक्टर 2,  
ई.डब्ल्यू.एस, लोवर रूपनगर, जम्मू — 180013।
11. चद्रकांता — 3020, सेक्टर 23,  
गुडगांव, हरियाणा — 122017।
12. मोतीलाल नाज़ — 95, नेहरू अपार्टमेंट्स  
कालका जी, नई दिल्ली - 110019



**CENTRALLY LOCATED FOR LUXURY AND COMFORTS**



- ☐ Delicious Food, Kashmiri Wazwan, Indian, Chinese & Continental
- ☐ Well Stocked bar with screen environment
- ☐ Spacious Rooms with all the modern facilities
- ☐ Conference Hall with open Terrace
- ☐ Air Conditioned Banquet Halls for Marriage Parties etc.
- ☐ Spacious Lush Green Lawns
- ☐ Ample space for car parking within Hotel Complex



**HOTEL SAVOY**

**AIR CONDITIONED**

**(Owned by RAINA'S)**

Residency Road Extn., Near Delhi Public School, Jammu

For Reservation : 0191-2576173/74/75, 2571947/48

Fax : 2576176



***With best compliments  
from***



**Vasu Dev 'Reh' Cultural Trust**  
(Batapora Sopore, Kashmir)

**B-28/34 Subash Chowk, Laxmi Nagar,  
Delhi-110092**

**Phone : 011-22413422 Fax : 011-22459443**  
**E-mail : pandita1@vsnl.com**

Printed and Published by **Sh. Shiban Dudha**, General Secretary, AIKS for and on behalf of All India Kashmiri Samaj from D-90, Sarojini Nagar, New Delhi-110023 Phone : 24677114 E-mail : aiksnd@rediffmail.com Printer : *Jeoffry and Bell* Publishers, Printers Ph. : 65413585 Telefax : 22047667 Editor : **Ratan Lal Shant**, Managing Editor : **Dr. R. K. Bhat**

Price : Rs. 30/-